

NAHOANA AHO NO MANOHITRA

NY FIVAVAHANA VOARAFITRA



Misaotra anao, Rahalahy Neville.

Afaka mipetraka ianareo. Voalohany, tena sahirana aho androany hany ka diso an'ireo antso sasany ho an'ny marary. Nisy olona sasantsasany niaraka tamin'ny zava-misy manokana mba hivavahana, izay tokony nihaonako. Saingy ankehitriny ny sasany amin'ireo . . . ny iray amin'ireo vondrona, mino aho fa i Billy no nilaza fa avy any Canada, toerana roa na telo samihafa. Ankehitriny, tonga eto izy ireo, fantatrareo, ary mipetraka any amin'ny hotely sy tranom-bahiny tsy ankitsahatra foana. Ary handeha hihaona amin'izy ireo aho, hihaona sy hivavaka ho azy ireo izay tonga avy hatraiza hatraiza avy any amin'ny manodidina an'izao tontolo izao, sy Azia, Europa sy hatraiza hatraiza. Isan'andro, rehefa eto izahay, dia tonga ny olona. Misy mihoatra ny eninjato eo amin'ny lisitra, miandry . . . ho an'ny fifampiresahana manokana, ary noho izany dia izay no manao azy ho somary sarotra. Fa ireo olona izay tena marary sy hamehana mba hivavahana, nahoana, miezaka aho ny mihaona amin'izy ireny.

² Izao fotsiny, eny, raha mbola tao anatiny tao aho niaraka tamin'ny komitinandriamananjara, teo amin'ny fihainoana kely ny komitinandriamananjara eto amin'ny fiangonana, dia tsy maintsy nihaona izahay fotoana vitsy lasa izay. Ary nandritr'iio fotoana io dia nanaisotra ora iray sy sasany tamiko izany, ary nisy olona vitsivitsy tokony ho teto tamin'io fotoana io mba hivavahana. Raha eto izy ireo, dia tiako ny hanao vavaka ho azy ireo amin'ity fotoana ity. Noho izany, raha sitrak'izy ireo, ireo olona izay tokony hivavahana, eny, raha hanatona fotsiny izy ireo ankehitriny raha mbola ilay mpitendry piano, na iza ilay izy, no ho avy ka—ka hanome antsika feon-kira kely iray an'ny "Ilay Mpitsabo lehibe dia akaiky ankehitriny, ilay Jesosy mangoraka." Ankehitriny ireo izay hivavahana, raha sitrak'izy ireo, tsy fantatro hoe misy firy eo. Ary ianareo ireo rahalahy, heveriko. Ry rahalahy, nijaly mafy aho tao amin'ny vatako manokana. Jesosy dia nitondra tao amin'ny Vatany, ny fijaliana, mba hahatonga Azy ho ilay karazana Mpanelanelana iray marina, satria Andriamanitra tonga nofo Izy mba Ahafahany mijaly. Afaka nahatsapa an'ireo fanaintainan'ny fahalemena Izy. Ary izany no antony Nahatongavany mba hanao fanaovam-panavotana iray. Ary ao amin'izany dia naniraka Ny Fianganany Izy mba hanohy ny Asany.

³ Ary izaho dia—izaho dia manana fanajana ambony ho an'ny asam-pitsaboana, ny fandidiana sy ny sisa, izay—izay miaraka amin'ireo talenta izay nomen'Andriamanitra azy ireo mba hanao zavatra maromaro ho an'ny vatana, mba handidy sy hanala nify izay ratsy, sy ny sisa. Mankasitraka an'izany aho. Saingy misy fotoana iray izay mahatonga azy ireo ho any ankoatry ny—ny fahalalany, izy ireo—tsy fantatr'izy ireo izay hatao. Hitanareo? Ary heveriko, arak'izany, fa manana zò tanteraka iray isika, tahaka ny ananantsika ao amin'ilay ara-boajanahary, raha nandeha tany amin'ny dokoteram-pianakavantsika isika, angamba do—dokotera iray any ambanivohitra, dokotera antitra tsara iray izay mitondra fanilo iray ka mandeha mitety an'ilay saha ny alina, mba hahita anareo, hitsabo anareo. Ary raha diso amin'ny fahafantarana izy, dia handeha hankany amin'ny olona iray izay ambony kely kokoa noho izy. Handefa anareo hankany amin'ny manam-pahaizana manokana iray izy. Ary raha tsy mahafantatra ilay manam-pahaizana manokana ankehitriny, izaho—faly aho fa manana itodihana hafa iray isika, ilay Mpitsabo lehibe.

⁴ Ary tsy diso Izy, tsy diso io Anankiray io, satria Izy no Mpamorona Izy tenany. Ary nanao lèlana iray ho antsika Izy. Ankehitriny, raha nisy herin'ny fanasitranana ao anatin'ny tenako mba hanao an'izany, izaho—dia ho tonga eo aho ka hanao azy. Izaho—ho faly mihitsy aho hanao azy. Saingy, raha ny herin'ny fanasitranana, dia tsy manana anankiray aho, tsy misy olona hafa iray manana herin'ny fanasitranana. Fa nirahina isika, hitanareo, avy tamin'i Kristy, mba hivavaka ho an'ny marary, Izay efa nametraka ny herin'ny fanasitranana tao amin'ny petra-bola. Hitanareo? Ary tonga fotsiny isika, araka ny maha-izy azy, mba hanoratra seky iray eo amin'izany. “Fa na inona na inona angatahanareo amin'ny Ray amin'Ny Anarako,” izany ilay seky tsy misy soratra, “na inona na inona angatahanareo amin'ny Ray amin'Ny Anarako, dia Hataoko izany.” Teny fikasana iray toy ny inona! Tsy mety diso mihitsy. Ary nanampy an'ireo rahalahiko sy anabaviko aho, nanerana an'izao tontolo izao, hanao an'ireo petra-bola...na hanao an'ireo fisintonana eo amin'ireo ravim-bola ao amin'ny Bankin'Andriamanitra, eo amin'ny Ràn'i Jesosy Kristy. Ary efa tena nahomby izany. Nandoa foana Izy, ary satria efa tao ilay petra-bola, hitanareo. “Izy—Izy—Izy dia voalefona nohon'ny fahotantsika, ireo Dian-kapony no efa nanasitranana antsika.” Hitanareo, tapitra daholo izany. Ary faly izahay izao hariva izao nohon'ny finoanareo.

⁵ Mino aho fa i Billy no niteny tamiko fa misy rahalahy iray tonga avy any Canada lavitra any na tany ho any. Ary marina ve izany? Ianao ve ilay rahalahy avy any Canada? Ary—ary avy aiza ianao, rahalahy? [Hoy ilay rahalahy hoe, “Any avaratr'i Fort Wayne mihitsy, any Kendallville.”—Mpand.]

Kendallville, Indiana, avy any Fort Wayne. Tany Fort Wayne aho no nanambady. Tsaroako tsara. Nanana fivoriana maro aho tany tao amin'ny Rediger Tabernacle. Ataoko fa fantatrao hoe aiza izany. Ary tsaroako, raha mbola zazalahy kely iray, nипetraka teo an-tongotri Paul Rader aho, tao amin'ny Rediger Tabernacle, amin'ny maha-mpianatra mpitoriteny tanora iray fotsiny. Lehilahy malaza iray izy, Rahalahy Paul izany, ary toy izany koa i Rahalahy Rediger, lehilahin'ny finoana. Miala sasatra ny fanahin'izy ireo izao hariva izao. Ary ankehitriny, satria zazalahy kely iray aho, dia miezaka aho ny manohy mitondra an'izay navelan'izy ireo, izay navelan'i Jesosy ho an'Ny Fianganany hatramin'izay.

⁶ Ankehitriny, miaraka amin'ny finoana rehetra izay ananako, dia tonga aho hivavaka ho anareo. Ary izaho—tsy tonga toy ny kisendrasendra fotsiny aho. Tsy tantsika mihitsy ny manatona amin'izany fanao izany. Tsia, tsy tsara izany. Tonga isika, mino fa handray an'izay nangatahantsika, hitanareo, mahafantatra fa Andriamanitra no nampanantena an'izany. Ary tonga miaraka amin'ny antoka isika ao am-pontsika fa Kristy no nanao ny teny fikasana, ary ianareo rahalahy no niezaka nametraka ny finoanareo eo amin'ny alitara, nanao an'izay rehetra vitanareo, tonga aho hametraka ny ahy miaraka aminareo izao hariva izao. Hitanareo?

⁷ Ary, ankehitriny, dia manana alitara lehibe iray isika izay mivelatra manerana an'ireo lanitra, ary eo amin'izany alitara izany no nипetraka ny Fanatitsika, ilay Zanak'Andriamanitra. Hitanareo? Izany dia io Fanatitra mivoa-drà io. Tsy afaka mijery an'izany tsy misy fanajana an'Izany Andriamanitra, hitanareo, satria Izany No Teniny hoe, "Ity Ny Zanako malalako, henoy Izy."

⁸ Hangataka an-dRahalahy Neville aho, ny loholontsika, raha handroso miaraka amiko izy ankehitriny raha mandeha izahay. Tiako ny fianganana rehetra... Ahoana moa raha ny rahalahinareo io, ny vadinareo, ny zanakalahinareo, ny rainareo? An'olona iray izany, tsarovy. Ndao isika, miaraka amin'ny fahatsoram-po rehetra izay ananantsika, hanatona an'Andriamanitra ankehitriny ho an'ireto rahalahy ireto.

Ndao isika hanondrika ny lohantsika.

⁹ Ray any An-danitra Mpiah, mitondra ao amin'Ny Fanatrehanao izahay ankehitriny, eto akaikin'ny alitaran'ny fahasoavana, na dia mitsangana eo akaikin'ny dabilio hazo kely iray aza izahay, araky ny maha-izy azy, eto an-tany eto, saingy ny finoanay dia nisandratra hatrany amin'ilay alitara mirehitra lehibe any, izay misy an'i Jesosy (ilay Mpamony manim-pofona eo anatrehan'Andriamanitra, ilay Fanatitra Rà avy teo Kalvary) Izay nandresy ny aretina rehetra, ny faharariana rehetra, ny fahafatesana, ny helo, ary ny fasana, ka nitsangana indray ary niakatra any An-danitra, mba

hipetraka eo an-tànana ankavanan'Ny Fiandrianany. Ary izahay, amin'ny finoana, dia tonga, manandratra ny tenanay eo amin'ny fahasoavan'Andriamanitra, mba hilaza eo amin'ity alitara ity, amin'ilay Mpamorona lehibe an'ny Lanitra sy ny tany hoe, "Raiso izahay, Tompo, raha manatona amin'ny Anaran'ny Tompo Jesosy."

¹⁰ Indro ireo rahalahinay, ary ny iray amin'izy ireo dia avy any ambonin'i Fort Wayne, ato amin'ireo fanjakana, ary ilay iray hafa dia avy tany Canada lavitra tany eto, tonga ho an'ity fotoana mihaja indrindra ity. Ilay izy dia eo anelanelan'ny fahafatesana sy ny fiainana, Tompo. Indro ny lehilahy roa, mbola tanora, asa betsaka no tavela amin'izy ireo ho Anao, Tompo, miaramila roa, Kristiana izay mino Anao. Ary nitifitra zana-tsipika kely iray ilay fahavalao, ary nahavoa tany ho any tao amin'ny vatan'izy ireo io poizin'ny zana-tsipika kely io, ka niverina izy ireo, niverina nihemotra nankao amin'ilay hopitalin'ny fahasoavan'Andriamanitra, ho an'ny fampihavanana, ho an'ny fanasitrana, mba ahafahan'izy ireo manatona ny lohan'ady indray, miaraka amin'ny ampinga mitsangana, mandeha mankany amin'ny ady. Tonga izy ireo mba hanakambana ny herin'ny vavaka miaraka aminay, Tompo. Ary mandeha mihaona amin'ilay fahavalao izahay.

¹¹ Amin'ny Anaran'i Jesosy Kristy, avotsory izy ireo. Mandidy anao amin'ny Anaran'i Jesosy Kristy izahay, avelao izy ireo handeha.

¹² Mpiady any amin'ny ady izy ireo. Ary, amin'ny maha-Mpanomponao, dia mandroso aho ankehitriny hametraka ny tânako eo amin'izy ireo, miaraka amin'ny finoana, mino fa, "Izao famantaranana izao no hanaraka an'ireo izay mino," hoy ny Tomponay, ilay Lohan'ny Kapiteninay amin'ny ady, "raha mametraka ny tânany eo amin'ny marary izy ireo, dia ho sitrana ireny."

¹³ Izany dia ataoko amin'ny Anaran'i Jesosy Kristy. Enga anie ny herin'ny aretina izay mamatotra ny vatan'ity rahalahy ity, hamotsotra azy, amin'ny Anaran'i Jesosy Kristy.

Ny herin'ny aretina izay mamatotra ny vatan'ity rahalahy ity, hamotsotra azy. Amin'ny Anaran'i Jesosy Kristy, enga anie hiala izany.

¹⁴ Andriamanitra Tsitoha, Mpamorona ny Lanitra sy ny tany, Mpanao ny Fiainana mandrakizay, ary Mpanome ny fanomezana tsara rehetra, ento ireo Fitahianao ho eo amin'ireto izay tsofinay rano ireto. Ary izao no voasoratra ao amin'ireo Soratra, hoe, "Raha milaza amin'io tendrombohitra io ianareo hoe, 'Mifindrà, ka tsy misalasala ao am-ponareo, fa mino fa hiseho izay nolazainareo, dia afaka mahazo an'izay nolazainareo ianareo.' Mino aho fa niala tamin'ny vatan'izy ireo ny aretiny. Ankehitriny

efa voalaza izany; ankehitriny dia enga anie ho tanteraka izany. Amena.

¹⁵ Amin'ny Anaran'ny Tompo Jesosy no inoako fa afaka ianao. Amin'ny Anaran'i Jesosy Kristy no inoako fa afaka ianao. Amena.

Mino tahaka an'izany koa ve ny fiangonana? [Hoy ny fiangonana hoe, "Amena."—Mpand.] Noho izany dia enga anie ho tanteraka izany.

¹⁶ Ankehitriny, hisy hafa ve ato izay te-ho tsarovana ao amin'ny vavaka fotsiny, hanangana ny tànanareo ve ianareo? Eny ary, ndao isika hanatona Azy ankehitriny raha mifametra-tànana ianareo eo. "Izao famantarana izao no hanaraka an'ireo izay mino."

¹⁷ Andriamanitra masina indrindra, amin'ny finoana no ahitanay an'i Jesosy, mino Azy mitsangana manatrika izahay. Mitandrina Ny Teniny Izy. Ary hoy Izy hoe, "Na aiza na aiza no misy roa na telo mivory amin'Ny Anarako, dia ho eo afovoan'izy ireo Aho." Ankehitriny, Ray any An-danitra, aoka ny herin'Andriamanitra Tsitoha hikasika an'ireto olona ireto, Tompo, raha mifanakambana tànana izy ireo, mifametra-tànana. Ilay fanirahana farany izay Nolazainao tamin'ny Fiangonana hoe, "Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo, izy ireo dia ho...ho sitrana ireny." Ianao no nampantanena an'izany, ary mino an'izany izahay. Noho izany ankehitriny dia efa vita izany, ka midera Anao izahay ny amin'izany, amin'ny Anaran'i Jesosy Kristy. Amena.

¹⁸ Ary amin'ny Anaran'i Jesosy Kristy dia enga anie ny herin'Andriamanitra hanosotra an'ireto mosara ireto ho an'ilay marary sy manana ilaina. Ary raha alefa izy ireo ka hapetraka eo ambonin'ilay marary, dia enga anie hiseho hoe ho sitrana izy ireo. Mamaky izahay ao amin'ny Baiboly fa nalaina avy teo amin'i Masindahy Paoly izy ireo, ireo mosara, aron'akanjo; dia niala tamin'ny olona ireo fanahy maloto, ary sitrana ireo aretina. Ary, Ray, fantatray fa tsy Masindahy Paoly izahay, saingy fantatray fa mbola Jesosy foana Ianao. Ka mivavaka izahay mba Hanekenao an'izao fangatahana izao ho an'ny Voninahitrao. Amena.

¹⁹ Tsy fantatro na misy...efa mandeha ireo horonam-peo, na tsia. Mandeha ve izy ireo? Raha tsia, dia tiako izy ireo handefa azy amin'izao fotoana izao. Mino aho fa miakatra ilay fanapihana. Ankehitriny, manantena aho fa tsy mandreraka anareo aho izao hariva izao. Manomboka eo amin'ny antsasak'adiny na dimy amby telopolo minittra mialoha aho. Ary izaho...Lesona sekoly Alahady iray ilay izy, ary nihevitra aho fa hanao soa anareo angamba raha nanao horonam-peo an'ity izay ato am-poko ity aho. Ary isika dia

eo an-dàlam-pidirana ao amin'ny—ny dingana vaovao iray, tabernakla vaovao, vaovao ny rehetra.

²⁰ Ary ankehitriny dia tiako ny hamaky sasantsasany avy amin'ny Soratra. Raha tianareo olona ny hamaky miaraka amiko, dia te-hamaky avy ao amin'ny Samoela Voalohany aho, ny toko faha-8, ary tiantsika ny hanomboka amin'ny andininy faha-4 hatramin'ny faha-10; ary avy eo, mba hitsitsiana fotoana, ny faha-19 hatramin'ny faha-20. Ary manana ravin-taratasy maro an'ny Soratra sy fanoroana voasoratra aho eto, ka raha manana penina sy pensily ianareo olona, na zavatra iray, taratasy, ka tianareo ny hitodika amin'ireto na handray naoty azy ireo, dia afaka manana azy ireo ianareo, na, Atoa. Maguire no banana an'ilay—ilay—ilay horonam-peo.

²¹ Ary tiako ny hanokana an'ity horonam-peo ity ho an'ireo mpitoriteny, ireo rahalahiko, ireo mpitoriteny izay tsy mahazo ahy,indrindra ireo rahalahy avy amin'ireo fiangonana aranaram-piangonana. Ary ny ankamaroan'ny rehetra dia aranaram-piangonana.

²² Ary ny lohahevitra izao hariva izao dia: *Nahoana Aho No Manohitra Ny Fivavahana Voarafitra*. Ary hamaky aho ankehitriny ho an'ny foto-kevitra iray, na famakiana Soratra iray, mba hanaovana azy ho ara-tSoratra tokoa, tiako ny hamaky avy ao amin'ny Samoela Voalohany 8:4-10, avy eo 19-20. Ho an'ny mpanatriko hita maso, dia matoky aho fa rehefa mandeha any an-trano ianareo ka handray naoty an'ireto Soratra ireto dia hamaky azy ireo tsara tokoa. Ary ho an'ireo rahalahy izay hihaino an'ilay horonam-peo, dia matoky aho fa tsy hanajanona an'ilay horonam-peo fotsiny ihany koa ianareo rehefa misy zavatra voalaza izay angamba tsy ifanarahahanareeo, fa hitady an'Andriamanitra ao amin'izany, hahita raha ara-tSoratra ilay izy. Neveriko fa andraikitsika amin'ny tenantsika sy amin'ny Hafatry ny andro izany.

²³ Mino aho fa ny fiangonana rehetra dia manana Kristiana ao anatin'izy ireny, ary tsy miteny manohitra Kristiana tokoa aho. Fa ny antony nanaovako an'izay nataoko, sy nilazako an'izay nolazaiko, dia nohon'ny tsindrimandrin'ny Fanahy Masina teo amin'ny Teny.

²⁴ Ankehitriny dia ndao isika hamaky ao amin'ny Samoela Voalohany, ny toko faha-8, manomboka amin'ny andininy faha-4, ary mamaky ny faha-10, manontolo, aloha.

Tamin'izany ny loholon'ny Isirael y rehetra dia namory ny tenany niaraka, ka tonga tao amin'i Samoela tao Rama,

Ary nanao taminy hoe, Indro, efa antitra ianao, ary ireo zanakao dia tsy nandeha...tsy nandeha tao amin'ilay lìlana: ankehitriny dia manendre mpanjaka iray ho anay hitsara anay tahaka ny firenena rehetra.

Fa tsy sitrak'i Samoela ilay zavatra, rehefa nilaza izy ireo hoe, Omeo mpanjaka iray izahay hitsara anay. Dia nivavaka tamin'ny TOMPO i Samoela.

Ary hoy ny TOMPO tamin'i Samoela hoe, Henoy ny feon'ny olona amin'izany rehetra lazainy aminao izany: fa tsy ianao no lavin'izy ireo, fa izaho no lavin'izy ireo, mba tsy hanjakako amin'izy ireo.

Arak'ireo asa rehetra izay nataon'izy ireo hatramin'ny nitondrako azy nivoaka avy tany Egypta ka hatramin'ity andro ity, dia ny nahafoizany ahy, sy nanompoany andriamanitra hafa, dia toy izany koa no ataony aminao.

Noho izany ankehitriny dia henoy ny feon'izy ireo: kanefa kosa lazao aminy marimarina, ary asehoz azy ireo ny fanaon'ny mpanjaka izay hanjaka amin'izy ireo.

Dia notenenin'i Samoela ireo tenin'ny TOMPO rehetra tamin'ireo olona izay nangataka mpanjaka iray taminy.

²⁵ Ankehitriny ny andininy faha-19 sy faha-20 ho an'ny fehiny.

Kanefa nandà ny hankatò ny feon'i Samoela ny olona; ka hoy izy ireo hoe, Tsia; fa banana mpanjaka iray hanjaka aminay izahay;

Mba ho tahaka ny firenena rehetra ihany koa izahay; ka ny mpanjakanay no hitsara anay, sy handeha...eo alohanay, ary hiady ny adinay.

²⁶ Ny Tompo anie hanampy ny Fitahiany amin'ny famakiana Ny Teniny. Ankehitriny, satria lesona sekoly Alahady iray, dia tiako ny hilaza fa te-hiezaka isika ny ho tena—tena hihaino tsara ny Teny arak'izay vitantsika.

²⁷ Ary fantatsika fa—fa matetika ireo zavatra dia voalaza, (ary ireo fiangonana sasany), izay manafintohina olona iray izay nampianarina mifanohitra amin'izay izy ireo...ren'izy ireo. Ohatra, niteny tamiko ny lehilahy iray indray andro, izay sakaizako iray mipetraka manatrika ankehitriny, hoy izy hoe, “Rehefa nilaza ianao, Rahalahy Branham, araka ny finoana betsaka izay nananako taminao, ary mino, rehefa nilaza ianao fa tsy misy ‘ny helo Mandrakizay,’” hoy izy, “dia toy ny nianjera avy teo amin’ny sezako aho. Dia hoy aho hoe, ‘Azo antoka fa diso ilay lehilahy.’” Ary avy eo dia hoy izy, “Navelanao nitsangana vetivety izahay. Ary avy eo dia hoy ianao hoe, ‘Endrika Fiainana Mandrakizay iray ihany no misy, ary izany dia avy amin’Andriamanitra.’” Ary izany no katsahintsika rehetra, hitanareo.

²⁸ Ary tsy misy Soratra izay milaza fa misy helo Mandrakizay iray. Satria, ny Mandrakizay dia tsy nanomboka mihitsy, tsy mifarana mihitsy koa izany. Noho izany dia hoy ny Baiboly hoe “ny helo dia noforonina ho an’ny devoly sy ireo anjeliny,”

noho izany dia tsy Mandrakizay izy. Nisy fotoana iray izay tsy naaha-nisy azy, ary hisy fotoana iray izay tsy haha-hisy azy, indray. Fa mety voasazy ao anatin'ao izy ireo, amin'ny afo sy solifara, ary ireo lavaka afo, mandritry ny fotoana tsy voarefy, saingy hifarana izany amin'ny farany satria tsy Mandrakizay ny helo. Ary raha nisy helo Mandrakizay iray, dia tsy maintsy manana Fiainana Mandrakizay ianareo hiainana ao anatin'ny helo Mandrakizay iray. Ary raha Mandrakizay izy, dia efa nisy foana izy, ary efa tao amin'ny helo foana ianareo ary ho ao amin'ny helo foana. Hitanareo, noho izany dia tsy misy ny karazan-javatra tahaka an'izany.

²⁹ Noho izany, hitanareo, *Mandrakizay* dia “tsy nanana fiandohana iray na fiafarana iray mihitsy.” Ary endrika Fiainana Mandrakizay iray ihany no misy, ary izany dia ao amin’Andriamanitra, avy amin’ny teny Grika hoe *Zoe*, izay midika hoe “Fiainan’Andriamanitra Manokana.” Ary rehefa nateraka indray isika tamin’ny Fanahin’Andriamanitra, dia lasa Mandrakizay miaraka amin’Andriamanitra isika, satria manana ampanhan’Ny Fiainany, izay manao antsika ho zanakalahy sy zanakavavin’Andriamanitra, amin’izay fotoana izay isika dia manana Fiainana Mandrakizay. Ary ilay Aina izay ao anatintsika, dia Andriamanitra no hanangana an’ilay vatana miaraka amin’ilay Aina amin’ny andro farany, fa ilay Fanahin’Andriamanitra izay ao anatintsika no manangana antsika, satria izany dia Fanahy iray an’i Kristy izay tao amin’i Kristy, izay mamelembelona ny vatantsika ary manangana antsika ihany koa, miaraka Aminy, mba hipetraka ao—ao—ao amin’ny Voninahitra ka hanjaka miaraka Aminy.

³⁰ Ankehitriny ho an’ilay lohahevitra, ankehitriny, efa nandalo an’ireo taona ireo aho, ary nijoro ity tabernakla ity. Na dia, voatendry tao amin’ny fiangonana Misionera Batista aza aho, tamin’ny alàlan’i Dokotera Roy E. Davis, teo amin’ny telo amby telopolo taona lasa izay, teto Jeffersonville teto. Ankehitriny aho, hatramin’izany fotoana izany, dia tao anatin’ilay rafipandaminana fotoana fohy fotsiny aho, volana vitsivitsy, mandra-pisehon’ny zavatra iray izay tsy ara-tsoratra tamin’ilay fiangonana, ary niteny taminy aho fa tsy afaka handeha amin’izany. Ary noho izany aho dia, mazava ho azy, nangatahana mba “hanao an’ilay izy na raha tsy izany,” dia nify ny raha tsy izany aho. Koa izany no zavatra anankiray izay inoako, hoe ity no Tenin’Andriamanitra. Ary nilaza tamin’ilay lehilahy aho izay mpa—mpampianatra lehibe hoe, “Raha haneho amiko an’izany ao anatin’ny Tenin’Andriamanitra ianao!”

“Saingy izany ilay izy,” hoy izy, “izany no fampianarantsika.”

Hoy aho hoe, “Saingy tiako ho avy ao amin’ny Teny izany, hitanao, ny Tenin’Andriamanitra.”

³¹ Ary tsy hoe satria tsy mikambana amin'ny rafipandaminana iray aho ka nanohitra an'ilay rafi-pandaminana, satria mankasitraka an'ireo rahalahiko aho, izay iresahako androany, izay ananako an'ireo fanasana, heveriko, saiky ny anaram-piangonana tsirairay, indrindra ao amin'ireo laharan'ny Full Gospel, ary na dia ao amin'ny maro amin'ireo fiangonana hafa aza. Efa nangatahana aho ho tonga tao amin'ny fiombonan'izy ireo sy hikambana amin'izy ireo, saingy nijanona ho mahaleotena aho. Satria, ny fitaomana izay ananako, dia tsy maniry ny hametraka an'izany eo amin'ny vondron'olona iray aho. Maniry aho ny hametraka an'izay nomen'Andriamanitra ahy, ny vavaka ho an'ny marary, mba ho tombontsoa ho an'ny zanak'Andriamanitra rehetra ao amin'ny rafi-pandaminana tsirairay. Izy tsy nanontany ahy mihitsy hoe aza mivavaka, na ho an'ity anankiray ity satria izy ireo dia mikambana amin'*Izaosy-izao*, Andriamanitra no mitsara ny fon'ny olona.

³² Ary ankehitriny, eo am-panombohana, ny antony tsy nikambanako tamin'izy ireny sy nitenenako nanohitra an'izany, dia, voalohany, dia satria tsy mino aho fa ara-tSoratra ny rafi-pandaminan'ny Kristianisma. Mino aho fa tsy ara-tsoratra izany. Ary izany no hiezahako, izao hariva izao, hiezaka nohon'ny fahasoavan'Andriamanitra, ny hanaporofo aminareo fa tsy ara-tsoratra izany, tsy araka ny fanao ny manana rafipandaminana iray.

³³ Ankehitriny, ny voalohany, isika dia miantso an'izany hoe "fivavahana." Ny teny hoe *fivavahana* dia "fisaronana iray," midika hoe manarona zavatra iray. Ankehitriny, nanana fivavahana iray i Adama, saingy izy ihany tokoa no nanamboatra azy, avy tamin'ny ravin'aviavy, ary tsy nety izany. Nanamboatra ny foto-keviny manokana izy ary niezaka ny hanao lalana iray handosirana, hahitana famonjena ao amin'ny zavatra izay nataony samirery, fa nolavin'Andriamanitra izany, nanomboka tamin'i Adama hatrany amin'ny lamin'ilay rafi-pandaminana farany. Tsy nisy mihitsy, ary nohon'ny fahasoavan'Andriamanitra dia ho poroointsika amin'ny alàlan'ny Baiboly izany androany. Fisaronana iray ny fivavahana. Nanamboatra fisaronana iray ho an'ny tenany avy tamin'ny ravin'aviavy i Adama, nanamboatra an'izany, samirery, mba hiezaka hanao zavatra iray samirery.

³⁴ Saingy nitaky fahafatesana Andriamanitra, fanaovampanavotana iray. Ankehitriny, tena misy fahasamihafana lehibe iray eo amin'ny fivavahana sy ny famonjena, hitanareo, famonjena. Ny fivavahana dia fisaronana iray. Hitanareo? Ny famonjena dia Fahaterahana iray, fanomezana iray avy amin'Andriamanitra. Ny famonjena dia Fahaterahana iray, fanomezana iray avy amin'Andriamanitra, ary tsy mety ho vitan'ny olona iray izany na vondron'olona iray. Isambatan'olona no itondran'Andriamanitra an'io fanomezana

io. Ary ireo fanomezan'ny Fiainana Mandrakizay dia nalahastr'Andriamanitra ho an'ny isam-batan'olona tsirairay alohan'ny nananantsika tontolo iray mihitsy aza, araka ny Soratra. Ny Baiboly no nilaza, ao amin'ny Apokalypsy, fa ilay antikristy izay ho tonga eto an-tany, dia hamitaka an'ireo rehetra izay monina eto ambonin'ny tany, ireo izay tsy manana ny anarany voasoratra ao amin'ny Bokin'ny Fiainan'ny Zanak'ondry talohan'ny fanorenana an'izao tontolo izao. Hitanareo? Andriamanitra, tamin'ny Fahalalany mialoha, dia efa nahita hoe iza no ho avy ary iza no tsy ho avy, nidina Kristy mba hanao lèlana iray ho an'ireo izay ho avy. Hitanareo, nahafantatra an'ireo hafa.

³⁵ Raha Izy no Andriamanitra, mihitsy, dia tsy maintsy ho tsi-manam-petra Izy. Ary raha tsi-manam-petra Izy, dia tsy mety ho tsi-manam-petra Izy raha tsy faratampon'ny hery. Tsy mety ho faratampon'ny hery Izy raha tsy manerana. Tsy mety ho manerana Izy raha tsy faratampon'ny fahaizana. Noho izany, hitanareo, io rehetra io no manao Azy ho Andriamanitra.

³⁶ Noho izany, dia mahafantatra ny farany hatrany amin'ny voalohany Izy. Fantany hoe iza no hety ary iza no tsy hety, ary Fantany fa nisy maro no hety, noho izany dia naniraka an'i Kristy Izy mba hanao fanaovam-panavotana iray ho an'ireo izay ho avy. Ankehitriny, tsy misy na inona na inona ataontsika ahafahana miditra amin'izany. Hoy Jesosy hoe, "Izay rehetra efa nomen'ny Ray Ahy," efa, fotoana lasa, "no hanatona Ahy. Ary tsy misy olona afaka manatona raha tsy Ny Raiko no mitarika azy." Hitanareo? Ankehitriny, hitanareo, izany dia ao amin'ny fahalalan'Andriamanitra daholo.

³⁷ Hoy ianareo hoe, "Rahalahy Branham, ao anatin' ve aho?" Tsy fantatro. Manantena aho fa ao aho. Miasa ho an'ny famonjentsika manokana amin'ny tahotra sy ny hovitra isika. Ankehitriny, ilay Fiangonana dia voafidy mialoha hihaona amin'Andriamanitra tsy misy pentina na fikentronana. Ankehitriny, raha ao anatin'io Fiangonana io isika, dia voafidy mialoha miaraka amin'io Fiangonana io. Ankehitriny diniho amin'ny alàlan'ny Teny ny tenanareo, amin'izay fotoana izay ianareo dia afaka manamarina hoe aiza ho aiza no misy antsika.

³⁸ Ankehitriny, ankehitriny, tsy afaka manome an'izany antoka izany mihitsy ny Kristianisma ara-rafi-pandaminana. Tsia. Hoy ny sasany amin'izy ireo hoe, "Tongava ianareo ka miaike fa Jesosy no Kristy ary aoka hatao batisa ao amin'ilay fiangonana." Manao an'ilay zavatra iray ihany ny devoly. Izy dia mino, ny tenany, fa Jesosy no Kristy, ary mangovitra. Hitanareo, marina izany.

³⁹ Tsy nandidy mihitsy Andriamanitra, na aiza na aiza ao amin'ny Soratra, ny mba hisian'ny rafi-pandaminana iray. Tsy misy toerana ho an'izany ao amin'ny Baiboly. Nanandrana anankiray i Adama fa tsy nahomby izany.

⁴⁰ Ary avy eo dia nanandrana nanao rafi-pandaminana iray i Nimroda. Raha mpahay tantara iray ianareo, ka fantatrareo ny tantaran'i Babylona, vakio ny *Two Babylons* an'i Hislop, dia hahita hazavana lehibe betsaka ianareo. Hoe, Nimroda, io lehilahin'ota io, dia naka an'i Babylona sy ny fiangonana rahavavy keliny rehetra, na ireo toerana manodidina, izay tandindon'ny—an'ity fihemoran'ny Kristianisma an'ny andro farany ity, ary nanao toerana iray goavana be ka ny sisa rehetra tamin'izy ireo dia nilalao...nandoa hetra ho an'izany. Ary tao anatiny tao dia nanorina tilikambo iray izy ary niezaka nandrafitra ny olona niaraka, saingy tsy nahomby izany. Tsy nahomby izany. Tsy nahomby ilay izy.

⁴¹ Kora, ao amin'ny Nomery 16:1, raha tianareo ny hamaky, nanandrana an'ilay tena zavatra iray ihany mihitsy i Kora. Novoriany niaraka ireo Levita rehetra, ary nalaindy ny...ny sasany tamin'ny manan-daza, ny lehilahy ambony, lehilahy malaza, lehilahy masina, ary nivory niaraka izy sy Datana ka nanao hoe, "Tsy mety izao, lehilahy iray no miezaka hanapaka antsika rehetra." Ary noho izany dia niezaka izy ireo ny nanao rafi-pandaminana iray niara-nanomboka, ary tonga teo anatrehan'i Mosesy sy Arona izy ireo, izay nofidian'Andriamanitra ho an'ilay asa, ka niteny tamin'izy ireo fa naka be loatra ho an'ny tenany izy ireo, hoe efa masina ilay fiangonana manontolo, ary manana zò izy ireo ny... "Ao amin'ny habetsahan'ny mpanolo-tsaina no misy ny fiarovana," mazava ho azy, hoy izy ireo. Tsy ampiharina amin'ny Kristianisma izany. Ao amin'ny ady izany. Mariho, fahasamihafana betsaka iray manontolo.

⁴² Afaka maka Soratra iray ianareo, dia manao hoe, "Lasa i Jodasy ka nanantona ny tenany," ary "mandehana ianareo manao toy izany koa," raha tianareo, saingy tsy izany no mahavita tsara an'ilay izy.

⁴³ Andriamanitra no nifidy an'i Mosesy ary Andriamanitra no nifidy an'i Arona, ary izany no hafatr'ilay andro. Ary tsy mampaninona na tsara toy ny ahoana aza ilay ilany hafa, nifanohitra tamin'ny fisainan'Andriamanitra ilay izy. Fa tsy maintsy mamela ny fisainan'Andriamanitra ho fisainantsika isika. "Aoka ny saina izay tao amin'i Kristy ho ao aminareo." Ary ity Baiboly ity no manambara ny sain'i Kristy. Ary ny Bokin'ny Fanambarana manontolo, antsoina hoe Apokalypsy, no Fanambaran'i Jesosy Kristy. Ary afaka mahita isika hoe toy ny ahoana no Anamelohany an'ilay zavatra, toy ny ahoana no Ametrahany an'izany eny amin'ny sisiny iray, ary ho tonga eo amin'izany isika afaka kelikely. Eny àry.

⁴⁴ Kora, mino aho fa tso-po izy tao amin'ny fihetsiny. Mino aho fa ilay lehilahy dia tsy—tsy ninia nanao ratsy. Mino aho fa ny tsi-fahalalan'ilay lehilahy no tsy nahita ny tangan'Andriamanitra

nihetsika sy tsy nahafantatra ny Soratra, ary izany no antony nitondrany azy fotsiny teo amin'ny fandanjalanjana.

⁴⁵ Ary saiky izany mihitsy no sivifolo isan-jaton'ilay olana amin'izao andro izao, hoe miezaka isika ny hanatsofoka ao amin'ny fandaharan'Andriamanitra, ny fisainantsika. Fa isika tsy natao hieritreritra, mihitsy. Izy no manao ny fisainantsika. Natao hanolotra ny fisainantsika ho amin'ny Sitrapony isika. Azonareo ve ankehitriny?

⁴⁶ Kora, niaraka tamin'ny fikasana tsara, dia nandeha niaraka tamin'ny foto-pampianarana sandoka, niteny tamin'ireo rahalahy, ary naneho tamin'izy ireo tamin'ny alàlan'ny fandanjalanjana, hoe tsy Mosesy irery ihany no notsofin'Andriamanitra rano, ilay mpaminany, ilay iraka, ka nitso-drano azy irery, fa, "Masina ny fiangonana manontolo," hoy izy, "ary ankehitriny ny fiangonana manontolo dia manana zò hanao an'ity, ary ny fiangonana manontolo dia manana zò hanao an'itsy." Ary noho izany dia naka lehilahy tsara izy ireo, ireo Levita. Ankehitriny, izany no safidin'Andriamanitra, izay hantsointsika amin'izao andro izao hoe, "ireo mpitoriteny," ny Levita dia mpitoritenin'ny tempoly. Tsy nananatra azy ireo ny amin'izany ve i Mosesy? Ary, eto, izy dia tsy nanao an'izany mihitsy tamin'ny tsi-...tsy nanaja. Niteny tamin'izy ireo izy haka fandoroana zava-manitra, ary hametraka afo masina ao anatin'izany, sy hametraka an'ilay zava-manitra eo an-tampon'izany, ka hanevaheva an'io zava-manitra masina io, izay didin'Andriamanitra. Ary nanatona izy ireo mba hanao vondron'olona iray hifehy an'ilay fiangonana, nefä Andriamanitra efa nandidy lehilahy anankiray hanao an'izany.

⁴⁷ Ary, rehefa nanao an'izany izy ireo, dia lavo tamin'ny tavany i Mosesy satria fantany fa Andriamanitra no naniraka azy ho an'io asa io. Dia hoy Andriamanitra hoe, "Asaivo mitondra an'ireo fandoroana zava-manitra ireo eto anoloan'ny tabernakely izy ireo." Ary noho izany rehefa nanomboka hanevaheva an'ireo fandoroany zava-manitra feno afo izy ireo, ka nirehitra ny zava-manitra, dia hoy Andriamanitra tamin'i Mosesy sy Arona hoe, "Saraho amin'izy ireo ny tenanareo! Mivoaha avy eo anivon'izy ireo!" Satria, taty aoriana Izy dia niantso azy ireo hoe "mpanota, tsi-mpino."

⁴⁸ Ary ny fahotana dia ny tsi-finoana ny Tenin'Andriamanitra. Mangalatra ianareo satria tsy mino. Mandainga ianareo satria tsy mino. Mijangajanga ianareo satria tsy mino. Raha mpino iray ianareo, dia tsy hanao tahaka an'izany. Akanjo roa ihany no misy, izany dia na ny finoana na ny tsi-finoana, fehezin'ny anankiray ianareo na ilay hafa.

⁴⁹ Ankehitriny, Andriamanitra, tany amin'ny voalohany, dia ny Teny, ary tonga nofo Izy ka nonina teo anivontsika. Izy dia efa Teny, Izy no Teny! Ary rehefa monina ao anatinareo Andriamanitra, dia izany no Tenin'Andriamanitra monina ao

anatinareo, izay ahafahanareo manisy tsindrim-peo ny zavatra rehetra izay Lazainy amin'ny "Amena." Izany no Andriamanitra monina ao anatinareo.

⁵⁰ Ankehitriny raha hanamarika ianareo, ireto lehilahy tsy manan-tsiny niaraka tamin'ny fandoroana zava-manitra teny an-tànany ireto, afo masina teny an-tànany, nanokatra ny tany Andriamanitra ka nitelina azy ireo, ary nanasaraka azy ireo tamin'i Mosesy satria nanasaraka ny tenany tamin'izy ireo i Mosesy. Ary nampitandrina an'ilay fiangonana i Mosesy hoe, "Aza miadaladala amin'io karazana vondrona io. Mialà lavitra azy ireo!" Ankehitriny, fantatrareo ny Soratra, vakio ny faha-16, faha-17, faha-18, mihitsy aza, ny toko, dia ho hitanareo izany. "Saraho amin'ireo mpanota ireo ny tenanareo, ireo mpanota tsy mino. Mivoaha avy eo anivon'izy ireo, satria mandroso mankany amin'ny faharavàna izy ireo, sy ny zavatra rehetra izay ananany." Ary rehefa izy ireo...nihotsaka ny tany ka nianjera niaraka tamin'ireo lehilahy nihazona an'io afo masina io. Lehilahy tsy manan-tsinynofitahin'olona.

⁵¹ Mitovy amin'izao andro izao! Misy lehilahy maro tsy manantsiny lavo ao anatin'ny fandriky ny fombafomba, mihazona ny Teny Masina eny an-tànany, sy natao hitory an'Izany. Nahita toetra iray tonga nanerana ny tavan'ny mpitoriteny iray aho vao teo mihitsy, mpitoriteny Metodista iray, efa mpitoriteny Metodista iray hatramin'ny Alahady hariva lasa. Ary rehefa njery izy, ataoko fa nidika betsaka ho anao ilay izy, rahalahy, ny tafavoaka.

⁵² Ankehitriny, hitanareo, mihazona fandoroana zava-manitra, ny afo izay mandoro dia mamoaka fofo-manitra ankasitrahana eo anatrehan'Andriamanitra, ary ireo tènana mihazona an'izany, kanefa levona miaraka amin'ilay fandoroana zava-manitra eny an-tànany, satria niezaka nanao zavatra tamin'ny fahatsorampô izy ireo, kanefa, nifanohitra tamin'ny Tenin'Andriamanitra, niezaka nanao rafi-pandaminana iray. Hoy izy ireo, "Maka be loatra ho an'ny tenanao ianao. Iza moa ianao no hilaza fa ianao no manana ny Tenin'Andriamanitra rehetra?"

⁵³ Diso tamin'ny fahitana izy ireo hoe Mosesy no ilay-ilay iraka an'io ora io. Hitanareo, izy no nanana ny HOY NY TOMPO HOE. Tsy nisy olona tahaka azy teto ambonin'ny tany. Izy no nanana ny Hafatra, nefo diso tamin'ny fahitana an'Izany ny olona. Ary Mosesy dia niaraka marina tokoa tamin'ny HOY NY TOMPO HOE. Azo antoka. Eny àry.

⁵⁴ Ankehitriny dia mahita an'ilay zavatra iray ihany isika amin'izao andro izao, lehilahy tsara, lehilahy malaza, lehilahy sarobidy miezaka mitory ny Tenin'Andriamanitra (eny an-tànany) amin'ny alàlan'ny fombafomba iray nataon'olona. Manaisotra *eto*, sy manapaka *eto*, ary manao an'ilay izy ho *ity*, ary "tongava mikambana amin'ny fiangonana ka ovay ny maha-

mambra anareo," ary maty ara-panahy miaraka amin'io Teny io eny an-tànanay! Hitanareo?

⁵⁵ Tsy nety nino ny irak'Andriamanitra izy ireo na Ny Hafany an'io andro io. Tsy nety azon'izy ireo hoe nahoana ny Andriamanitra lehibe iray no tsy nety niasa niaraka tamin'ny vondron'olona iray manontolo, fa nametraka an'izany fotsiny teo amin'ny lehilahy anankiray.

⁵⁶ Firy tamin'izy ireo no niresahako androany, "Inona no hataonay, Rahalahy Branham? Fantatray fa marina ny anao, saingy inona no hataonay? Handroaka anay ilay rafipandaminana, tsy hanana toerana hafa haleha izahay." Miala tsiny amin'izy ireo aho; saingy misy Toerana iray. Hoy ianareo hoe, "Eny, ho fatin'ny hanoanana izahay."

⁵⁷ Hoy i Davida hoe, "Tanora aho fahiny, ary antitra aho ankehitriny, fa tsy mbola nahita ny marina nafoy mihitsy aho, na ny taranany nangataka mofo."

⁵⁸ Teo amin'izany fototra iray izany ihany marina tokoa no nandàvan'izy ireo an'i Jesosy. Tena voafono mafy tao amin'ny anaram-piagonany izy ireo, sy ireo mpisorona masina ary tranobe masina, sy ireo fiagonana masina ary tempoly masina, ka diso tamin'ny fahitana an'Andriamanitra tao amin'ny Tempolin'y olombelona. "Ianao, izay olona iray, manao ny tenanao ho Andriamanitra." Hitanareo, tena voafono mafy tao anatin'izany izy ireo! Tena voafono mafy ireo lehilahy ireo hoe marina ny an'i Datana sy izy ireo. Tena voafono mafy i Nimroda hoe afaka manatanteraka zavatra iray izay hitondra ny olona any ambonin'ny fahatezeran'Andriamanitra izy. Nanana antoka i Adama hoe raha nanarona ny fitanjahany izy dia tsy afaka hahita an'izany Andriamanitra. Tsy afaka manarona an'izany ianareo, Andriamanitra no tsy maintsy manarona an'izany. Hitanareo? Hitanareo? Ny fandaharan'Andriamanitra no manarona an'izany, fa tsy ny anareo. Efa tahaka an'izany foana ilay izy, diso tamin'ny fahitana an'i Jesosy tao amin'ny Tempolin'y izy ireo, Andriamanitra voaseho tao amin'ny nofo.

⁵⁹ Amin'izao andro izao ilay izy dia somary manao ahy hahatsapa ho malahelo rehefa hitako fa ireo Tenin'ny Baiboly dia efa tena nopo tipotehin'ireo fombafomba. Ary ireo olona mahitsy fo izay mitsangana eo ka mandre an'io Teny io, ary fantatr'izy ireo fa Izany no Fahamarinana, nefá tsy sahy hanao hetsika iray izy ireo, satria ny fombafomban'izy ireo dia mampianatra hafa azy ireo. Sasao ireo vilany sy vilia, arak'izany, ry rahalahy, mandrosoa. Fa ho anay, ary ho ahy sy ny ankohonako, dia mandray an'i Kristy izahay, ny Teny. Hitanareo?

⁶⁰ Ndaos isika haka ny Jaona 3 vetivety fotsiny, Nikodemosy, mpampianatra sy mpanapaka iray an'ny anaram-piagonana lehibe iray nantsoina hoe ny Synedriona. Namory ny tenany niaraka izy ireo, ary nanao an'ireo fombafombany. Ny—

ny anankiray avy amin'ny Fariseo ary ny anankiray avy amin'ny Sadoseo, ary nanana ny anaram-pianganany izy ireo tamin'izany, ireo fahasamihafany, ary noho izany izy ireo... Ity lehilahy ity dia mpampianatra iray, mpanapaka iray an'ity Synedriona lehibe ity, lehilahy iray tsara indrindra amin'ny fampianarana. Nahafantatra ny Soratra izy, nihevitra izy. Fantany tamin'ny alàlan'ny fombafombany izany. Tsy nilaza ve Jesosy hoe, "Ianareo dia efa, tamin'ny alàlan'ny fombafombanareo, nanao ny Didin'Andriamanitra ho tsy misy fiantraikany"?

⁶¹ Hitanareo, nohon'ny fombafomban'izy ireo! Inona izany? Mametraka ny fandikan'izy ireo manokana eo amin'ny Teny, raha tokony hametraka an'Izany tsara, izay Lazainy. Milaza izy ireo fa Izany dia tsy midika an'ity. Efa voamarikareo ve, fa izany ihany ilay feo izay nampiasain'ny devoly tamin'i Eva, mba hanombohana an'ilay rafi-pandaminana voalohany, hitanareo. "Azo antoka fa ho tahaka an'izao izany. Tsy hanao an'izany Andriamanitra, fantatralo." Hitanareo, ilay zavatra iray ihany izany. Ilay zavatra iray ihany izany amin'izao andro izao.

⁶² Ankehitriny dia mahamarika isika, fa nanatona an'i Jesosy ity mpanapaka ity. Ny zavatra voalohany, ankehitriny, tonga izy hikatsaka Fiainana Mandrakizay, tonga izy hikatsaka famonjena. Kanefa, lehilahy iray eo amin'ny lazany, mpampianatra iray tao Isiraely, nefo mpampianatra iray tao Isiraely no nanatona Lehilahy iray izay tsy ananantsika filazana hoe mba nanana andro iray tany an-tsekoly. Lehilahy antitra iray, mpisorona antitra, hendry, no nanatona Lehilahy tanora iray. Aristokraty izy ireo, lehilahy manan-karena no nanatona Mpangataka iray izay tsy nanana toerana iray hametrahana ny Lohany, mba hanontany Azy ny lèlana mankany amin'ny famonjena sy Fiainana. Voalohany, ireo avy amin'io Synedriona io, araka ny niaiken'i Nikodemosy, nahita zavatra tao amin'i Jesosy izy ireo izay tsy nananan'ireo lehilahy hafa avy ao amin'ny rafi-pandaminan'izy ireo. Hitan'izy ireo fa nisy zavatra tao Aminy, satria hoy izy hoe, "Raby, fantatray fa Ianao..." "Izahay," hia, tsy te-hiaiky an'izany izy ireo, satria ho voaroaka izy ireo. Hitanareo? "Fantatray fa Ianao dia Mpampianatra iray avy tamin'Andriamanitra, satria tsy misy olona afaka hanao an'ireo zavatra izay Ataonao ireo raha tsy Andriamanitra no momba azy. Fantatray izany!" Oh, oadray! Rafi-pandaminana!

⁶³ Ankehitriny, mahamarika isika fa Jesosy no fanehoana iray an'Andriamanitra. Ankehitriny, "Tsy misy olona afaka manao an'ireo zavatra ireo raha tsy Andriamanitra no momba azy." Fantatr'izy ireo fa nisy zavatra hafa tao amin'io Lehilahy io. Izy no Hazavan'ilay andro. Izy no Vavolombelon'Andriamanitra.

⁶⁴ Toy izany koa no nahitan'i Kora an'ilay zavatra iray ihany tao amin'ny Mosesy. Tsy nanana lehilahy iray tahaka an'i Mosesy izy ireo tamin'io andro io. Izy no

vavolombelona Masin'Andriamanitra, an'io andro io, ho an'ny herin'Andriamanitra. Nahita an'izany tao amin'i Mosesy i Kora sy ny vondrony. Azon'izy ireo fa tsy nety ho i Mosesy izany; tsy afaka nanokatra ny Ranomasina Mena i Mosesy, tsy afaka nandefa loza teto ambonin'ny tany i Mosesy. Andriamanitra tao amin'i Mosesy izany, ary, satria Andriamanitra no naneho ny Tenany tao anatin'ny vavolombelona iray na hazavana iray an'ilay andro, dia diso tamin'ny fahitana an'Izany izy ireo. Nila nanao vondron-dehilahy iray manontolo i Kora, hampiditra ny zavatra rehetra.

⁶⁵ Izany no hain'ny rafi-pandaminana tsara, mampiditra ny korontan-javatra rehetra izay misy, nefà miantso an'izany hoe "Kristianisma." Mandefa zazalahy iray any an-tsekoly izay tsy mahafantatra mikasika an'Andriamanitra noho ny hahafantaran'ny Hottentot iray mikasika ny alina Egyptiana, mandefa azy any ary manome azy fianarana iray sy mampianatra azy fahalalana momba ny saina, sy manome azy Ph.D. iray, sy diplaoman'ny dokotera na bakalorean'ny literatiora, na zavatra iray na iray hafa tahaka an'izany. Ary mandefa azy any history ny Filazantsara, izay tsy voavonjy akory mihitsy aza, izay handà ny fahaterahana ara-virijiny sy ny fitsanganana, handà ny fanasitranana avy amin'Andriamanitra, handà ny Herin'Andriamanitra, handà an'ireo tena fitsipika izay nahafatesan'i Jesosy, handà ny Marka 16 ho voatsindrimandry, handà ny "izao famantarana izao no hanaraka an'ireo izay mino" nefà Jesosy Izy tenany no nilaza an'ireo Teny, handà ny Asa 2:38, handà ny sisa rehetra amin'ny Soratra izay voatsindrimandry. Ary miezaka ny maka fombafomban'olona iray izay tsy misy na inona na inona fantatr'izy ireo mikasika an'izany, nefà manao tsianjery an'izany. Ary rehefa miteny amin'izy ireo ny Fahamarinana ianareo ka maneho amin'izy ireo ny Fahamarinana, dia menatra ny hihetsika izy ireo, nohon'ny rafi-pandaminan'izy ireo.

⁶⁶ Nanao an'ilay zavatra iray ihany i Kora. Nahita an'Andriamanitra tao amin'i Mosesy izy. Hitany fa izany no Mpiasan'Andriamanitra miasa amin'ny alàlany. Ary nahita an'Andriamanitra tao amin'i Kristy i Nikodemosy hoe, "Tsy misy olona afaka manao an'ireo zavatra ireo raha tsy Andriamanitra no momba azy." Nikodemosy dia efa tao anatin'ilay rafi-pandaminana, niezaka ny hivoaka. Kora dia tany ivelany, niezaka ny hanao anankiray mba hidirina. Izany ilay fahasamihafana. Nikodemosy dia niezaka ny hahita famonjena, mba hivoaka avy ao amin'ilay zavatra; efa tao anatin'izany izy hatramin'ny naha-zazalahy iray, leo an'izany izy. Te-ho vonjena izy. Fa i Kora dia niezaka hanao ho azy to-toerana iray izay ahafahany ho lasa mpifehy iray.

⁶⁷ Tahaka an'izany ny olona amin'izao andro izao. Izany ilay olona amin'ny Kristianisma, manana fakan-tahaka sandoka

be loatra isika. Ary ireo vahoakantsika Pentekotista, miala tsiny amin'ilay fiteny, dia lò amin'izany, fakan-tahaka aranofo! Avelao Andriamanitra hanangana lehilahy iray ka hanome zavatra iray ho azy, fa ny olona rehetra ao amin'ilay firenena dia hiezaka haka tahaka an'io olona io. Tsy fantatrareo ve fa mamono ny ekipanareo manokana ianareo? Rehefa milalao baolina kitra ianareo... “Ary ny fahasoavana,” araka ny nametrahan'i Paoly azy hoe, “ndao isika hihazakazaka an'ity hazakazaka ity amin'ny faharetana.” Ilay lehilahy izay manana ny baolina, aza esorina hiala amin'ny tānany izany, miezaha miaro azy. Fa raha tokony ho izany, satria tsy mikambana amin'ny rafi-pandaminanareo izy, dia miezaka ny hanaisotra an'ilay izy hiala aminy ianareo. Lehilahy iray tena votsavotsa, tsy afaka izy, ho tafintohina eo amin'ireo voninkazo eo amin'ny karipetra iray izy, nefo avy eo dia hiezaka hanaisotra an'Izany hiala aminareo. Marina izany. Ankehitriny, amin'ny fiteny arapanahy, no tiako lazaina. Miala tsiny aho, izaho... Eny, ho tafintohina eo amin'ny zavatra kely iray toy ny Asa 2:38 izy, azo antoka fa ho lavo izy. Raha tafintohina mihitsy eo amin'ny Marka 16 izy, dia ahoana no hahavitany an'izany? Hitanareo? Hah. Ireo tena lesona lehibe an'i Kristy mihitsy. Ary ilay tena zavatra izay niadian-kevitra tao amin'ny Fivoriamben'i Nise mihitsy, dia mbola tafintohina amin'izany foana izy ireo taorian'ireo taona rehetra ireo.

⁶⁸ Miezaka, niezaka nanao rafi-pandaminana iray i Kora, mba hidirana ao anatin'izany. Fa i Nikodemosy dia efa tao anatin'izany, niezaka ny hivoaka avy ao amin'izany. Nikodemosy dia nekena, ary nivoaka. Kora dia levona tao anatin'izany, tao amin'ny fiezahany, levona tao amin'ny fiezahany manokana izy. Oh, oadray!

⁶⁹ Ilay rafi-pandaminana izay nisy an'i Nikodemosy, dia nahafantatra fa Kristy dia nirahin'Andriamanitra, izy no niteny an'izany. Nikodemosy, ao amin'ny toko faha-3 eto, dia miaiky an'izany hoe, “Raby, fantatray fa Ianao dia Mpampianatra iray nirahina avy tamin'Andriamanitra, satria tsy misy olona afaka manao an'ireo fahagagana izay Ataonao ireo raha tsy Andriamanitra no momba azy.” Fa ilay vondrona iray ihany, nohon'ny rafi-pandaminan'izy ireo, dia niantso Azy hoe “Belzeboba,” nohon'ny Heriny handroaka devoly, ka nanao hoe, “Mamitaka ny olontsika amin'ny alalan'Ny Foto-pampianarany Izy.” Izany ilay zavatra iray ihany amin'izao andro izao. Mamitaka inona?

⁷⁰ Hoy Jesosy hoe, “Manao izay mahafaly ny Ray fotsiny ihany Aho, mitandrina an'ireo Tenin'Andriamanitra fotsiny ihany Aho,” satria Izy no Teny. Tsy afaka nanao na inona na inona hafa afa-tsy ny Teny Izy.

⁷¹ Saingy, nohon'ny rafi-pandaminan'izy ireo, nohon'ny fomban'izy ireo, dia nanao ny olona ho voafatotra izy ireo. Tao

am-pony dia nahafantatra an'izany izy ireo, saingy tsy hamela azy ireo hitandrina an'izany ny rafi-pandaminany. Noho izany, mba hanaovana lèlana handosirana iray, mba hihazonana ny olona tsy hiala amin'ilay rafi-pandaminana ("manaraka Azy ny olona rehetra"), mba hihazonana ny olona tsy hiala amin'ilay rafi-pandaminana ka hanaraka ny Fahamarinan'Andriamanitra (satria Izy no Fahamarinana "Izaho no Fahamarinana, ny Fahazavana"), mba hihazonana azy ireo tsy hanaraka an'Izany, dia nilaza izy ireo fa namitaka ny olona Izy. Eritrereto izany! Lehilahy iray, izay nahafantatra tao am-pony fa Andriamanitra Izy, fa Andriamanitra no tao Aminy ("tsy misy olona afaka milaza an'ireo zavatra ireo, na manao an'ireo zavatra ireo, raha tsy Andriamanitra no momba azy"), nahafantatra an'izany sy nilaza an'izany ary niaiky an'izany, nefà avy eo dia nihodina ka niantso Azy hoe "Belzeboba, sy mpamitaka olona iray," ny olon'izy ireo, "amin'ny alàlan'Ny Foto-pampianarany." Oh, oadray!

⁷² Nikodemosy dia nahafantatra fa Mpaminany iray Izy. Ankehitriny, izany no anankiray tao amin'ilay rafi-pandaminana izay tia betsaka an'Andriamanitra sy natahotra betsaka an'Andriamanitra, ary nahalala tamin'ny alàlan'ny Testamenta Taloha fa io Lehilahy io no nanana an'ireo fepetra ary voaporofa sy voamarina, fa Mpaminany iray nirahina avy tamin'Andriamanitra. Ilay lehilahy, hanaja azy aho raha tonga tamin'ny alina izy, tonga teo izy. Tsara lavitra noho ny ankamaroan'ny mpampianatsika amin'izao andro izao izy, fa tsy ho avy mihitys izy ireo. Farany dia tonga i Nikodemosy. Noho izany, dia aza manameloka azy, raha mbola tsy tonga ianareo. Nikodemosy dia nahafantatra fa Mpaminany iray Izy, noho izany dia natahotra an'Andriamanitra izy. Tsy te-hamela an'io Lehilahy io hiala hanalavitra azy izy, ilay Hazavan'io andro io. Tsy mampaninona na impiry no ifanoheran'Izany, impiry no nilazan'ny rafi-pandaminany fa nifanohitra Izany, nahita an'Andriamanitra nanamarina an'io Lehilahy io izy ka fantany fa Mpaminany iray Izy. Ary raha Mpaminany iray Izy, ny Tenin'ny Tompo dia tonga amin'ny mpaminany, ary Fantany izay Resahiny. Hitanareo? Noho izany dia nandeha nankany amin'i Jesosy izy, te-hahafantatra izy hoe ahoana no ahazoana famonjena. Raha Mpaminany iray ity Lehilahy ity, dia niaraka Taminy ny Tenin'Andriamanitra, ary ho Fantany ny lèlany ny famonjena.

⁷³ Fa izay tsy maintsy nianaran'i Nikodemosy no ho an'ny olona maro amin'izao andro izao, an'ireo anaram-pianganan'ity andro ity, tsy maintsy ianarana. Izay tokony ho fantatr'i Nikodemosy, no tokony ho fantatry ny olona amin'izao andro izao, an'ireo anaram-pianganana ireo. Mihoatra noho ny Mpaminany iray Izy. Nanatona Azy izy mba hahita, niteny Taminy mba hiteny aminy hoe inona ny lèlana mankany amin'ny Fiainana, nefà Jesosy

Izy tenany no Fiainana. Izay manana ny Zanaka no manana Fiainana. Noho izany izy dia tsy, tsy tokony ho tonga hiezaka hianatra fampianarana iray, tsy maintsy tonga mba hanaiky an'ilay Olona izy. Izany ilay izy izao hariva izao! Nolavina indray ilay Lohan'ny Vato fehizoro. Inona ny Lohan'ny Vato fehizoro? Ny Teny izany, mazava ho azy. Kristy, Izy no Teny.

⁷⁴ Tsy maintsy nianatra zavatra iray izy. Nieritreritra izy hoe, “Eny, ankehitriny, ity Lehilahy ity dia Mpaminany iray, Mpaminany iray fotsiny Izy.”

⁷⁵ Noho izany, efa voamarikareo ve, fa tsy namaly ny fanontaniany mihitsy Jesosy, niteny mafy azy nohon'ny fahajambany fotsiny Izy. Mihoatra noho ny Mpaminany iray, Izy no Teny sy ny Hazavana mamiratry ny Teny! Izy no Andriamanitra mamiratra amin'ny alàlan'ny fitaovana iray, manaporofa fa izany no Andriamanitra ao anatin'ilay Lehilahy. Izy no Teny. Jaona Voalohany, ny toko faha-1... Masindahy Jaona, toko faha-1, raha ny marina, no milaza hoe, “Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra. Ary ny Teny dia tonga nofo, ka nonina teo anivontsika.” Ary eto ny Tenin’Andriamanitra dia namiratra tamin’ny alàlan’ity Lehilahy kely iray mahia vatana ity, ka Izany no nanajamba an'ilay rafi-pandaminana. Fa tonga mba hitady ny isam-batan’olona Izy. Mihoatra noho ny Mpaminany iray, Izy no Teny! Izy no Fiainana. Tsy... Tsy nila nampianatra anareo ny amin’ny Fiainana iray ho avy Izy, Izy Tenany izany Fiainana izany! Izy no Fiainana. Izy no Hazavana. Izy no Fiainana. Izy no Fiainana Mandrakizay, tao Aminy, ary Izy irery no Mpanome Fiainana Mandrakizay. “Izay manana ny Zanaka no manana Fiainana.” Noho izany ianareo dia... tsy afaka manana ny Teny hampianarana ny Aminy mihitsy ianareo, tsy maintsy manana Azy ianareo.

⁷⁶ Hoy ianareo hoe, “Oh, mipetraka ny olona ary mianatra an’io Baiboly io sy ireo teny Grika rehetra, sy hoe inona ireo dikany, sy ireo hirigirika, sy ny sisa.” Nefa tsy mahafantatra na inona na inona mihitsy mikasika an’Andriamanitra! Hitanareo? Tsia! Izay manana—izay manana ny—ny—ny endrika, izay manana ny drafitra ve? Ilay izy dia izay manana ny Zanaka, izay manana Azy, ilay Olona. Izy no Anankiray izay manana Fiainana.

⁷⁷ Nikodemosy dia nahafantatra fa Fantany ny mikasika ny Fiainana, saingy tsy nahafantatra mihitsy izy hoe Izy no Fiainana Mandrakizay. Izany no, ilay Lehilahy izay niresahany, ilay Iraka, ilay Hazavan’ny andro, ilay Hazavan’izao tontolo izao. “Ny Hazavana dia mamiratra ao anatin’ny aizina, nefo ny aizina tsy nandray Azy. Nirahina ho an’ny Azy Manokana Izy nefo ny Azy Manokana tsy nandray Azy.” Nahoana? Nahoana? Satria tena voarafittra loatra izy ireo, voapetraka tsara tamin’ny fanasana ny vilany sy ny vilia, ary ireo fombafomba, ka diso tamin’ny fahitana ny Teny tonga nofo izy ireo.

⁷⁸ Miverina izany. Miverina indray izany. Mamerina ny tenany matetika mihitsy ny tantara. Eny, fantany fa Izy no nanana—Fantany ny mikasika ny Fiainana, saingy tsy fantatr'i Nikodemosy fa Izy no Fiainana. Izany ilay izy amin'izao andro izao. Olona maro no miezaka manao an'i Jesosy, oh, ho Mpampianatra malaza iray, miezaka mihitsy aza izy ireo milaza fa Mpaminany iray Izy. Saingy rehefa miezaka ianareo ny milaza fa Izy no Andriamanitra, dia sarotra loatra izany. Hitanareo? Fa Izy no efa Andriamanitra, ary Izy no Andriamanitra, ary ho Andriamanitra foana Izy. Izay ihany. Marina izany.

⁷⁹ Mariho, tsy niteny tamin'i Nikodemosy mihitsy Izy, ankehitriny, rehefa nanatona Azy izy, tsy nilaza mihitsy Izy hoe, “Ankehitriny, ry Nikodemosy, manana fanajana lehibe anao Aho, fa ianao no—no—no mpampianatra ao Isiraelly. Ho Teneniko aminao hoe inona, mikatsaka ny Fiainana Mandrakizay ianao, angamba tokony hampamiratra ny fianaranao ianao. Tsy milaza tsara an'ireo teninao ianao.” Fahadalana. Na, “Angamba tokony hitady asa ambonimbony kokoa ianao ao amin’ny anaram-piagonanao, mba hanana Fiainana Mandrakizay.”

⁸⁰ Izany no ezahan’ny olona maro atao amin’izao andro izao, ah-hah, asa iray ambonimbony kokoa, izy ireo dia te-ho lasa avy amin’ny—ny pasitera iray ho presbyterian’ny distrika, na—na ho eveka iray na zavatra tahaka an’izany. Tsy misy idiran’izany amin’Andriamanitra mihitsy.

⁸¹ Diniho izay Nataony teo anatrehan’ny olona iray tahaka an’izany. Noteneniny mafy izy nohon’ny tsy fahafantarany an’ilay ora izay niainany, “Ny tianao ho tenenina Amiko ve dia hoe mpampianatra iray ao Isiraelly ianao nefo tsy mety mahazo an’ireo zavatra ireo, rehefa,” hoy Izy, “tsy maintsy ateraka indray ny olona?”

⁸² “Nahoana,” hoy izy, “izaho izay lehilahy antitra ve, no hiditra ao an-kibon’ny reniko?”

⁸³ Hoy Izy hoe, “Ary ianao dia eveka iray, kardinaly iray, presbyterian’ny distrika iray ao amin’ilay fiangonana Pentekotista,” na olon-kafa iray, “zalahy malaza iray ao amin’ilay rafi-pandaminana, nefo tsy fantatralo ve ny Soratra?”

“Oh, manana an'i Mosesy izahay.”

⁸⁴ “Raha nahafantatra an'i Mosesy ianareo, dia ho nahafantatra Ahy, satria izy no anankiray izay niresaka ny Amiko.” Hitanareo? Saingy tsy arak’ireo fombafomban’izy ireo, ireo—ireo rafi-pandaminany, dia hafa izany. Fa niresaka ny Aminy i Mosesy, ary Izy io Anankiray izay noresahan'i Mosesy io, kanefa dia tsy fantatr'izy ireo izany. Nahoana? Nanao ny tenany ho tena voafatotry ny fombafomba izy ireo, tsy fantatr'izy ireo izany.

⁸⁵ Ary ireo rahalahiko izay mamaky, izay maka an’ity horonam-peo ity, aza vonoina izany ankehitriny. Iray minitra

fotsiny, ndao isika hijery manatrika tsara an'ity zavatra ity. Tiako ianareo, mpiandry ondry iray ianareo. Ary tsy miezaka aho ny ho anankiray mahafantatra ny rehetra. Raha manao an'izany hevitra izany aho, dia ajanony ilay horonam-peo ka mivavaha ho ahy. Miezaka fotsiny aho mitondra aminareo zavatra iray izay Marina. Aza avela handalo aminareo izany.

⁸⁶ Ankehitriny, manaja ny lamin'ny olona aho, sy ny sisa, saingy rehefa manao an'ireo rafi-pandaminana ireo ianareo... Jereo ireo Fariseo, tsy nisy nidirany tamin'ireo Sadoseo, satria ireo Sadoseo dia tsy nino ny—na ny anjely na—na ny fanahy, na ny fitsanganana, na inona na inona, fa ireo Fariseo dia nanana ny rehetra, ary nifanao ady izy ireo. Ankehitriny ny an'ny Tokana dia mino zavatra anankiray, ny Trinite dia mino iray hafa, ary ny Metodista iray hafa, ary ny Presbyterana iray hafa, ary misintona fefy kely ianareo. Ary inona no azonareo? Fisarahan'ny firalahahiana iray. Ary koa, ho hitantsika io toerana io ao anatin'ny Baiboly afaka kelikely fotsiny, inona izany, ary inona no ilazan'Andriamanitra an'izany.

⁸⁷ Ankehitriny, tsia, tsy niteny taminy mba hampamiratra mihitsy Izy. Niteny mafy azy fotsiny Izy nohon'ny tsy fahafantarany an'ilay tena zavatra. "Ianao ve no mpampianatra iray ao Israely, nefà tsy mahafantatra an'ireo zavatra ireo? Raha ny zavatra eto an-tany no Notenemiko taminao, nefà tsy mety azonao izany..." Eritrereto! "Mpampianatra iray, laharana ambony iray tao amin'ny fiangonana Ortodoksa iray, eveka, kardinaly, nefà tsy mety mahazo akory aza an'ireo endrika bitiky ny zavatra ara-boajanahary izay Teneniko aminao, koa ahoana no hahazoanao an'ireo zavatra ara-panahy avy any Andanitra?"

⁸⁸ Saingy mpanjono antitra tsy mahay iray izay tsy afaka nanoratra ny anarany manokana akory aza, no nahazo an'Izany, hitanareo, ary natao lohan'ny fiangonana tao Jerosalema, Petera. Hitanareo? Oh, "Izay rehetra nomen'ny Ray Ahy, izy no hanatona." Hitanareo? Izy ireo no mahita an'Izany. Izy ireo no mino an'Izany. Izy ireo no mihetsika eo amin'Izany, nahafantatra fa tsy hisy na inona na inona hahatazona azy ireo.

⁸⁹ Tahaka an'ilay mpiompy mihitsy. Tsy tsara ny manao vazivazy iray, saingy mba hanaovana kisarisary iray. Nilaza izy ireo fa nampikotrika akohovavy iray ny mpiompy iray, ary tsy nanana atody betsaka izy ireo, ka nametraka atodin-ganagana iray tao ambanin'izany. Rehefa foy ilay ganagana kely, dia izy no zavatra mahatsikaiky indrindra izay hany hitan'ireo akohokely. Nanana tarehy lava iray mahatsikaiky izy, ary nandeha nigagaka raha tokony hikohokoho, ary—ary ireo akohokely rehetra dia nihinana sy nitsaingoka tao amin'ilay tranom-biby. Fa tsy izany no sakafio fihinany, marina tokoa. Noho izany dia nitarika azy tao ambadik'ilay tranom-biby ilay akohovavy antitra indray andro, mba hahazo valala vitsivitsy,

ary teny amin'ilay havoana dia nisy fa—farihy iray. Ary sendra tonga avy tany amin'ilay farihy ny rivotra, ka nanimbolo rano izy. Izany fotsiny no natiорany. Hoy ilay akohovavy antitra hoe, "Klak, klak, klak, klak, miverena!"

⁹⁰ Hoy izy hoe, "Koak, koak, koak," nankao amin'ilay rano avy hatrany. Nahoana? Ganagana iray izy, eo am-panombohana. Tsy mampaninona na impiry no nikohokohoan'ilay akohovavy, mbola ganagana iray foana izy.

⁹¹ Ary tahaka an'izany ny amin'ny olona iray izay voafidy mialoha ho amin'ny Fiaianana Mandrakizay. Rehefa mahita ny Hazavan'Andriamanitra izy, dia tsy misy rafi-pandaminana ampy eto amin'izao tontolo izao hikohokoho azy hiverina ao amin'izany. Tsia. Nahoana? Izany no natiорany. Mety efa nihinana sakafio niaraka tamin'izy ireo nandritry ny ela be izy, ary nihinana ny zaoridiran'izy ireo sy ireo sosialiny, saingy tonga eo amin'ny toerana iray izay nahitany zavatra hafa izy, noho izany dia fantany izany. "Ny Ondriko mahalala Ny Feoko," hoy Jesosy, "tsy hanaraka vahiny iray izy ireo." Mety nanaraka zavatra iray hafahafa izy ireo, saingy tao ambanin'izy ireo tao dia nisy zavatra iray hafa. Avelao izy ireo handre ny Fahamarinana indray mandeha, dia diniho izy ireo. "Izay rehetra nomen'ny Ray Ahy no hanatona."

⁹² Hia, niteny mafy azy Izy nohon'ny tsy fahafantarana. "Ianao dia mpampianatra iray ao Isirael, nefo tsy mahafantatra an'ireo zavatra ireo ve? Tsy maintsy ateraka indray ianao!" Ankehitriny, ilay olona ara-boajanahary, tiako ny...ianareo hanamarika zavatra iray eto, "Tsy maintsy ateraka indray ianao."

⁹³ Ankehitriny, ny fiaianana ara-boajanahary, raha manana fiaianana ara-boajanahary isika, mba hihetsika ao amin'ity fiaianana ara-boajanahary ity, ao amin'ireo zavatra ara-boajanahary, dia tsy maintsy manana fahaterahana ara-boajanahary iray isika. Tsy nisintona anareo avy tamin'ny hazo iray tany ho any izy ireo, hitanareo, mba hametaka anareo amin'ny fomba iray. Nanandrana an'izany izy ireo, saingy tsy nety izany. Tsy maintsy ho tena fahaterahana iray ilay izy, fahaterahana ara-boajanahary, mba hanao anareo hihetsika mba hahazoanareo an'ireo taovam-panamboloana dimy, mandeha, miresaka, mahita, manandrana, mahatsapa, manimbolo, mandre, mifindrafandra, sy ny sisa, satria olombelona iray ianareo arak'izany, ary ianareo dia—ianareo dia natao ho amin'ireo zavatra rehetra ireo satria miditra ao amin'ilay fiaianana ara-boajanahary izy ireo.

⁹⁴ Ary, ao amin'ny fahaterahana tahaka an'izany, matetika dia lasa tena hendry ao amin'ny fahendren'izao tontolo izao isika na ireo raharahan'izao tontolo izao, lasa Filoha sy—sy mahay malaza, sy mpampianatra mekanisiana sy siantifika, sy ny sisa. Ary fantatrareo foana, hatrany amin'ilay tena fiandohana mihitsy, dia ireo zanak'i Kaina no nanana an'izany karazana

fahendrena izany; tsy ny an'i Seta, mpiandry ondry manetry tena izy ireo. Fa ny zanak'i Seta dia vahoaka masina. Fa ny zanak'i Kaina dia manan-tsaina foana, ambony, siansa, dokotera sy lehilahy malaza. Marina izany. Ny Baiboly no niteny an'izany, fantatrareo, Izay mampianatra an'izany. Ary tena mpivavaka, saingy levona tamin'ny farany. Lasa hendry isika amin'ny fandehanana any an-tsekoly, mahazo fampianarana, sy ny sisa, lasa tena hendry isika, manan-tsaina, ka afaka manao zavatra sy milaza zavatra, ary matetika dia mahay miresaka noho ny lehilahy iray izay feno ny Fanahy. Tsy nilaza ve Jesosy hoe, "Ireo zanak'ity izao tontolo izao ity dia hendry lavitra noho ireo zanaky ny Fanjakana"? Azo antoka, satria izy ireo, amin'ny alàlan'ireo manam-pahaizany no ahafahan'izy ireo—ahafahan'izy ireo miresaka sy manan-tsaina loatra sy mahay miresaka, ka mandray ny Soratra ary manodina Azy hanao Azy hilaza zavatra izay tsy Lazainy.

⁹⁵ "Oh, tsy izany marina tokoa no tian'Izany lazaina." Raha milaza an'izany ny olona iray, dia alaviro izy. Miambina eo amin'Ny Teniny Andriamanitra, fantatrareo, ny Baiboly no nilaza. Voasoratra arak'izay tokony haha-izy Azy mihitsy Izzy. Hitanareo? Ankehitriny, Izzy dia napetraka amin'izany fomba izany mba hamitaka, na hanao an'ilay hendry ho tafintohina eo amin'Izany. Tena tsotra Izzy, izany no antony mahatafintohina azy ireo eo amin'Izany. Hitanareo? Eny àry.

⁹⁶ Io fahendrena rehetra sy ny sisa izay azon'izy ireo angonina io, kanefa, nefá izany dia avy amin'ny... io fahaterahana io dia avy eto ambany, ity tany ity. Avy eto an-tany izany, ary manohittra ny Fanahin'Andriamanitra. Ny fahaterahana voalohany, mba hanao antsika hihetsika eto, no manao antsika ho olona mety maty, nohon'ny hetsi-pahotana tao amin'ny saha, nanao olona ho tonga teto amin'izao tontolo izao tamin'ny alàlan'ny vehivavy iray. Ary ny olona iray izay nateraky ny vehivavy iray dia vitsy andro, fa ny olona iray izay nateraki'i Kristy no Mandrakizay. Hoy Joba hoe, "Ny olona izay naterabehivavy dia vitsy andro sy feno fahoriania." Mariho, fa ny olona iray izay nateraki'i Kristy, dia tsy maintsy nateraka avy any Ambony. Ankehitriny, fa ny olona iray izay nateraky ny tany, dia lasa hendry ary afaka ny ho saiky manan-tsaina loatra.

⁹⁷ Jereo hoe fetsy toy ny ahoana ny devoly, namitaka ny mpisorona tsirairay izay tonga teto an-tany izy. Azo antoka namitaka izy. Namitaka izy, mbola manao an'izany foana izy. Hia, azo antoka nanao izy. Nanan-tsaina izy, saingy nandroso izy nanohittra ny mpifanandrina taminy, indray andro, Izay nandresy azy. Ary ny zavatra tokana tokony hataontsika dia ny miankina Aminy fotsiny, Izzy no efa nandresy azy. Hitanareo?

⁹⁸ Fa avy eo ambany izany, ary izany, io fahendrena izay angonin'io olona io mba hanaporofoina sy hanehoana an'ireo zavatra rehetra ireo hoe nahoana ny olona no tokony hanao

an'ity ary ny olona tokony hanao an'itsy, dia mifanohitra ary fandrafiana (ilay fisainana ara-nofo) an'Andriamanitra. Ny Soratra no niteny an'izany. Marina. Tsy mampaninona na manan-tsaina toy ny ahoana aza, afaka manodina an'izany izy ireo. Mila olona iray aho haneho amiko hoe taiza no mba nananan'Andriamanitra rafi-pandaminana iray na mba nandidiany anankiray, afa-tsy ny manameloka an'izany ato amin'ny Baiboly ato. Tsy mampaninona na manan-tsaina toy ny ahoana aza no ahafahan'izy ireo hiezaka ho izany, dia mifanohitra izany! Toy ny ahoana no ahafahan'ny fahendrena mijoro sy mandresy lahatra anareo, ary manao anareo hahatsapa ho kely toy *izao* amin'ny fitenenana aminareo mikasika an'izany, saingy mifanohitra amin'ny Soratra izany.

⁹⁹ Hoy ny olona iray tamiko hoe, “Rahalahy Branham, misy zavatra anankiray izay anoherako anao.” Hoy izy, “Jesosy Irery ianao.”

Hoy aho hoe, “Tsy izy aho. Tsy mikambana amin'ny rafi-pandaminana iray aho.”

¹⁰⁰ Presbytera avy amin'ny fanjakana iray no naniraka, indray andro, ka nanao hoe, “Nisy olona iray niteny tamiko fa Jesosy Irery ianao, Rahalahy Branham.”

Hoy aho hoe, “Mifanohitra izany. Diso izany.”

¹⁰¹ Hoy izy, “Niteny tamiko izy ireo fa mino ny fitiavana malalaka ianao, hoe afaka mandao ny vadiny ny lehilahy ka mitady...” Ankehitriny, hitanareo, laingan’ny devoly fotsiny izany. Fantatrareo izany.

¹⁰² Hoy aho hoe, “Manohitra tanteraka an'ireo zavatra tsy aratsoratra tahaka an'izany aho! Mino ny fahamasinana sy ny fahadiovana aho. Mino aho fa ny lehilahy dia voafatotra amin'ny vadiny raha mbola velona foana izy ireo.” Tsy tokony haka azy ianareo raha tsy mivavaka aloha.

¹⁰³ Ary Jesosy Irery, ny vondrona Jesosy Irery, tsy misy na inona na inona anoherana azy ireo, tsara tahaka ny vondrona rehetra izy ireo, ho ahy. Saingy manao batisa diso izy ireo, manao batisa ho amin'ny fiteraham-baovao izy ireo. Mino aho fa isika dia nateraky ny Fanahy Masina, fa tsy ny rano. Mampiasa ny Anaran'i Jesosy Kristy tokoa aho amin'ny batisa, ary tsy misy Soratra hafa ao amin'ny Baiboly mba hanohana...hanao an'izany hifanohitra. Tsy nisy olona tao amin'ny Baiboly izay hany natao batisa tamin'ny anaran'ny “Ray, Zanaka, Fanahy Masina.” Mila olona iray aho haneho amiko toerana iray izay nisy olona iray natao batisa tahaka an'izany. Noho izany, raha tsy ara-tsoratra izany, dia ajanony ny fanaovana an'izany!

Hoy ianareo hoe, “Tsy manao fahasamihafana izany.”

¹⁰⁴ Nanao izany ho an'i Paoly. Nandidy azy ireo hatao batisa indray izy, tamin'ny Anaran'i Jesosy Kristy, ary avy eo dia

nandray ny Fanahy Masina. Ary hoy i Paoly hoe, “Raha anjely iray avy any An-danitra,” Galatiana 1:8, “no tonga, mampianatra Filazantsara hafa iray,” noho izay nampianariny, “dia aoka izy ho voaozona.”

¹⁰⁵ Hitanareo, fombafomba izany. Niresaka tamin’ny lehilahy malaza iray aho vao tsy ela akory izay. Hoy izy, “Rahalahy Branham, tsy vitako. Fantatro fa marina Izany,” hoy izy, “saingy inona no azoko atao amin’Izany?”

Hoy aho hoe, “Ankatoavy Izany!”

Hoy izy hoe, “Nahoana, izaho—manana laza iray aho eo anivon’ny olonay.”

¹⁰⁶ Hoy aho hoe, “Fa izaho mila laza amin’Andriamanitra, noho izany dia ankatoavy Ny Teniny. Tokony hanao ny safidinareo ianareo, hanompo an’Andriamanitra ve ianareo sa ny olona?”

¹⁰⁷ Fa manana ny rafi-pandaminany izy ireo, mametraka an’ireo filazana ao anatin’ny manaraka avy hatrany. Ny fotoana voalohany izay hany nampiasana an’izany dia tao amin’ny fiangonana Katolika Romana. Marina izany. Mila olona iray aho izay haneho amiko zavatra hafa. Izaho dia namaky ny tantara, ihany koa, fantatrareo. Noho izany dia tsarovy, batisa Katolika iray izany, ary ny olona rehetra izay natao batisa tahaka an’izany dia natao batisa ho amin’ny fiombonana Katolika. Ho porofoiko izany alohan’ny hifaranan’ny hariva, raha sitraky ny Tompo. Marina izany. Izany no antony tsy maintsy hiverenanareo.

¹⁰⁸ Tsy Jesosy Irery. Ankehitriny, misy olona tsara betsaka ao amin’ny fiangonana Jesosy Irery. Olona tsara betsaka ao amin’ny Assemblées de Dieu, ny Fianganon’Andriamanitra, Metodista, Batista, Presbyterana, ary Katolika. Saingy tsy misy iray amin’izy ireo no ilay Fiangonana, tsy ny anankiray amin’izy ireo. Misy isam-batan’olona ao anatin’ny mikambana ao amin’ilay Fiangonana. Fa tsy io anaram-piagonana ananan’izy ireo io no manao azy ireo ho ilay Fiangonana, araka ny ezahan’ny olona anaovana azy tahaka an’izany. Disso izany. Iray minitra fotsiny dia ho tonga isika hanome anareo Soratra sasantsasany afaka fotoana fohy.

¹⁰⁹ Eny, mba hihetsika eto an-tany, dia tsy maintsy nateraka ara-boajanahary ianareo mba hihetsika, ary ny fahaterahana tahaka an’izany no manao antsika ho hendry araka ny nolazaiko. Hitanareo? Ary lasa manan-tsaina isika, mahay, ireo manampahaizantsika no manome antsika an’izany. Saingy tsarovy fa io fahaterahana io, ny tena fiandohan’izany mihitsy, dia mifanohitra. An’ny tany izany ary mifanohitra amin’ny Tenin’Andriamanitra, fahadalana amin’Andriamanitra sy amin’ny Drafiny, tsy fantatra ao amin’ny drafitr’Andriamanitra. Raha tsy izany ilay izy, dia ho nahafantatra betsaka noho ny nahafantarani’ Jesosy an’Izany i Nikodemosy. Hitanareo? “Ianao ve no mpampianatra iray ao Israely?” Hitanareo? Hitanareo ve

hoe aiza no alehan'ny anaram-piangonanareo, aiza ny olonareo manan-tsaina malaza izay niara-nihaona ka nanamboatra ny drafiny, ary nametraka?

¹¹⁰ Mamelà ahy hiteny an'ity aminareo. Isaky ny mandefa Hazavana iray eto an-tany Andriamanitra, eo amin'ny zavatra iray eo amin'ny Soratra, dia mihazakazaka avy hatrany miaraka amin'izany izy ireo. Ary vantany vao lasa io olona io, dia manao rafi-pandaminana iray avy amin'izany izy ireo. Ary vantany vao mandrafitra an'izany izy ireo, dia te-hangataka mpahay tantara iray aho (manatrika eto ankehitriny, na ao amin'ireo horonam-peo izany) ho tonga haneho amiko. Amin'ny fotoana rehetra izay hany nandrafetan'ny olona fiangonana iray, dia maty teo no ho eo izany ary tsy nitsangana intsony indray. Mifanohitra amin'Andriamanitra izany. Mifanohitra amin'ny Soratra izany. Noho izany dia manohitra an'izany aho. Ny zavatra rehetra izay toherin'Andriamanitra, raha ato amiko Andriamanitra, dia manohitra an'izay toherin'Andriamanitra aho. Ny Fahavalony dia fahavaloko. Ny Fiagonany no Fiagonako. Ny Fiainany no Fiainako. Nomeny Ny Ainy, lasa izaho Izy mba ahafahako ho lasa mitovy Aminy amin'ny alàlan'ny Fahasoavany. Hitanareo? Nifamadika toerana izahay. Las a mpanota tahaka ahy Izy ka maty ho ahy, teo amin'ny toerako, mba ahafahako ho zanak'Andriamanitra iray tahaka Azy.

¹¹¹ Ankehitriny dia hitanareo ve hoe aiza no efa misy ny anaram-piangonanareo? (Tsy mbola nanomboka isika.) Hendry ao amin'ny fahendren'izao tontolo izao saingy maty amin'ny drafitr'Andriamanitra! Ankehitriny dia ndao isika hijery any aoriana, hijanona eto vetivety fotsiny.

¹¹² Adama dia nifanohitra tamin'ny drafitr'Andriamanitra, satria tsy nankatò ny Teny izy. Niezaka nanao firakotra iray ho an'ny tenany, fivavahana iray. Tsy nahomby izany, ary tsy mahomby foana izany, izay ezahan'ny olona hatao. Diso i Nimroda. Levona i Kora. Inona no nezahan'izy ireo natao? Manao rafi-pandaminana iray.

¹¹³ Ary taorian'izany, rehefa nandrafitra ny tenany izy ireo tamin'ny farany, dia hitan'i Jesosy izy ireo, maty! Hoy Izy, "Mana-maso ianareo fa tsy afaka mahita. Manan-tsofina ianareo fa tsy afaka mandre." Hitanareo? Hoy Izy, "Jamba ianareo, mitarika jamba. Raha ny jamba no mitarika ny jamba, tsy mianjera any anaty lavaka ve izy roa?" Hoy Izy hoe, "Ianao ve no mpampianatra ao Israely, nefà tsy afaka mahazo akory aza hoe inona ny fahateraham-baovao? Fa, raha niala lavitra an'ireo fombafomba ireo ianareo, ka nihazona teo amin'ny Teny, dia ho nahafantatra fa tonga Aho hanome fahateraham-baovao ny olona. Ho nahafantatra ny Androko ianareo. Raha nahafantatra an'i Mosesy ianareo, dia ho nahafantatra Ahy. Niresaka ny Amiko i Mosesy ary izy no nilaza fa ho avy Aho, ary inty Aho! Ary raha tsy manao an'ireo zavatra izay nolazain'i Mosesy sy

ireo mpaminany fa Hataoko Aho, dia aza mino Ahy. Raha tsy manao an'ireo asan'Andriamanitra Aho, dia aza mino Ahy. Fa raha tsy mety mino Ahy ianareo, satria Olona iray, ary raha tsy mety mino Ahy ianareo satria Olona iray Aho nefä manao an'ireo asan'Andriamanitra, dia minoa an'ireo asa satria izy ireo no manambara ny zavatra izay Ataoko." Hitanareo?

¹¹⁴ Fa tamin'izany, tahaka ny amin'izao andro izao, raha velona teto an-tany Izy androany, dia ho nanana anankiray ny Assemblées de Dieu, ho nanana anankiray ny an'ny Tokana, ary ny olona rehetra dia ho nanana Jesosy iray. Azo antoka, ny anaram-pianganon'izy ireo no tsy maintsy nitondra an'ilay baolina. Hitanareo? Raha tsy mandeha izany, amin'izay fotoana izay dia tsy mandeha izy ireo. Mampisaraka firahalahiana.

¹¹⁵ Tsaroako ny zazalahy kely iray nantsoina hoe "David kely." Lehilahy iray izy, manambady ankehitriny, ataoko fa manana fianakaviana iray. Tsaroako fony izy nanomboka voalohany. Nandeha tany St. Louis aho. Efa nandre ny amin'ireo zazalahy kely mpitoky teny aho, izay niakatra tany ka nanao hoe, "Jesosy, zazalahy kely iray, teraka tao anatin'ny fihinanambilona. Mama, inona no sisa amin'izany?" Fa tsy io zazalahy kely io. Natsipiny ny palaitony, naka lahateny iray izy ary nitory teny. Fa inona izy? Sendra Jesosy Irery iray izy. Ny rainy, Atoa. Walker, dia nikambana tamin'ny Jesosy Irery. Nahoana, tsy nahatanty an'izany ny Assemblées. Tsy maintsy nitondra David kely iray ho azy izy ireo. Nahoana, ny sisa tamin'izy ireo dia tsy maintsy nitondra David kely iray ho azy ireo. Ary indray mandeha rehefa nihazona fivoriana iray ilay zazalahy kely tany Florida, dia niantso ahy izy mba ho tonga ka hanampy azy. Ary izaho sy Rahalahy Moore dia namaky pejy roa an'ilay ampahany aloha an'ilay gazety, tsy nisy afa-tsy ireo David kely, ny fiangonana tsirairay dia nanana David kely iray. Oh, mamindrà fo! Nahoana, raha nahafantatra an'ilay fanomezana tao anatin'io zazalahy kely io ny andian-doholon'Andriamanitra, dia ho nampiditra fanahy an'arivony tao amin'ny Fanjakana izy, hitanareo; hiteny aminy hanadino ny fombafombany mikasika ny olona sy ity tahaka an'izany. Nanana fanomezana iray tao amin'ny fiainany Andriamanitra, mampiasa an'izany!

¹¹⁶ Rehefa voaseho voalohany ny fanasitravana avy amin'Andriamanitra, dia nanana fahatsapana iray teny amin'ny tänany ny olona rehetra ary afaka nanimbolo an'ireo aretina. Ary, oh, oadray! Nahoana? Tsy maintsy nanao an'izany izy ireo, tany aorian'ilay hazakazaka ny rafi-pandaminan'izy ireo. Hitanareo, manao ny rafi-pandaminanareo any alohan'ny drafitr'Andriamanitra ianareo, mihevitra ianareo fa izany ilay izy. Saingy Andriamanitra dia manao Ny Fiangonany mandroso fotsiny ihany, Vatana mahagaga iray. Tsy mikambana ao amin'Izany ianareo, teraka tao amin'Izany ianareo.

¹¹⁷ Hendry ao amin'ny fahendren'izao tontolo izao, saingy maty ao amin'ireo drafitr'Andriamanitra. Teneno amiko, àry. Teneno amiko, àry. Afaka miteny amin'izy ireo ianareo sy manaporofo aminy fa diso izy ireo, araka ny Tenin'Andriamanitra sy ny teny fikasana, fa mbola tsy hahita an'izany foana izy ireo. Afaka mipetraka mihitsy aho ka mandray ny Teny ary maneho aminareo fa diso ny anaram-piangonana. Afaka maneho aminareo aho fa ireo fanekem-pinoana izay anananareo amin'izao andro izao dia diso, hitanareo, ireo fanekem-pinoan'ny fiangonana ireo. Asehoy fa diso izany, fa hilaza izy ireo hoe, "Eny, izahay dia efa nampianarina hino an'ity." Hitanareo, araka ny hevitro, izany dia—izany dia fonony, raha fantatrareo izay resahako, fonon-tafondro. Hia, marina izany. Tsy afaka mahita izy ireo. Hoy Jesosy hoe, "Ianareo, ianareo—tsy afaka mahita ianareo, mba ahafahanareo hanatona Ahy ka hanana Fiainana."

¹¹⁸ Nisy an'i Nikodemosy, lehilahy iray tsara laza, lehilahy malaza iray, eveka iray tao amin'ny fiangonany, lehilahy fanta-daza, tian'ny olona rehetra, ary nanatona an'i Jesosy nefy tsy nahafantatra mikasika ny Fiainana mihoatra noho—noho ny inona na inona. Tena tsy nahay ny amin'Izany mihitsy izy rehefa niteny mafy azy noho izany Jesosy, saingy tso-po betsaka izy mba ho avy. Ny sisa tamin'izy ireo dia tsy te-ho avy akory aza. Nihataka niaraka tamin'ireo mpisoronabe sy niaraka tamin'i Eveka *Ranona-sy-ranona* izy ireo ary *Ranona-sy-ranona*. Hitanareo? Nihataka niaraka tamin'ireo izy ireo, naleony naka ny fombafomban'ireo loholony toy izay handre ny Tenin'Andriamanitra.

¹¹⁹ Ankehitriny, afaka miteny amin'izy ireo ianareo, fa tsy hihaino an'izany izy ireo. Afaka marina tokoa ianareo... Azonareo eritreretina ve... Te-hanontany zavatra iray aminareo aho. Tsy fanimbazimbana no tiako ilazana an'ity. Ankehitriny, ireo rahalahy izay mihaino ny horonam-peo, tsy fanimbazimbana no tiako ilazana an'ity. Azonareo eritreretina ve hoe mivoaka eto aho, ka—ka voronkely iray eo ambonin'ny hazo no afaka hanontany ahy hoe, "Ahoana mihitsy moa no andehananao tahaka ny ataonao? Manana fiainana aho, voronkely iray aho eto ambonin'ity hazo ity"? Afaka manaporofo izy fa manana fiainana, saingy ilay karazany ratsy izany. Raha te-handeha izy, ny fomba tokana hany handehanany, hahitany, hanandramany, hahatsapany, hanamboloany ary handrenesany, raha afaka niresaka izy ka nilaza tamiko ary nanontany an'izany, ny fomba tokana, dia tsy maintsy nateraka tamin'ilay fomba iray ihany izay ahaterahako izy. Amena. Tsy hahazo an'izany amin'ny fomba hafa mihitsy izy. Fa raha teraka tamin'ilay fomba iray ihany izay ahaterahako izy, dia hahafantatra an'ireo zavatra izay fantatro. Amena. Oh, oadray! Eny, tompoko. Tsy afaka miteny amin'ny voronkely iray eo ambonin'ny hazo ianareo hoe

ahoana no handrosoantsika sy hihetsehantsika, tsy maintsy mandray an'ilay karazam-piainantsika izy hahazoana an'izany. Tahaka an'izany koa ny Fanahy! Tahaka an'izany koa ny amin'ny Fanahy, raha tsy izany dia tsy afaka hahazo an'Izany ianareeo. Tsy ilaina ny miezaka maminavina an'Izany rehetra izany, manatôna Azy fotsiny aloha. Satria, "Raha tsy nateraka indray ny olona, dia tsy afaka mahita akory ny Fanjakana aza izy," hoy Izy, izany hoe, "mahazo an'Izany." Tsy maintsy ateraka indray ianareeo mba hahafantatra an'Izany.

¹²⁰ "Eny," hoy ianareeo, "nateraka indray aho." Nefa mandà ny Teny ve? Ahoana no ahafahanareo ho izany? Ny fiainanareo manokana no manome anareo ny fanamarinana an'izany, ny vondronareo manokana izay ikambananareo, ireo vorona mitovy volo. Hitanareo? Miandrasy mandra-pahatongantsika eo amin'ireo zavatra ireo afaka minitra vitsy, hitanareo.

¹²¹ Tonga amin'ny alàlan'ny Fanahy. Ahoana no ahafahanareo miteny an'ireo zavatra ny Fanahy amin'ny olona izay tsy nateraky ny Fanahy? Tsy maintsy ateraky ny Fanahy ianareeo mba hahazo an'ireo zavatra ny Fanahy. Ny...Hoy Jesosy hoe, "Ny rivotra mitsoka any amin'izay tiany, tsy afaka miteny ianao hoe avy aiza no ihaviany na izay alehany." Hitanareo? Toy izany koa ny olona rehetra nateraky ny Fanahy, tsy afaka miteny aminareo izy ireo. Ny olona iray izay nateraky ny Fanahy dia tsy mampiasa fisainana mihitsy, mamela an'Andriamanitra hanao ny fisainana izy.

¹²² Heverinareo ve fa afaka mitsangana eto amin'ny lampihazo eto aho, hampiasa fisainana iray ka hiteny amin'ny olona iray ery aoriana ery hoe, "Ny anarany dia *John Doe* ary izy dia avy any amin'ny toerana *izao-sy-izao*, izy dia nanao an'izao. Ary nanambady vehivavy hafa iray izy ery aoriana ery, roapoloo taona lasa izay, ary nanan-janaka tamin'io vehivavy io. Tsy maintsy mamerina an'ity zavatra ity izy, ka manao an'itsy," mihevitra ve ianareeo, fa mampiasa fisainana, no ahafahako manao an'izany? Tsy misy fahendrena tahaka an'izany ao amin'ity fahaterahana eto an-tany ity ho an'izany. Any ankoatr'izany ilay izy. Tsy maintsy avy any Ambony izany. Noho izany rehefa nateraky ny Fanahy ianareo, any Ambony, ilay Fiainana izay tao Aminy Izay nanao an'ireo zavatra ireo, no nanao hoe, "Ireo asa izay Ataoko, no hataonareo koa."

¹²³ Tsy maintsy ovaina ny fahaterahanareo. Efa voafitaka ianareo. Mety efa niteny tamin'ny fiteny tsy fantatra ianareo, mety efa nitsambikina ambony sy ambany ianareo, mety efa nihiakiaka ianareo, mety efa nanao an'ity rehetra ity, *itsy*, ny *hafa* ianareo, mety efa ma—mambra mahatoky iray ianareo. Toy izany koa i Nikodemosy, hitanareo, saingy tsy ampy an'ilay fahaterahana izy. Ary rehefa mandà ny Teny ianareo, miezaka ny mametraka an'Izany any an-kafa any ho any ary manao zavatra iray amin'Izany, ary manasaraka Azy tahaka an'izany, amin'izay

fotoana izay... Hoy Jesosy hoe, "Izao famantarana izao no hanaraka an'ireo izay mino. Mandehana ianareo mankany amin'izao tontolo rehetra izao ka mitoria ny Filazantsara amin'ny olombelona rehetra." Raha mbola toriana foana ny Filazantsara, dia hanaraka ireo famantarana ireo. Teneno amiko ny toerana izay hany Nanesorany an'izany tao amin'ny fiangonana. Asehoy amiko ny Soratra izay Nilazany, hany nilazany hoe, "Hatramin'izao fotsiny." Hoy Izy hoe, "Mankany amin'izao tontolo rehetra izao ary amin'ny olombelona rehetra!"

¹²⁴ Eny, tsy maintsy mandray an'ilay karazana Fiainana izay Nananany ianareo, mba hiaina Ny Fiainany. Ary rehefa hitanareo Ny Fiainany, amin'izay fotoana izay dia ho fantatrareo Ny Teniny. Marina izany. "Rehefa Izy," mpisolo anarana, fa tsy fisainana iray, tsy eritreritra iray, tsy fahatsapana iray, fa "rehefa Izy, ny Fanahy Masina, no tonga, dia Izy no handray an'ireo zavatra izay Noteneniko taminareo, sy hanambara azy ireo aminareo, ary haneho aminareo an'ireo zavatra izay ho avy." Izany ilay fahaterahana. Izany ilay fanamarinana hoe Izany no Teny. Ary rehefa milaza ny olona iray fa manana ny Fanahy Masina izy, nefà mandà ny Tenin'Andriamanitra ary mametraka an'Izany any an-kafa any ho any, dia ahoana no ahafahan'ny Fanahy Masina handà Ny Teniny Manokana? Ankehitriny anehoy rafi-pandaminana iray aho ao amin'ny Teny. Eo ianareo izao. Hitanareo? Eny àry.

¹²⁵ Afaka mieritreritra mpandraharaha iray ve ianareo... Ankehitriny ity no hoe hatraiza no misy ny fiangonantsika any aoriana. Azonareo eritreretina ve ny mpandraharaha iray izay nanomboka asa iray eto, ilay izy dia... ilay izy dia asa iray miroborobo tokoa, ary tsy maintsy mitady fanampiana haingana mihitsy izy, ka handeha hankany amin'ny andiana lehilahy maty, faty, ka manao hoe, "Tianareo ve ny hiasa ho ahy?" Tsy ho tombontsoa ho azy izy ireo.

¹²⁶ Izany no antony tsy itsanganan'ny rafi-pandaminana indray mihitsy. Hitanareo? Andiana tsi-finoana maty izay manangona ny tenany miaraka tahaka an'i Nimroda, tahaka an'i Kora, tahaka ny nanerana an'ilay taona. Ahoana no ahafahana... Tsy nampiasa an'izany mihitsy Izy, tsy nampiasa rafi-pandaminana iray mihitsy. Tsy afaka manao an'izany Izy. Efa any ivelan'ny sitrapon'Andriamanitra izy, efa lasa any ankoatr'izany ilay izy. Any ivelan'ny fahatakarana izy, any ivelan'ny fikarohana izy.

¹²⁷ Ahoana no ahafahanareo handeha any amin'ny olona iray izay tsy afa-mihetsika, malemy ny loha, tànana sy tongotra, hiteny aminy fa tianareo hanao hazakazaka antongotra ho anareo izy, hihazakazaka an'ity hazakazaka ity am-paharetana, manaisotra... Hitanareo? Ahoana no ahafahany hanao an'izany nefà ilay olona tsy afa-mihetsika, malemy izy? Esory miala aminy ilay fahalemena, aloha, avy eo izy vao afaka mihazakazaka.

¹²⁸ Izany no ilain'ilay rafi-pandaminana, dia ny fanasitranana avy amin'Andriamanitra. Ôh, oadray! Manantena aho fa tsy mahita...tsy toy ny hoe mpitsikera aho. Hitanareo, tsy mitsikera aho, fa raha tsy milentika tsara ny fantsika iray dia mivoaka moramora izy. Hitanareo? Izany no antony tsy ahafahan'ny Fanahy Masina mampiasa anaram-piangonana iray. Vantany vao...

¹²⁹ Tsarovy, mino aho fa nanana ny Fanahy Masina i Martin Luther. Izany tokoa. Angamba tsy ao amin'ilay ampanahans'izany amin'izao andro izao, satria tsy mbola nomena Izany. Efa nandalovantsika io, ianareo olon'ny tabernakla, teto teo amin'ny solaitrabe. Saingy nino an'Andriamanitra izy hoe, "fa izay mino no manana Fiainana mandrakizay." Tsy nihevitra mihitsy aho hoe nisy olona iray nino an'izany tahaka ahy, hatramin'ny aninkeo maraina, nandre an'i Charles Fuller aho raha teo ampidinana. Izy dia mino, ihany koa, fa ny fahateraham-baovao dia tsy ny batisan'ny Fanahy Masina. Ny fahateraham-baovao dia hoe nateraka. Ny Fanahy Masina dia ny batisa. Hitanareo? Eny àry.

¹³⁰ Ankehitriny dia hitantsika fa ity lehilahy ity dia tsy maintsy ateraka indray mba hihetsika. Eny àry, ateraky ny nofo, amin'izay fotoana izay dia manana ny fahendren'izao tontolo izao ianareo. Ary ny fahendren'izao tontolo izao dia mankatò ny mpampianany ara-nofo. Marina. Izany marina tokoa no antony hoe ny olona iray izay tsy manana ny fahateraham-baovao, ka teneno aminy ny Tenin'Andriamanitra, fa hankatò ny ekekany izy ireo, ny presbyterany na ny rafi-pandaminany, raha tokony ho ny Tenin'ny Fiainana. Nahoana? Tsy mahafantatra hafa afa-tsy izany izy. "Nahoana, fantatrao, indray andro any dia mety ho presbytera iray aho." Nahoana, mpampianatra iray i Nikodemosy. Any ankoatry ny presbytera iray io, io dia any ankoatry ny—ny—ny pasitera iray, io dia any ankoatra, mpampianatra iray tao Isiraelio. Hitanareo? Eny, ary lehilahy malaza iray izy, nikambana tamin'io vondrony io izy nefá tsy nahafantatra na inona na inona mihitsy mikasika an'Andriamanitra. Hitanareo? Ny hany fantany dia tantara iray.

¹³¹ Inona no mahatsara an'Andriamanitra ara-tantara iray raha tsy Izy no tsy miová androany? Inona no mahatsara an'ilay Andriamanitr'i Mosesy raha tsy Izy no ilay Andriamanitra iray ihany androany? Inona no mahatsara an'Andriamanitra iray izay afaka namonjy lehilahy iray teo amin'ny hazo fijaliana nefá tsy afaka hamonjy anankiray amin'ilay fepetra iray ihany androany? Araka ny efa nolazaiko foana hoe, "Inona no soa amin'ny fanomezana voa tsara sy vitamina ho an'ny voro-mavonareo, mba hanao azy banana elatra matanjaka tsara sy volo tsara, nefá mametraka azy ao anaty tronom-borona iray?" Tsy azoko ilay izy. Miezaka miteny aminy mikasika ny Andriamaniry ny hery iray sy ny sisa, nefá mandraikitra azy ao anatin'ny rafi-

pandaminana iray izay tsy mino ny zavatra toy izany akory aza. Hitanareo? Any ivelany tanteraka izy. Izany no antony tsy ahombiazany, maty izy. Tsy afaka mampiassa azy ianareo. Tsy nampiassa azy mihitsy Andriamanitra.

¹³² Eritrereto fotsiny, ny Fanahy Masina dia tsy mihitsy, tamin'ny fotoana rehetra, nampiassa rafi-pandaminana iray, na aiza na aiza ao amin'ny Soratra na aiza na aiza ara-tantara. Raha ny olona iray eo amin'ity horonam-peo ity, na manatrika, no afaka haneho amiko hoe taiza no nandraisan'ny Fanahy Masina rafi-pandaminana iray ka nanao hetsika iray teto an-tany, dia tongava miteny amiko. Tiako ianareo hiteny amiko ny bokin'ny tantara izay nihavian'izany. Fantatrareo fa tsy ao anatin'ny Soratra izany, noho izany dia tiako ianareo haneho amiko ny tantara izay nihavian'izany. Tsy nampiassa zavatra iray tahaka an'izany mihitsy Andriamanitra. Mampiassa isam-batan'olona iray Izy, isan'andro.

¹³³ Eny àry, ny ateraky ny Fanahy. Ankehitriny, ny ateraky ny nofo, ary manana ny fahendren'izao tontolo izao, ny fahendrena dia hankatò ny mpampianany ara-nofo. Ny ateraky ny Fanahy dia ny mino sy mankatò ny fampianaran'ny Baiboly, amin'ny alàlan'ny Fanahy Masina. Ary ny olona iray izay nateraky ny Fanahy dia hankatò ny Tenin'Andriamanitra tsy mampaninona izay tenenin'ny fombafomba iray aminy. Izay ihany no izy. Nateraka indray ianareo, izany no antony ahitanareo. Ny mikambana amin'ny rafi-pandaminana iray, mametraka ny fanantenanareo rehetra ao amin'izany . . .

¹³⁴ Ankehitriny, tsy milaza aho hoe ny olona ao anatin'ilay rafi-pandaminana dia tsy nateraka indray. Ankehitriny, ho tonga eo amin'izany aho afaka minitra vitsy, raha sitrakny Tompo. Azo antoka, nateraka izy ireo, saingy isam-batan'olona izy ireo. Tsy ilay rafi-pandaminana no nateraka indray; ireo isam-batan'olona ao anatin'ny ao no nateraka indray. Fa manasaraka azy fotsiny ho lavitra an'Andriamanitra ilay rafi-pandaminana, izany ihany no ataony: fampisarohana. Eny àry. Tsy mampaninona ny amin'ilay nofo, mampianatra ny nofo ny anaram-pianganana, mifanohitra foana amin'ny sitrapon'Andriamanitra izany.

¹³⁵ Ny hoe *hateraka indray* dia midika hoe “nateraka avy any Ambony.” *Indray* dia midika hoe “avy any Ambony.” Ataoko fa fantatrareo izany, hitanareo. Ny hoe *nateraka indray* dia midika hoe “nateraka avy any Ambony.” Ankehitriny, ho hitanareo, afaka mianatra an’izany ianareo raha tianareo, ny leksika. Hitanareo, midika hoe “fahaterahana izay avy any Ambony.” Satria, efa nateraka ianareo *teto*, ankehitriny mba hateraka indray dia tsy maaintsy nateraka avy *Eto ambony eto* ianareo, mba hateraka indray. Noho izany io Fanjakana io dia tena ambony lavitra noho ity fanjakana ity, lehibe lavitra noho ity

fanjakana ity, hany ka ity fanjakana ity dia fahadalana ho an'Itsy, ary Itsy dia fahadalana ho an'ity.

¹³⁶ Araka ny nolazaiko mazàna, izaho sy ny vadiko eto dia nandeha mba hividy enta-madinika vitsivitsy vao tsy ela akory izay, teo amin'ny volana vitsivitsy lasa izay, ary nahita vehivavy iray izahay izay nanao zipo iray. Ary izany no zavatra hafahafa indrindra izay hany hitanay hatramin'ny ela be.

¹³⁷ Eny, aninkeo maraina, tsy milaza an'izao ho fanimbazimbana aho, dia nandre ny iray amin'ireo rafipandaminana lehibe malaza. Ary nihaino radio izaho sy ny zanako vavy raha nandeha hitokana fiangonana iray izahay. Ary ny hira izay nohirain'izy ireo, dia karazana zavatra hafa iray nataon'i *Ranona-sy-ranona*, iray amin'ilay hira klasika izay amiko dia toy ny hoe mihazona ny fofon'ainy ireo vehivavy mandra-pahatonga azy ireo ho mangana eo amin'ny tavany, ary avy eo dia mihevitra fa hoe izany no mihira. Izany no midridridridry. Tiako ny fihirana Pentekotista tsara fahiny, avy ao am-ponareo mihitsy. Tsy afaka manaraka naotin-kira iray ianareo, kanefa dia mihira, manao tabatabam-pifaliana ho an'ny Tompo. Heveriko fa izany no ara-panahy. Tiako izany. Fa ny mihazona ny fofon'ainareo mandra-pahatonganareo ho mangana eo amin'ny tavanareo mihitsy, ka mihalefy ary avy eo dia miverina indray, iza... Ny tenanareo mihitsy aza no tsy mahafantatra akory izay hirainareo. Ahoana no anantenanareo olon-kafa hahafantatra? Izany ilay izy. Hoy Jesosy hoe, "Izahay dia miteny an'ireo zavatra izay fantatray." Marina izany. Marina izany. Ny tokony hataontsika dia ny mihira an'izay fantatsika ao am-pontsika, izay tsapantsika.

¹³⁸ Ary rehefa nahavita izy ireo, ny zanako vavy dia mianatra mozika, ka hoy izy hoe, "Ranadahy," hoy izy, "izany no tena klasika iray."

¹³⁹ Hoy aho hoe, "Eny, saingy firy amin'io antoko mpihira an'olona eo amin'ny dimampolo io no neverinao fa nisy sigara teo amin'ny fofon'ainy? Firy amin'io antoko mpihira io no neverinao, omaly hariva izay Sabotsy hariva, no tsy nanao fisotroana sosialy kely iray? Firy ny vehivavy nanana volo tapaka tao anatiny tao? Firy no niloko tarehy, fa ilay pasiteran'ny fiangonana dia nilaza andro vitsy lasa izay hoe, 'Andriamanitra dia nanao tontolo iray tsara tarehy kokoa rehefa namorona ny lokon-tarehy Izy?" Nefa, fantatsika fa misy vehivavy anankiray ao amin'ny Baiboly izay nandoko ny tarehiny, ka nataon'Andriamanitra sakafo ho an'ny alika izy. Ary isika, ny olona rehetra izay mahafantatra zavatra iray mikasika ny fiangonana sy mikasika an'ireo mpanompo sampy, dia mahafantatra fa mariky ny fanompoan-tsampy ny lokon-tarehy, efa izany foana. Ary, kanefa, dia manao an'izany ireo vehivavy. Ary ny lehilahy dia mifoka, misotro, manao hadalana. Nefa mitsangana eo ka mihira, an'ireo feo tahaka an'izany. Ho tonga eo amin'izany isika afaka minitra vitsy

eto mihitsy. Eny àry. Mikambana amin'ny fisainana ara-rafi-pandaminana iray, nefo, hisy fahadisoam-panantenana amin'ny Fitsarana, araka ny hevitro.

¹⁴⁰ Ny nateraky ny Fanahy, dia ny mino sy mitondra ny tenanareo amin'ny Fanahy, dia ny mahazo sy mino amin'ny fonareo fa Jesosy no Kristy ary Ity No Teniny, ka tsy misy teny hafa azo anampiana amin'Izany na esorina amin'Izany raha tsy efa nesorina tao amin'ny Bokin'ny Fiainana ny anaranareo. Anankiray matanjaka izany. Raha manampy zavatra anankiray amin'Izany ianareo, ao amin'ny fombafombanareo, na manaisotra zavatra anankiray amin'Izany, eny, Kristy no nilaza, Izy tenany hoe, "Hokosehina hiala amin'ny Bokin'ny Fiainana ny anaranareo." Ankehitriny, mitadiava rafi-pandaminana, anaram-piangonana ao amin'ny Baiboly. Andosiro izany! Eny àry. Tsy mampaninona ny amin'ny nofo, manohitra ny Baiboly ny fampianaran'ny anaram-piangonana. Hia. *Nateraka indray* dia midika hoe "Fahaterahana vaovao iray avy any Ambony; teraka avy any Ambony." Avy eo dia mihetsika ao amin'ireo zavatra avy any Ambony isika. Oh, oadray! Satria Izany dia Izy tenany mihetsika ao amin'Ny Teniny amin'ny alàlanareo, izay Sampany, amin'ilay Voaloboka.

¹⁴¹ Izany no antony nilazan'i Jesosy hoe, "Raha tsy manao an'ireo asan'Ny Raiko Aho, dia aza mino Ahy." Oh, izany tokoa! Hoy Izy hoe, "Tsy nisy olona niakatra nankany An-danitra afa-tsy Izay nidina avy tany An-danitra." Diniho Izy nanitsy an'i Nikodemosy eto, rehefa i Nikodemosy... Fantatrareo, nihevitra izy ireo, Izy izay Olona iray, hoe tsy mety ho Andriamanitra Izy. Ary nilaza Izy, ary nilaza Izy teo hoe, "Tsy nisy olona niakatra nankany An-danitra afa-tsy Izay nidina avy tany An-danitra, dia ny Zanak'olona izay any An-danitra ankehitriny." Sarotra loatra izany ho azy. Ahoana no Nahafahany, ny Zanak'olona, nidina avy tany An-danitra, nandeha *nidina* avy tany An-danitra, dia ilay iray ihany izay *niakatra* nankany An-danitra, sy ilay Anankiray ihany izay nitsangana teo an-tampon'ity trano ity, niresaka tamin'i Nikodemosy, izay *any* An-danitra ankehitriny? Eny, tokony ho hitany fa Andriamanitra izany. Manerana Izy, hatraiza hatraiza! Hitanareo? Saingy izy, tao amin'ireo fombafomby, dia tsy nahafantatra an'izany. Tsy nisaina ara-panahy izy. Ilay fisainana ara-nofo, ka tsy afaka nahatakatra an'izany.

Hoy Izy hoe, "Ataon'ny olona ho Iza moa Aho ilay Zanak'olona?"

"Ny sasany milaza hoe, eny, 'Izy no Zanak'i Davida.'"

¹⁴² Hoy Izy hoe, "Koa nahoana àry Davida tao amin'ny Fanahy no niantso Azy hoe 'Tompo,' nanao hoe, 'Ny Tompo nanao tamin'ny Tompoko hoe, "Mipetraha Ianao eo an-Tànako ankavanana, mandra-Panaoko ny Fahavalonao ho fitoera-tongotra iray'"?" Ahoana no mahatonga Azy sady Faka

no Solofon'i Davida; talohan'i Davida Izzy, Izzy no Davida, ary taorian'i Davida. Hitanareo? “Izy no Faka sy Solofon'i Davida,” ny Baiboly no niteny an'izany, sady Faka no Solofon'i Davida. Ahoana no Ahafahany ho Ny Žanany arak'izany? Ahoana no Ahafahany ho Ny Tompony? Hoy ny Baiboly hoe, “Hatramin’izany fotoana izany dia tsy nanontany na inona na inona Taminy intsony izy ireo.” Ataoko fa izany dia zavatra iray tsara, ihany koa. Eny, tompoke. Eny àry.

¹⁴³ Nateraka indray avy any Ambony. Avy eo dia mihetsika isika, mihetsika ao amin'ireo zavatra avy any Ambony, ary, satria Ny Fiainany no ao anatintsika, dia Ny Teniny manamarina ny Teny Izzy tenany. Ny Fanahy izay ao anatinareo dia ny Teny tonga nofo ao anatinareo. Ny Fanahy dia misaina ny Teny, ary mihetsika amin'ny fanamarinana ny Teny.

¹⁴⁴ Ankehitriny, ny Fanahy dia tsy mihetsika ao amin'ny anaram-piangonana iray. Tsy mahaliana ny manao rafi-pandaminana, satria ny Fanahy Izzy tenany dia mifanohitra amin'ilay rafi-pandaminana. Ny rafi-pandaminana dia mitady an'ireo zavatr'izao tontolo izao, ny fissainan'izao tontolo izao, ary manao tempoly goavana izy ireo sy ireo zavatra mamiratra, ary ireo rafi-pandaminana mamiratra lehibe, mpitoky teny mamiratra, sy ny sisa tahaka an'izany, ary ilay kilasy tsara indrindra ao amin'ny tanàna. Nefa, ny Fanahy dia miezaka mitady fo mahitsy izay anirian'ny Fanahy haneho sy hanaporofo fa marina ny Tenin'Andriamanitra tsirairay. Ahoana no ahafahanareo, ahoana no ahafahan'ny Fanahy hiasa ao amin'ny rafi-pandaminana iray nefo mandà izy, mandray an'ireo fanekem-pinoana raha tokony ny Teny? Tsy afaka manao an'izany Izzy. Noho izany, hitanareo, maty izany. Tsy mandeha mankany amin'ireo karazan-toerana ireo Andriamanitra mba hahita Ny, vo-vondron'olona iray hiasa ho Azy, satria efa maty izy ireo. Tsi-mpino ny Teny izy ireo, raha tsy izany dia tsy ho ao. Hitanareo? Ankehitriny, mihetsika ao amin'ireo zavatra avy any Ambony isika. Ankehitriny, ny Fanahy dia misaina ny Teny. Ankehitriny, marina izany, satria ny Fanahy no manome Aina ny Teny. Hitanareo? “Ny soratra mamono; ny Fanahy no manome Aina.”

¹⁴⁵ Ankehitriny, tonga aho androany, njery an'ireo hazo lehibe tsara tarehy tany anaty ala, ireo havoana goavana, volontany, mavo, miravaka maintso mavana ao anatin'izy ireo. Hoy aho hoe, “Mba fantatrao moa hoe inona izany?” Hoy aho hoe, “Manana fahafatesana fotsiny isika, ka Andriamanitra no namelatratra ny Fehezam-boninkazony, nametraka azy ireny eo ambonin'ny havoana. Izany no voninkazom-pandevenana. Lasa niverina nankany amin'ny vovoka ilay aina. Nandevina ny Voany rehetra avy ao amin'ireo voninkazo sy ny sisa fotsiny Andriamanitra, mandevina azy ireny indray, ary mampamony ny Fehezam-boninkazony fotsiny Izzy. Mijery eto an-tany Izzy satria izany

no voninkazom-pandevenana. Fa rehefa mipo saka indray ny masoandro, dia handray aina indray io voa io.” Amena. Eny àry.

¹⁴⁶ Liana amin’ny fanamarinana ny Teny ny Fanahy. Ary raha nanaiky fombafomba ianareo raha tokony ny Teny... Ankehitriny, hoy ianareo hoe, “Eny, mino an’Izany rehetra izamy izahay, saingy, Rahalahy Branham, fantatro fa izahay dia tsy mino an’Ity.” Amin’izay fotoana izay dia eo mihitsy ianareo no mijanona.

¹⁴⁷ Niteny tamiko ny mpitarika fivavahana indray mandeha fa izy...fa ny—ny kapiteny iray dia nilaza, na mino aho fa mazaoro iray ilay izy, nanao hoe, “Ry mpitarika fivavahana, mandehana mankany, misy kapiteny iray eo am-pahafatesana any. Voatifity ny basy marovava izy.”

¹⁴⁸ Nandeha nankany izy, ary niady mafy ilay kapiteny. Nentin’izy ireo tao anatin’ny tranolain’ny Vokovoko Mena izy, ary hoy izy hoe, “Ry kapiteny.”

¹⁴⁹ Nijery teo amin’ireo figororoan’ny rà izy, ka hoy izy hoe, “Eny, tompoko.” Dia hoy izy hoe, “Ianao no mpitarika fivavahana.”

“Eny.” Hoy izy hoe, “Eo am-pahafatesana ianao, ry kapiteny.”

Hoy izy hoe, “Fantatro izany.”

Hoy izy hoe, “Kristiana ve ianao?”

Hoy izy hoe, “Izy aho taloha.”

¹⁵⁰ Hoy izy, “Taiza no nandaozanao Azy, ry kapiteny?” Hoy izy hoe, “Eo amin’izay nandaozanao Azy mihitsy no hahitanao Azy.” Marina.

Hoy ilay kapiteny hoe, “Tsy afaka mieritreritra aho.”

¹⁵¹ Hoy ilay mpitarika fivavahana hoe, “Tsaratsara kokoa aminao, tsy manana afa-tsy minitra vitsy amboniny sisa ianao, amin’izao fomba iadianao mafy izao.” Nanomboka nisokatra ny vavany, nivoaka avy teo amin’ny vavany sy ny sofiny ny rà, ary ireo balan’ny basy marovava nanerana azy. Hoy izy, “Tsaratsara kokoa aminao ny haingana, miha-feno ny avokavokao.”

¹⁵² Dia nanomboka nibadabada ilay kapiteny, nandry teo raha niady mafy izy. Ary tonga nanerana ny tavany ny tsiky iray, hoy izy, “Fantattro ankehitriny.”

Hoy izy, “Taiza no nandaozanao Azy? Manomboha eo mihitsy.”

¹⁵³ Hoy izy hoe, “Ankehitriny dia handeha hatory aho.” Teo amin’izay nandaozany Azy, eo no ahitany Azy.

¹⁵⁴ Rehefa mampianatra zavatra mifanohitra amin’ny Teny ny rafi-pandaminanareo, dia eo mihitsy no andaozanareo Azy. Miverena avy hatrany, satria Izy dia mihetsika manamarina sy

manao an'ity Teny ity ho marina. Izany Jesosy, manao foana ny sitrapon'ny Ray. Hitanareo? Eny àry.

¹⁵⁵ Noho izany, hitanareo, ny fahazoan'ny rafi-pandaminan'i Nikodemosy dia tsy nidika na inona na inona ho an'Andriamanitra. Ankehitriny, tsy mampaninona na mpifehy iray aza izy, araka ny iantsoantsika azy, tao amin'ilay rafi-pandaminana, mpampianatra iray ao Isirael, ny fianarany sy ny fahalalany rehetra dia tsy nidika an'izao [Manapoapoaka ny rantsan-tànnany Rahalahy Branham—Mpand.] rehefa nitsangana teo anoloan'i Kristy izy, fananarana iray ho azy fotsiny ihany. Ankehitriny, mihevitra aho fa ny olona rehetra dia nanao hoe, "Ray masina, Nikodemosy. Ray masina, Nikodemosy. Miondrika aminao izahay, tompokeo." Saingy rehefa Jesosy, nitsangana teo anoloan'Andriamanitra izy, dia niteny mafy azy Izy nohon'ny tsy fahalalany. Noho izany, hitanareo hoe mandeha mankaiza izany rehetra izany, adinoy izany! Avia, ndao isika handeha hankany amin'Andriamanitra. Marina izany. Eny àry.

¹⁵⁶ Na dia ny fahazoana lehibe an'i Kora koa aza dia tsy nidika na inona na inona, na ny an'i Adama, ny tsirairay dia nandà ny Hafatr'Andriamanitra voamarina. Ankehitriny ndao isika hihaino tsara ankehitriny, hiditra ao amin'ireo rano avo sasantsasany isika afaka iray minitra. Hitanareo, ny tsirairay avy tamin'izy ireo, ny antony nahatafiditra azy ireo tao anatin'ny olana, Nikodemosy, Kora, Nimroda, sy ny sisa, dia satria tsy nahafantatra an'ilay irak'Andriamanitra niaraka tamin'ilay Teny voamarina an'io andro io izy ireo. Ankehitriny, ny rehetra dia mahafantatra an'izany. Ankehitriny, afaka mijanona eo amin'izany ela be isika. Fa rehefa milaza mialoha sy milaza zavatra iray izay hiseho Andriamanitra, dia manao rafi-pandaminana ny olona, mametrakà olona marina tokoa. Nino izy ireo fa hisy Mesia iray ho avy. Oh, ireo Jiosy ireo, oh, oadray, azo antoka! Saingy rehefa tonga tamin'ny fomba Nahatongavany Jesosy, dia hoy izy ireo hoe, "Tsy mety ho Izy io." Diso tamin'ny fahazoana ny Teny izy ireo. Ankehitriny, tsy tonga nifanohitra tamin'ny Teny Jesosy (sa tsy izany Izy?), fa tonga nifanohitra tamin'ny fandikan'ny rafi-pandaminana ny Teny Izy. Tsy tonga nifanohitra tamin'ny Teny i Mosesy, tonga marina tokoa niaraka tamin'ny Teny izy; saingy i Kora no diso tamin'ny fahitana an'izany. Ary efa tahaka an'izany ny hatramin'izay rehetra.

¹⁵⁷ Jereo ankehitriny. Ity Hafatry ny andro ity dia tsy afaka ho zavatra iray fotsiny hilaza hoe "izahay no manana ny Fahamarinana ary izahay no manana an'ity, itsy," tsy maintsy ho voateny mialoha ao amin'Ny Teniny ilay izy! Ary avy eo rehefa mivoaka ny Teny, dia tsy maintsy ho voamarina tanteraka amin'ny alàlan'ny Teny izany.

¹⁵⁸ Jesosy dia voamarin'Andriamanitra tanteraka, tamin'ny alàlan'ny Teny. Hoy Izy hoe, "Raha nahafantatra an'i Mosesy

ianareo, dia ho nahafantatra ny Androko.” Niresaka tsara ny Aminy ireo mpaminany, nilaza tsara ny naha-izy Azy ireo mpaminany rehetra. Kanefa dia nanajamba azy ireo izany, tsy nety azon’izy ireo izany. Hitanareo? Nefa Jesosy dia... Ary izaho tsy...

¹⁵⁹ Tiako ny hilaza an’ity ho an’ny horonam-peo, sy ho anareo, ihany koa. Hitanareo, ilay iraka miaraka amin’ny Hafatry ny andro!

¹⁶⁰ Ankehitriny, raha mandeha ianareo, hoy ny Advantistan’ny andro Fahafito hoe, “Manana azy izahay, mitandrina fotsimy ny Sabata!” Asehoy ahy ao amin’ny Soratra izany. Rtoa. Eddy Baker dia nilaza fa nanana azy izy. Asehoy ahy izany. Ny Vavolombelon’i Jehovah dia nilaza fa nanana azy izy ireo. Asehoy ahy izany. Hitanareo? Ny Metodista dia milaza fa manana azy izy ireo. Asehoy ahy izany. Ny Batista dia milaza fa manana azy izy ireo. Asehoy ahy izany. Asehoy ahy ny rafi-pandaminana rehetra. Ho porofoiko aminareo fa izy ireo dia, ny tsirairay avy, any ivelan’ny sitrapon’Andriamanitra. Ny tsirairay avy amin’izy ireo dia mifanohitra, mampianatra fombafomban’olona raha tokony ny Tenin’Andriamanitra. Tsy mahafantatra anankiray amin’izy ireo aho izay hanaiky an’ireo zavatra izay tena voasoratra marina tokoa ao amin’ny Baiboly araka ny maha-izy Azy. Marina izany. Fa rehefa mandalo ny olona iray ka nanao hoe, “Izaho no manana ny Hafatry ny andro,” dia tsy maintsy hita tsara aloha izy ary voateny mialoha fa ho tonga.

¹⁶¹ Rehefa nivoaka i Jaona Mpanao-batisa tany, dia hoy izy ireo hoe, “Ianao ve no Kristy?”

Hoy izy hoe, “Tsy izy aho.”

Hoy izy ireo, “Ianao—ianaو—ianaو ve no Elia?”

Hoy izy hoe, “Tsy izy aho.”

Hoy izy hoe, “Iza moa ianao?”

¹⁶² Afaka nanondro ny tenany izy, izy no nanana an’ilay Hafatry ny ora. Hoy izy hoe, “Izaho no feon’ilay miantso mafy any anefitra, araka ny nolazain’i Isaia mpaminany. Ankehitriny, raha tsy mitaha amin’izany ny fahaterahako sy ny fiainako, dia aza—aza mandray ahy.”

¹⁶³ Rehefa tonga Jesosy, dia ilay zavatra iray ihany, ilay zavatra iray ihany. Ilay iraka miaraka amin’ny Hafatra, dia tsy maintsy Hafatra iray voatenin’Andriamanitra mialoha. Ary avy eo Andriamanitra, miteny amin’ny alàlan’io iraka io, dia manamarina fa izany no Fahamarinana. Renareo ve izany? Azonareo ve izany? Azonareo izany! Izany dia tsy maintsy HOY NY TOMPO HOE aloha, voateny mialoha. Ary avy eo ilay iraka miaraka amin’ny Hafatra, dia tsy maintsy

izay nolazain'Andriamanitra marina tokoa fa hiseho amin'io fotoana io.

¹⁶⁴ Tahaka an'izany i Mosesy. Izany no antony nianjerany tamin'ny tavany teo anatrehan'Andriamanitra, ka nanao hoe, "Andriamanitra, Ianao no naniraka ahy."

Hoy Izy hoe, "Saraho amin'io andiany io ny tenanao."

¹⁶⁵ Hitanareo ve izay tiako lazaina? Efa izany foana ilay zavatra izay nanodina ny sain'ny olona, nanao azy ireo hiala tamin'ny sitrapon'Andriamanitra. Tsarovy ankehitriny, voateny mialoha amin'ny alàlan'Ny Teniny ary voamarina tanteraka amin'ny alàlan'Ny Teniny. Ankehitriny, hoy Jesosy hoe, "Raha Izaho no tsy manao an'ireo asa izay... an'Andriamanitra, dia aza mino Ahy. Hitanareo, raha diso Aho... Hono ho'aho, iza aminareo no afaka manameloka Ahy amin'ny fahotana? Iza aminareo no afaka maneho Amiko fa tsi-mpino iray Aho?"

¹⁶⁶ Hoy i Nikodemosy hoe, "Fantatray fa Ianao dia... Raby, avy amin'Andriamanitra Ianao, satria tsy misy olona afaka manao an'ireo zavatra ireo raha tsy Andriamanitra no momba azy." Hitanareo? Noho izany dia izany no naneho fa mpino iray Izy.

¹⁶⁷ Ankehitriny, isika izay mahafantatra ny tantaran'ny fiangonana. Ankehitriny dia anaovy ny kasiketin'ny fisainanareo. Tsy mbola tara izao, hitanareo, noho izany dia henoy tsara fotsiny mihitsy ankehitriny ary hiezaka aho ny ho haingana mihitsy arak'izay vitako. Izaho—tiako... Henoy tsara ilay horonam-peo. Ankehitriny, ny olona rehetra izay hany namaky ny tantaran'ny fiangonana, dia mahafantatra fa ny fotoana voalohany izay hany nandrafetana ny Kristianisma, dia ny fiangonana Katolika Romana. Ankehitriny, raha nisy fotoana talohan'izany, dia mila olona iray aho hitondra an'ilay tantara ka haneho amiko. Izaho dia sakaiza akaikin'i Paul Boyd, ireo mpahay tantara malaza maro. Izaho dia manana ao amin'ny biraoko ao, *The Post Nicene Council, The Nicene Council, The Nicene Fathers*, ireo soratra masina rehetra an'ny fiangonana, izay fantatro. Telo amby telopolo taona no nianarako azy ireo, nandinihako azy ireo. Tsy nisy rafi-pandaminana iray mihitsy. Ny fiangonana Katolika no renin'ny rafi-pandaminana. Fantatsika fa izany no fahamarinana. Tsy nisy fiangonana voarafitra mihitsy, nanana anaram-piangonana iray, mandra-pahatongan'ny fiangonana Katolika. Ary ny teny hoe *katolika* dia midika hoe "maneran-tany." Ary nanao fivavahana iray an'ny fiangonam-panjakana izy ireo, ary nanaparitaka an'izany nanerana ny fanapahan'i Roma rehetra, ary izany dia saiky ny—ny ampahany betsaka indrindra amin'izao tontolo izao no azony tamin'izany fotoana izany. Izany no fiangonam-panjakana, ary ireo izay tsy nankatò an'izany dia novonoina ho faty. Ny Fiombonamben'i Nise, ady mihosondrà nandrity ny dimy ambin'ny folo andro, rehefa ireo tena

mpaminanin'Andriamanitra, rehefa nitsangana izy ireo teo amin'ireo . . .

¹⁶⁸ Ny fiangonana Katolika, ny nanombohany voalohany, nahoana, fantatsika rehetra izany, efa nampianariko teto izany. Ahoana, marina tokoa, Akoila sy Prisila no pasitera, Akoila no pasiteran'ny—ny fiangonana Romana. Rehefa nilatsaka ny Fanahy Masina tamin'ny Pentekosta, dia nilatsaka teo amin'ireo Jiosy avy tany amin'ny firenena rehetra teto ambanin'ny lanitra Izany. Fa andro vitsy taorian'izany, dia nahazo fahitana iray Petera teo an-tampon-trano, mba handeha hankany amin-dry Kornelio, Romana iray, lehilahy marina iray, ary nivavaka izy ka nilatsaka teo aminy ny Fanahy Masina. Afaka kelikely dia nanomboka nandray an'Izany ireo manan-kaja. Akoila sy Prisila dia lasa nankany—nankany Roma ary nandrafitra izy ireo, na, tsy nandrafitra mihitsy, fa nametraka tao amin'ny lamina an'ilay fiangonana Romana voalohany. Ary, rehefa nanao izy ireo, dia nanana an'ireo—ireo rahalahiny sy anabaviny izy ireo.

¹⁶⁹ Ary Claudius, tao amin'ny fanjakany, dia nandroaka an'ireo Jiosy rehetra hiala tao Roma. Ary izany ilay tena fotoana mihitsy izay nilazan'ny fiangonana Katolika Romana fa tany Roma i Petera. Asehoy ahy ny Soratra anankiray izay hany naha-tany Roma an'i Petera, na tantara iray izay milaza fa tany izy. Tsy tany izy, araka ny Tenin'Andriamanitra, ary Izany no inoako. Ary ahoana no ahafahan'i Petera, Jiosy iray, mba hahatanty fanompoan-tsampy sy ny karazan-javatra izay nananan'izy ireo, an'ny fanompoana an'ireo sampy sy ny sisa? Aiza . . . Hitanareo? Ahoana no nahafahany handeha hanohitra ny fampianaranay manokana teo? Fahadalana. Tsy mihoatra noho izany ihany koa ny Protestanta. Miandrasha, ho tonga eo amin'izany isika afaka kelikely, tsy ho ela, raha sitraky ny Tompo. Mariho. Mariho ankehitriny, hitantsika fa ilay tena fotoana mihitsy izay ilazan'ny fiangonana fa tany Roma i Petera, no ilazan'ny tantara fa Claudius (ary nilaza koa ny Baiboly) dia nandidy ny Jiosy rehetra hiala tao Roma.

¹⁷⁰ Ary nandalo tao Efesosy i Paoly ary tonga tany amin'ny morontsiraka ambony, nahita an'ireo mpianatra izy, ary tany no nandehanany nitsidika an'i Akoila sy Prisila. Taorian'ny nahalasanan'izy ireo, tamin'izay fotoana izay no nanomboka nanao ny heviny manokana ireo rahalahy Romana tao amin'io fiangonana io, ary nanampy fanompoan-tsampy izy ireo. Ary avy eo i Constantin, izay tena Kristiana iray ny reniny ary nanantena fa ho izany ny zanany lahy, saingy politisiana iray izy. Ary hitany fa ny ankamaroan'i Roma, na ny ampahany goavana an'izany, ilay kilasy mahanttra, dia efa nanaiky ny famonjena tamin'ny alalan'i Kristy. Ary avy eo dia nanomboka lasa tena nalaza izy ireo, satria namela an'i Venus izy ireo ka nanandratra an'i Maria, ary namela an'i Jupiter ka nanandratra an'i Petera, sy ny sisa tahaka an'izany sy—sy ireo mpianatra, ary fivavahana

iray tena nalaza izany. Ary nahery fo izy ireo. Izy ireo, maty ireo Kristiana ireo!

¹⁷¹ Dia hoy ny fiangonana Katolika hoe, “Izahay no voalohany.” Izany marina tokoa no fahamarinana, ny fiangonana Katolika dia nanomboka tamin’ny Andron’ny Pentekosta. Saingy ity no namoaka azy: nandrafitra izy ary nanatsofoka (niala tamin’ny Teny) an’ireo dogma. Ary ny dogma farany indrindra, ianareo olona mihoatra ny folo taona dia afaka mahatsiaro an’ilay dogma farany indrindra hoe: ny fiakaran’i Maria, teo amin’ny folo taona lasa teo izay. Dogma iray hafa natsofoka tao amin’ilay fiangonana. Raha tokony ny Soratra, dia dogma ilay izy! Ary homeny anareo mba hahazoana izao ankehitriny izao, izy ireo “dia tsy miraharaha an’izay lazain’ny Soratra, ilay izy dia izay lazain’ny fiangonana.”

Izy ireo, niteny tamiko io pretra io, nanao hoe, “Andriamanitra dia ao amin’ny Fiagonany.”

Hoy aho hoe, “Andriamanitra dia ao amin’Ny Teniny.”

¹⁷² Hoy izy hoe, “Eny, io Baiboly io dia tantaran’ilay fiangonana Katolika voalohany fotsiny.”

¹⁷³ Hoy aho hoe, “Noho izany dia Katolika voalohany iray aho.” Hoy aho hoe, “Izany no manao ahy ho Katolika iray mihoatra noho ianao, izay pretra iray.” Hitanareo? Hoy aho hoe, “Raha izany no izy, dia izaho izany.” Hoy aho hoe, “Hitanao, izaho mino marina tokoa an’izay nampianarin’ireo apostoly. Ianao mino an’izay natsofoky ny olona tao anatin’izany.” Ary tahaka an’izany marina tokoa no niseho. Azo antoka, izany ilay izy. Izany no niseho, tahaka an’izany marina tokoa.

¹⁷⁴ Mariho ankehitriny, ny tantara, avy eo dia nanomboka nanampy an’ireo dogma izy ireo, dogma, ka rehefa tonga i Paoly, fantatsika, araka ny tantara, fa tsy nitsidika akory an’io fiangonana voalohany io aza izy, satria tsy nahatanty fanompoan-tsampy izy. Fa nitsidika an’ilay fiangonana faharoa izay natsangan’izy ireo izy, fiangonana faharoa an’i Roma.

¹⁷⁵ Ary rehefa tonga io Fivoriamben’i Nise io, dia tao no nahitan’i Constantin an’ilay hevitra hanakambana ny fanjakany. Ilay tena zavatra iray ihany mihitsy izay nataon’i Ahaba tamin’i Jezebel, nivady tany. Hitanareo? Ary rehefa nahita anjara iray hanakambana ny vahoakany izy ka hanao firenena lehibe matanjaka avy amin’izany, dia nihevitra izy fa nahazo ny fivavahan’izy ireo, noho izany dia nanao azy ireo ho fivavahana iray an’ny fiangonam-panjakana izy. Ary rehefa nanana an’io Fivoriamben’i Nise io izy ireo, ka nipoitra ireo fanontaniana na Andriamanitra iray no nisy, na telo; na tokony hatao batisa amin’ny Anaran’i Jesosy Kristy izy ireo, na Ray, Zanaka ary Fanahy Masina; ireo fanontaniana hafa rehetra ireo dia nentina teo—teo amin’ny fampisehoan-kery iray tao anatin’y tao. Ary, rehefa izany, dia nipoitra ny sasany tamin’ireo mpaminany

fahiny tany tsy nitafy afa-tsy hoditr'ondry nanodidina azy ireo, ary nihinana anana. Marina! Saingy efa niasa tamin'ny fanaony ireo manan-kaja goavana ireo tao amin'ilay fiangonana, nampangina azy ireo tamin'ny fahendren'izao tontolo izao. Saingy izy ireo no nanana ny HOY NY TOMPO HOE. Niditra tao anatin'ny aizin'ny fanompoan-tsampy izy ireo nandritry ny teo amin'ny arivo taona teo.

¹⁷⁶ Saingy nipoitra indray izy, mba hamony. Marina izany. Tsy afaka mamono an'Izany ianareo. "Izaho no hamerina, hoy ny Tompo, an'ireo taona rehetra izay nohanin'ireo zavatra ireo."

¹⁷⁷ Nanampy dogma ireo anaram-piangonana ireo. Ary ny manao an'io, ny manampy dogma, ny fomba tokana izay an'ny fiangonana rehetra, ny fomba tokana izay hany ahafahan'ny anaram-piangonana rehetra hiala lavitra ny Tenin'Andriamanitra, dia ny manampy dogma raha tokony ny Soratra masina, dia ny miezaka manao ny fombafombanareo na ny foto-pampianaran'ny fiangonanareo, na dia mifanohitra amin'ny Soratra aza izany. Noho izany dia ahoana no ahafahanareo manameloka ny fiangonana Katolika, nefà ianareo dia manao an'ilay zavatra iray ihany izay nataon'izy ireo? Azonareo ve? Eny àry. Fa, eritrereto fotsiny ankehitriny, tsy mety diso ny Soratra! Ny dogma dia lainga iray, eo ampanombohana. Ary rehefa manailky anaram-piangonana iray ianareo, dia efa nahazo dogma iray, satria zavatra iray nampiana izany. Tsy ao amin'ny Soratra izany. Tsy ao amin'ny Soratra izany.

¹⁷⁸ Tsy misy izany karazana rafi-pandaminana izany. Tsy nilaza mihitsy Jesosy hoe, "Maniraka anareo Aho handeha hankany amin'izao tontolo rehetra izao, hanao rafi-pandaminana." Tsia, tompoko, tsy misy izany karazan-javatra izany! Ny manao an'izany, dia mandà an'ireo Soratra masina. Rehefa vita io, dia niova ilay izy avy tamin'ny "Fiangonana amin'ny alàlan'ny fahaterahana" ho "fiangonana amin'ny alàlan'ny dogma sy fanekem-pinoana." Tsy *fiangonana*, mameù ahy hiala tsiny; trano fialofana! Nateraka tao amin'ilay Fiangonana ianareo, saingy nikambana tamin'ny trano fialofana iray. Ilay izy dia tsy fiangonana Batista, fiangonana Metodista, fiangonana Pentekotista. Ilay izy dia trano fialofana Batista, trano fialofana Pentekotista, ary trano fialofana Metodista, mikambana amin'izy ireo ianareo. Tsy afaka mikambana amin'ny Fiangonana ianareo. Tsy misy ny karazan-javatra tahaka an'izany. Teraka tao amin'Izany ianareo. Notenenina an'izany i Nikodemosy. Noho izany dia hitanareo ve hoe aiza no misy anareo? Oh, oadray!

¹⁷⁹ Izany no antony anoherako an'izany. Tsy manohitra an'ireo olona ao anatiny; ilay rafitra no toheriko. Satria izy ireo dia tsy afaka... Raha ny iray amin'ireo loholona na zavatra hafa, raha ny iray amin'ireo fiangonana ireo no mitory zavatra iray izay

ao anatin'ny Baiboly ka mifanohitra amin'io foto-pampianarana io, io sata izay ananan'izy ireo ao amin'io fiangonana io, dia voaroaka avy hatrany tahaka an'izany izy. Eny, tompoko. Ny sasany amin'izy ireo dia tena ratsy fanahy ka tsy hamela fifohazana iray akory ho tonga ao amin'ny fiangonana iray hafa aza raha tsy hoe iray amin'ireo olon'izy ireo manokana ilay izy. Nahoana, izy ireo dia tena . . .

¹⁸⁰ Nisy olona iray indray mandeha saika hanolotra ho an'ny mpitory teny iray . . . Tato amin'ity firenena eto ity mihitsy, mpitory teny antitra kely nitsangana teto an-dàlambe teto, niantsoantso sy niangavy fibebahana iray, ka nanao hoe, "Avia, raiso Kristy, aoka ho fenoina ny Fanahy Masina," sy ny sisa tahaka an'izany. Dia tonga ny olona iray avy tao amin'ny rafi-pandaminana Pentekotista iray ka nanome iray dolara ho an'ny olona iray teny an-tànanay, ka tsy maintsy nandeha nibebaka satria nijangajanga nanohitra ny fiangonany izy. Miresaka mikasika ny Katolika! Marina izany. Ary fantatrareo hoe aiza no resahako, ihany koa; na fantatr'ity fiangonana ity, na ahoana na ahoana. Eny àry.

¹⁸¹ Ny manao an'io, mandà ny Soratra, rehefa vita izany, niova ilay izy amin'izay fotoana izay rehefa manampy dogma ianareo ka mikambana amin'ny rafi-pandaminana iray, nanaiky ho azy ny dogmanareo voalohany ianareo, satria tsy aratSoratra izany, noho izany dia zavatra iray nampiana ilay izy. Ary ny dogma iray dia zavatra iray nampiana, "maka ny toeran'ny," maka ny toeran'ny fahaterahana izany. Rehefa manaikevitra ny anaram-piagonana iray ianareo, dia nanampy dogma. Eny àry. Rehefa vita io, amin'izay fotoana izay dia izany no niova avy tamin'ny "Fiangonana amin'ny alàlan'ny fahaterahana" ho "trano fialofana amin'ny alàlan'ny dogma na fanelekem-pinoana." Satria, hitanareo, dogma ao amin'ny tenany izany, fa tsy aratSoratra.

¹⁸² Ankehitriny, tsy nilaza mihitsy Jesosy hoe, "Mandehana any amin'izao tontolo rehetra izao ka manaova anaram-piagonana, mandehana mandrafitra ny olona rehetra hiaraka." Hoy Izy hoe, "Mandehana manaova mpianatra." Mino an'izany ve ianareo? [Hoy ny fiangonana hoe "Amena."—Mpand.] Amen. Noho izany, hitanareo, any ivelany tanteraka ianareo.

¹⁸³ Henoy, diniho eto. Ndao isika hamarana azy eo amin'ny zavatra iray hafa eto, hampiditra zavatra henjana iray mihitsy amin'ity fotoana ity. Firy no manana leksika Grika iray, *The Emphatic Diaglott* avy amin'ilay boky trrainainy, Grika? Eny àry. Vakio izany, alaivo ny mahay iray izay tianareo alaina. Midira ao amin'ny fivarotam-boky ka alaivo ny leksika, leksika Grika. Vakio ny Apokalypsy 17, ary rehefa mamaky ianareo eo, ny Fandikana King James eto dia milaza, ary izao, "Nitondra ahy tao amin'ny Fanahy izy; ary nahita vehivavy iray nipetraka teo ambonin'ny bibidia iray nitafy jaky aho, feno ny—ny

anaran'ny fitenenan-dratsy.” Ankehitriny, izany no nolazain’ny King James. Fa ny fandikana tany am-boalohany dia nilaza hoe:

...nitondra ahy tao amin’ny fanahy...ary nahita
vehivavy iray aho...feno anarana fitenenan-dratsy,...

¹⁸⁴ Misy fahasamihafana betsaka eo amin’ny “anaran’ny fitenenan-dratsy” sy “anarana fitenenan-dratsy.” Diniho ankehitriny. Isika rehetra dia mahazo ary mahafantatra fa izany no fiangonana Romana izay mipetraka eo ambonin’ireo havoana fito, mifehy ny fahefan’izao tontolo izao. Ary izy dia nantsoina hoe “janga,” ary izy no “renin’ny mpijangajanga.” Inona? Inona ny mpijangajanga iray? Mety ho lehilahy iray ve izany? Tsy maintsy ho vehivavy iray izany. Noho izany raha vehivavy iray izany, dia tsy maintsy ho fiangonana iray; izy no renin’ny mpijangajanga, tahaka ny naha-izy azy. Ary jereo, diniho, “Tao aminy!” Aoka hilentika izany. “Tao aminy dia nisy anarana fitenenan-dratsy.” Inona izany? Ankehitriny, ireo mpitoriteny eto sy eo amin’ny horonam-peo, ndao isika hihazona ny filaminantsika. Inona ireo anarana fitenenan-dratsy ireo? Metodista, Batista, Presbyterana, Loterana, Pentekotista, sy ny sisa. Anarana fitenenan-dratsy, satria ireo rafi-pandaminana izany, fanaovana fijangajangana amin’Andriamanitra, tahaka ny naha-izy azy mihitsy.

¹⁸⁵ Ary izy ireo, ao amin’ireo vondrony, hoy ny olona hoe, “Nahoana, Metodista izy, ary manao an’ity. Pentekotista izy, ary manao an’ity. Presbyterana izy, ary manao an’ity.” Manao ny zavatra rehetra eo amin’ilay alimanaka izy ireo, fantatrareo izany. Ary inona izany? Anarana natao hitovy amin’i Kristy izany ary tokony antsoina amin’ny anaran’ny Kristiana, nefá anarana fitenenan-dratsy ilay izy! Tsy fiangonana izy ireo. Diso ny fiantso azy ireo hoe “fiangonana.” Trano fialofana izy ireo! Ankehitriny dia hitanareo ve hoe nahoana aho no manohitra ny rafi-pandaminana? Tsy ireo olona, ilay rafitry ny rafi-pandaminana, hitanareo, anarana, anarana fitenenan-dratsy (diniho) an’ireo trano fialofana, fiangonana diso fiantso. Fiangonana Metodista, fiangonana Batista, fiangonana Presbyterana, fiangonana Pentekotista, fiangonana Loterana, fiangonan’ny Mprialahaly Miray, tsy misy ny zavatra tahaka an’izany. Tsy ara-tsoratra izany.

¹⁸⁶ Fiangonana anankiray ihany no misy, ary tsy afaka mikambana amin’Izany ianareo. Teraka ao amin’Izany ianareo. Voafidy mialoha ho amin’Izany ianareo. Ilay Vatana ara-angano an’i Jesosy Kristy...ilay Vatana mahagaga, raha ny marina, an’i Jesosy Kristy eto an-tany eto, miaraka amin’ny Teny tonga voaseho. Ireo zanakalahy sy zanakavavin’Andriamanitra, tsy mikambana amin’ny iray amin’izany izy ireo. “Mivoaha avy eo anivon’izy ireo,” hoy Izy. Hia.

¹⁸⁷ Diniho, haingana mihitsy ankehitriny. Tsy te-handreraka anareo aho, fa raha hanome ahy minitra vitsy amboninny fotsiny

ianareo ankehitriny, dia handeha haingana arak'izay vitako aho, fa tiako ianareo hanana antoka hahazo an'ilay izy, mba tsy ho diso an'izany ianareo. Hitanareo?

¹⁸⁸ Tsarovy, Roma reny, dia hita tao aminy, feno anarana fitenenan-dratsy, renin'ny mpijangajanga. Noho izany, raha mpijangajanga izy ireo, dia inona ny mpijangajanga iray? Inona ny janga iray? Mitovy amin'ny mpijangajanga iray. Vehivavy iray izay miaina tsy mahatoky amin'ny voadim-panambadiany. Ary ny fiangonana rehetra izay mihambo ho ny Fianganon'i Kristy, nefà mandà ny Tenin'Andriamanitra, dia tsy mahatoky amin'ny voadim-panambadiany izy! Noho izany dia mijangajanga amin'ny fanampiana dogma izy, fanaovana fijangajangana amin'izao tontolo izao sy ny fahendreny, raha tokony hanaiky an'i Kristy sy ny herin'ny Fitsanganany amin'ny alàlan'ny Fanahy Masina. Ary izy no renin'ny mpijangajanga izay nanao an'ilay zavatra iray ihany. Ny vilany dia tsy miantso ny lapoaly hoe "feno menaka," fantatrareo; hitanareo, enina amin'ny anankiray, ary antsasaky ny roa ambin'ny folo amin'ilay hafa. Ny sasany amin'ireo olona ireo dia mandeha maneso fotsiny ny Katolika, nefà manakambana ny tenany amin'ny iray amin'ilay zavatra iray ihany. Izy no renin'ny batisan'ny rano sandoka. Izy no renin'ny porofo sandoky ny Fanahy Masina, nefà dia manaraka eny mihitsy miaraka aminy ianareo. Ankehitriny dia ndao isika hijery.

¹⁸⁹ "Marina ve izany, Rahalahy Branham?" Hazòny vetivety fotsiny ny filaminanareo.

¹⁹⁰ Hitanareo, izy no renin'ny anarana fitenenan-dratsy, an'ireo trano fialofana izay ikambanan'ny olona, ary mitondra henatra iray, miaina amin'ny fanao rehetra, manao sorta, ireo vehivavy miaraka amin'ny volo tapaka, miloko tarehy, mihira ao amin'ny antoko mpihira, mifoka sigara, mandray fandraisana, ireo karazan-doto rehetra an'izao tontolo izao, ka vato manafintohina iray ho an'ilay tsi-mpino izany. Tsy niresaka ny amin'izany ve i Timoty, ny Fanahy Masina? Diniho. Jereo, izy, Roma, no renin'ny tsirairay avy amin'izy ireo. Hitanareo? Ianareo dia nanao marina tokoa tahaka an'izay nataony mihitsy tao amin'ny rafi-pandaminanareo, nanatsofoka an'ireo dogma raha tokony ny Teny, satria vondron'olona iray no mametraka an'izany miaraka, ireo presbytera sy ireo eveka sy ny sisa no nilaza fa tokony ho tahaka an'izao ilay izy, ary izany marina tokoa no niseho tao Roma. Ary manandrama ianareo, ry pasitera rahalahiko, ny manaiky ny Tenin'Andriamanitra feno, dia, jereo hoe ho aiza no handehananareo, any ivelan'ilay varavarana mihitsy! Ankehitriny dia ho hitantsika raha niteny taminareo Andriamanitra mba hanao, na tsia, afaka minitratravitsy. Hitanareo? Eny àry.

¹⁹¹ Hitanareo, izy no renin'ny tsirairay avy, satria izy no anankiray voalohany nanaisotra an'ireo soratra avy tao amin'ny

Soratra ka nanampy dogma, satria nolaviny ireo mpaminany voahosotra izay nanana an'ilay fiainana voamarina, niaraka tamin'ny Teny. Noho ny fahaizan'izy ireo, lehilahy manantsaina, Emperora Romana, sy ny sisa, izay nanaiky ny Kristianisma, saingy mila...manaiky an'izany amin'ny fanaony manokana. Hitanareo? Marina izany. Mila an'ilay izy amin'ny fanaony manokana izy ireo.

¹⁹² Nila ny hiala tamin'ny habokany tao amin'ireo ranon'ny fireneny manokana i Namana, tsy tiany ireo ranom-potak'i Jordana. Saingy raha mba afaka niala tamin'ny habokany izy, dia tsy maintsy nandeha tao anatin'io fotaka io tahaka an'izay notenenin'ilay mpaminany taminy marina tokoa. Hitanareo, tsy manavaka olona Andriamanitra.

¹⁹³ Mariho, izy no anaram-pianganana voalohany. Jereo ireo zanakavaviny, nanao an'ilay zavatra iray ihany, nanampy fanekem-pinoana sy dogma raha tokony ny Teny. Aza miteny amiko; asehoy amiko ny anankiray izay tsy avy tamin'Izany. Asehoy amiko ny pasitera anankiray izay hanaiky ny Fahamarinana, ka tsy handroaka anareo noho izany izy ireo, raha tsy hoe tena malaza ianareo ka, fantatrareo, tsy maintsy hifikitra aminareo izy ireo nohon'ny lazanareo na tahaka an'izany. Mety tsara daholo izany.

¹⁹⁴ Ankehitriny dia jereo ao amin'ny Apokalypsy 18, mandritry ny minitry vitsy fotsiny, ilay andininy manaraka eo, ilay toko manaraka, rehefa avy namoaka ny Apokalypsy 17 ka—ka naneho ny zava-miafin'ity Miss Babylona ity. Ny toko faha-17-n'ny Apokalypsy dia manazava fa izy dia fianganana iray izay mipetraka eo ambonin'ny havoana fito, ny Tanànan'i Vatican, izay manapaka ny mpanjakan'ny tany rehetra (izany marina tokoa no marina), sy ireo Filoha ihany koa, sy ny sisa. Ah-hah. Noho izany, fa eo izy, mihazona ny haren'ny tontolony eny an-tànany. Marina tokaa izany. "Iza no mahay miady aminy?" Marina izany. Fantatsika rehetra izany. Fa nahoana ianareo no hikambana amin'ny zavatra iray izay mifandray aminy? Mariho ankehitriny ao amin'ny toko faha-18, ilay tena toko manaraka mihitsy taorian'ny nanazavana ny zava-miafiny. "Mipetraka ao an-tempolin'Andriamanitra." Ankehitriny, teto, indray andro...

¹⁹⁵ Zella Braitman, eto ve ianao izao hariva izao, Zella? Izy no nitondra, ao amin'ny efitra ao izany ankehitriny, *Our Sunday Visitor*, ilay gazety Katolika. Ary namaly mpitoriteny iray ilay gazety Katolika. Hoy izy, "Nilaza ve ianao, reverà, fa nanao ilay... Ao amin'ny fanisana Romana eo ambonin'i Vatican, na eo ambonin'ny sezà fiandrianan'i Papa, dia voasoratra hoe, 'Vicariis Filii Dei,' dia midika, fa izany io," ao amin'ilay diosezy Katolika any, "hoe izany dia ny—ny isan'ny bibidia an'ny Apokalypsy?"

¹⁹⁶ “Nahoana,” hoy izy, “izany tokoa, izany ilay izy. Izany marina tokoa, dia mamoaka enina amby enimpolo amby eninjato. Marina tokoa izany.” Ary manaiky an’izany ny diosezny Romana, fa mamoaka ilay izy. Saingy ity no valin-tenin’izy ireo, manan-tsaina, feno fahendrena, hoy izy, “Saingy, fantatrao, ny anaranaao amin’ny fiteny hafa iray dia mety mamoaka an’ilay zavatra iray ihany.”

¹⁹⁷ Hoy ity lehilahy ity hoe, “Ny ahy, dia saiky ilay zavatra iray ihany amin’ny fiteny iray.” Navoakany ilay izy. Hoy izy, “Hitanao, izaho dia saiky enina amby enimpolo amby eninjato, ihany koa.” Hoy izy, “Efa nisy an-jatony tamin’izy ireo.” Hoy izy, “Isaky ny miseho ny zavatra iray, dia manana enina amby enimpolo amby eninjato iray ny olona anankiray.” Dia hoy izy, “Reverà, tsy fantatrao ve fa ao amin’ny fiteny anankiray dia mety hamoaka antikristy ny anaranaao manokana?” Hoy izy, “Nahoana ianao no mijery zavatra tahaka an’izany?” Jereo ilay fahendrena.

¹⁹⁸ Saingy mahafantatra tsaratsara kokoa ny Fanahy Masina. Diniho. Izany dia mety, ny anarako dia mety mamoaka enina amby enimpolo amby eninjato, saingy tsy manatanteraka ny sisa amin’ireo fepetra aho. Tsy mipetraka eo ambonin’ny havoana iray aho. Tsy milaza an’ireto zavatra ireto aho. Tsy governora iray aho, hitanareo. Marina izany. Izany ilay anankiray izay Resahany. Noho izany dia tsy tonga eo amin’ny inona na inona ny fahendrenareo araka an’izao tontolo izao, tompoko, marina izany, eo amin’ny Fanatrehan’ny Fanahy Masina. Tsy manatanteraka ny sisa amin’izany aho, fa izy no manatanteraka. “Mipetraka ao an-tempolin’Andriamanitra, maneho ny tenany fa izy no Andriamanitra, ary mipetraka eo ambonin’ny havoana fito.” Izaho tsy mipetraka eo ambonin’ny havoana fito, raha mamoaka enina amby enimpolo amby eninjato ilay izy. Tsy manatanteraka ny sisa amin’izany aho, fa izy no manatanteraka. Hitanareo, eo ianareo izao. Hitanareo? Noho izany dia miankina fotsiny amin’ny Fanahy Masina, “Aza mieritreritra an’izay ho lazainareo, satria tsy ianareo no miteny; izany dia ny Ray.”

¹⁹⁹ Noho izany dia ahoana no ahafahan’ny fahendrenareo sy ny Fahateraham-baovaonareo avy any Ambony mba hifampitaha amin’ireo zavatra eto an-tany eto ireo, ireo—ireo mpanao majia mahery ao anatiny? Nahoana, fantatr’izy ireo ny faraingo kely sy ny zorony tsirairay. Ahoana no nahafahan’i Mosesy nitsangana rehefa nanaraka an’ireo Didin’Andriamanitra izy, mba hanipy ny tsora-kazony ka nivadika ho menarana iray izany, ary indro tonga ireo mpanao majia ary nanao an’ilay zavatra iray ihany? Fa nipetraka tsara i Mosesy, nahafantatra fa nanaraka ny Tenin’Andriamanitra izy, ka ny menaranany no nihinana ny sisa tamin’izy rehetra ireo. Hitanareo? Noho izany rehefa nankatô ianareo ary nanana . . . Inona no azony natao rehefa nitarika azy ireo nankany amin’ilay tanin’ny fampanantenana izy, ka teo ilay

Ranomasina Mena nanakana azy ireo, saingy nitety an'izany mihitsy ny lèlan'Andriamanitra. Amena. Hoy izy, "Mipetraha tsara, dia jereo ny Voninahitr'Andriamanitra!"

²⁰⁰ Rehefa ao amin'ilay lèlan'andraikitra ilay izy, an'ny fanarahana ny Teny, dia mitsangàna eo ka diniho fa misokatra izany. Amena. Telo amby dimampolo taona aho, efa nanompo Azy nandrity ny teo amin'ny telo amby telopolo taona teo, maniry aho ny hanana folo tapitrisa taona hanompoana Azy. Tsy mbola nahita Azy tsy nahomby mihitsy aho, rehefa hazonina Ny Teniny. Marina izany.

²⁰¹ Jereo ankehitriny, taorian'ny fahotany avy hatrany, dia hita ireo tsiambaratelony. Efa nanana an'izany ela be isika, fantatsika izany.

²⁰² Ankehitriny ilay toko manaraka, jereo ny Apokalypsy 18. Afaka miverina amin'izany iray minitra fotsiny mihitsy aho. Mety ho zavatra iray tsara izany, tsy hila intsony afa-tsy minitra vitsy fotsiny izany ho antsika, ary mety midika zavatra kely iray ho anareo. Manantena aho fa midika izany.

²⁰³ Ankehitriny dia mahita isika eto, ao amin'ny toko faha-17, ny andininy faha-5:

...teo amin'ny handriny dia nisy anarana voasoratra
iray hoe, ZAVA-MIAFINA, BABYLONA LEHIBE, NY
RENIN'NY MPIJANGAJANGA, NY ZAVA-BETAVETA
AMIN'NY TANY.

Ary diniho.

Ary hitako ilay vehivavy (fiangonana) leon'ny ràn'ny
olona masina, sy ny ràn'ny maritioran'i Jesosy:...
rehefa nahita azy aho, dia gaga indrindra.

²⁰⁴ Hitanareo, nahita azy, zavatra lehibe iray tsara tarehy izy. Ary izy no renin'ny mpivarotena, fivavahana mpivarotena, anaram-piangonana, izany marina tokoa no nataony, hitanareo, satria nanatsofoka an'ireo dogma tahaka ny nataony mihitsy izy ireo. Jereo ankehitriny, jereo ny Apokalypsy ankehitriny, izany ilay toko faha-17, mifarana amin'ny andininy faha-18. Diniho ankehitriny.

...taorian'ireo zavatra ireo (rehefa avy hita ny zava-miafiny), taorian'ireo zavatra ireo dia nahita anjely hafa
iray aho nidina avy tany an-danitra, nanana fahefana
lehibe;...

²⁰⁵ Ankehitriny, indro tonga ny iraka hafa iray nidina, ny toko manaraka, hita ny zava-miafiny. Ankehitriny, ity ankehitriny ny fahitana ny zava-miafiny sy ny zava-miafin'ireo zanany. Hitanareo, azontsika marina tokoa ankehitriny izay nanao azy ho mpijangajanga iray: satria nijangajanga nanohitra ny Tenin'Andriamanitra izy. Ary izany no nanao azy ho rafipandaminana iray. Tsy afaka nijanona ho fiangonana ara-

Baiboly iray izy ka nanaiky an'izany. Ary tsy afaka ihany koa ny rafi-pandaminana izay tsy mandray ny Teny tsirairay an'Izany (ny fomba nanoratana Azy) mba ho fiangonana ara-Baiboly iray. Ary tsy misy iray amin'izy ireo tahaka an'izany, izay fantatra ny rehetra momba azy, tsy misy anankiray. Noho izany eo, hitanareeo, vantany vao mandrafitra izy, ny zavatra izay ataony, (amin'ny alàlan'ny Soratra sy amin'ny alàlan'ny porofo) dia maty eo no ho eo izy, manaiky ny dogma izy. Jereo ankehitriny, ankehitriny dia izany no nitranga.

²⁰⁶ Andriamanitra dia nandefa, ao amin'ity toko faha-18 ity, anjely mahery iray, rehefa avy fantatra io zava-miafina io, anjely mahery iray, na, iraka iray. Diniho eto.

*...taorian'ireo zavatra ireo dia nahita anjely hafa iray
aho nidina avy tany an-danitra, nanana fahefana lehibe;
ary ny tany dia nohazavain'ny voninahiny.*

*Ary niantso izy...tamin'ny feo mahery,...Babylona
(fifanjevoana) lehibe dia rava,...ary lasa fonenan'ny
devoly,...fieren'ny fanahy maloto rehetra, ary
akanin'ny madio sy mpankahala rehetra...vorona
maloto sy mpankahala.*

*Ary ny firenena rehetra dia leon'ny divain'ny
fahatezerana nohon'ny fijangajangany, ary ny
mpanjakan'ny tany...nanao fijangajangana taminy,
ary ireo mpandranton'ny tany dia tonga mpanan-
karena nohon'ny hafatrtry ny zava-mahafinariny.*

²⁰⁷ Jereo, taorian'ny nampahafantarana ny zava-miafiny avy hatrany, iza izy, inona izy, iza ireo zanakavaviny, nampahafantarina ny zava-miafiny, tamin'izay fotoana izay dia nandefa anjely iray Andriamanitra, iraka iray mba (inona?) hiantso hivoaka, “Mivoaha!” Ilay Hafatry ny ora!

*...Mivoaha avy ao aminy, ry oloko, mba tsy
hahatonga anareo ho mpandray anjara amin'ny
lozany...*

Hanozona azy Izy. Diniho.

²⁰⁸ Mivoaha avy ao aminy! Andriamanitra dia naniraka maro... anjely mahery iray, na, iraka iray. Ary ny Hazavany dia tsy teny amin'ny zorony iray, neparitaka nanerana ny tany Izany. Mivoaha avy ao aminy! Inona? Izy, sy ireo rahavaviny, ihany koa. Mba hanazava ny tany, ary miantsy ny Olony hivoaka avy ao aminy. Ankehitriny, fantatrareo fa izany no Fahamarinana. Nirahina avy any An-danitra ny iraka iray, mba hiantso ny olon'Andriamanitra hivoaka avy ao Babylona. Ary ny Hazavany dia nahazava ny tany, ny Fanahy Masina lehibe.

²⁰⁹ Mariho, hoy ny Baiboly hoe, “Izy dia akany iray, ary nahazo an'ireo vorona mpankahala, maloto.” Tsy ireo voromahery, ankehitriny, tsia, tsia, tsia, tsia. Ireo voltora, “ireo vorona

maloto, mpankahala,” izany no ataony ao anaty akany manodidina azy. Akany iray feno azy ireny, akany iray manontolo feno. Miaraka amin’inona? “Anarana fitenenandratsy,” mifanohitra amin’ny Soratra. Timoty Faharoa 3 dia nilaza, ny Fanahy Masina no miteny hoe, “Amin’ny andro farany dia hiala amin’ny Finoana izy ireo ka hanaiky fanahy mamitaka.” Voalaza ihany koa, ny Fanahy Masina no niteny hoe: “Fa amin’ny andro farany dia ho kirina izy ireo, mpieboebo.” Mpankahala: “Isaorana Andriamanitra, mikambàna aminay ianareo, raha tsy izany dia tsy manana ny anaranareo amin’ny bokinay ianareo, very ianareo.” Hmm. Mpankahala! Maloto! Hmm. Manantena aho fa tsy mandratra, manantena aho fa manao ny tsara. Vorona mpankahala, maloto, ataony ao anaty akany izy ireo.

²¹⁰ Tsarovy, Andriamanitra dia Voromahery iray. Izy no niantso ny Tenany ho Voromahery iray. Ary Izy no niantso an’i Jakoba ho voromahery iray. Ary isika no Zana-boromaheriny. Amena. Izy no niantso an’ireo Mpaminany hoe “voromahery.” Ary nidina ity anjely ity mba hampiharihary sy hiantso hivoaka!

²¹¹ Tahaka an’ilay hafatra keliko teo amin’ny *Manaitra Ny Akaniny Ny Voromahery*. Io voromahery antitra kely io dia nanaraka foana an’io akohovavy io tao amin’ilay tranom-biby, nikohokoho nanerana, saingy tsy afaka nihinana an’io karazanjavatra izay nananany io izy, ireo sosialy, sy ireo vehivavy miloko tarehy, mitapa-bolo, ary ireo sorta. Tsy afaka nanao an’izany izy. Saingy tsy nahafantatra zavatra hafa afa-tsny ny fikohokohon’io akohovavy antitra io izy. Fa indray andro dia nahita azy ilay renim-boromahery. Nihiakiaka izy, niantso azy hivoaka, nanao hoe, “Anaka, tsy isan’izy ireo ianao. Mivoaha avy ao aminy!”

Hoy izy, “Mama, inona no azoko atao?”

²¹² Hoy izy, “Akopahy ny elatralo dia manomboha.” Ny fitsambikinana voalohany, dia nidona tamin’ny andry iray izy, teo afovoan’ny rafi-pandaminana iray mihitsy. Hoy izy, “Anaka, tsy maintsy miakatra avoavo kokoa noho io ianao raha tsy izany dia tsy afaka mahazo anao aho. Tsy maintsy manao ny tongotrao hiala amin’ny tany ianao.” Hitondra azy eo amin’ny fanidinana iray izy. Hitany fa afaka manidina izy. Tonga izy mba hiantso azy hivoaka. Marina izany.

²¹³ Fa ity Reny Babylona ity dia nahazo andian’akohokely ho an’ny tenany, akohokely malama vava, miloko tarehy, mitapa-bolo, miantso ny tenany hoe “Kristiana.” Manana akany iray feno azy ireny izy. Ianareo mpitory teny izay mitsangana eo amin’ny polipitra ka mamela an’ireo vehivavy ireo hilamindamina amin’izany, mbà menatra ianareo, mba hanao ny ara-anaram-piangananareo ho betsaka. Hitaky an’izany eo an-tànanareo Andriamanitra. Mivoaha avy ao amin’izany! “Ny Ondriko mandre Ny Feoko.” Akany iray feno mpankahala, kirina, mpieboebo, tia fahafinaretana mihoatra

noho ny fitiavana an'Andriamanitra, te-hitovy kokoa amin'izao tontolo izao toy izay hitovy amin'i Kristy. Rehefa mahita vehivavy iray manao lokon-tarehy betsaka ianareo, dia izany no maneho fa foana izy ao anatiny. Sandoka izy ao anatiny. Marina tokoa izany. Raha ny vehivavy... Nahita anankiray aho indray andro, niaraka tamin'ny volo maitso, marina izany, niaraka tamin'io karazan-javatra maintso rehetra io teo amin'ny masonry.

²¹⁴ Ankehitriny, raha ianareo—raha—raha tsy nanana volo mihitsy ianareo, ka—ka te-hitondra volo iray ianareo, dia ho mety tsara izany, fa, mitondrà anankiray izay mitovy amin'ny olombelona. Ary raha tsy nanana hoho mihitsy ianareo, ka—ka te-hanana hoho sasantsasany, dia aza maka an'ireny mitovy amin'ny hodi-tsaramaso antitra ireny, makà—makà tena hoho. Raha tsy manana an'ireo zavatra ireo mihitsy ianareo, dia mety tsara izany. Raha tsy manana nify mihitsy ianareo, makà anankiray raha manamboatra anankiray ho anareo izy ireo, alaivo izy ireo. Fa aza manala ny nify nomen'Andriamanitra anareo satria fotsiny hoe mivilana kely izy ireo, nefy nify tsara, mba haka anankiray. Aza lokoina ny volonareo, na tahaka an'izany, ka hitovy amin'ny zavatra iray izay mivoaka avy amin'ny fotaka iray any ho any. Aza... Raha matroka ianareo, ka te-hanao ny tenanareo toy ny manana loko iray, dia mety tsara izany, neveriko. Fa aza manao ny tenanareo hitovy amin'i Jezebela, tahaka ny tranom-biby iray any ho any izay nolokoina.

²¹⁵ Ary ianareo rahalahy Pentekotista, mamela an'ireo vehivavy ireo hanapaka ny volony, nefy ny Baiboly no nilaza fa izany no voninahiny! Ary tsy mety aminy akory aza ny hivavaka miaraka amin'ny volony tahaka an'izany. Kanefa mamela azy hiakatra eo amin'ny polipitra ary mitory ny Filazantsara, mihira ao amin'ny antoko mpihira iray, mampianatra sekoly Alahady. Mbà menatra ianareo! Tokony ho menatra ny tenanareo ianareo. Nahoana aho no manohitra ny rafi-pandaminana? Mihevitra ve ianareo fa afaka hanohana zavatra tahaka an'izany aho? Fantatro ny antony anaovanareo an'izany, ry rahalahy. Mahafantatra tsaratsara kokoa ianareo, saingy raha hampianatra manohitra an'izany ianareo, dia haverina mankany amin'ireo foibe, ary handroaka anareo izy ireo. Isaorana Andriamanitra nohon'ny herim-ponareo raha hanao an'izany ianareo. Marina izany. Hanaja anareo Andriamanitra.

²¹⁶ Inona no nolazain'ity anjely ity? "Mivoaha avy ao aminy!" Eny, tompoko. Tonga teto an-tany ity anjely ity, ary tonga hitondra ny Hazavana izy, ary nampahazava ny Hazavana nanerana an'izao tontolo izao izy. Anjely mahery iray izy. Ary tonga izy hanambara ny Hafatra hoe "Mivoaha avy ao Babylon!" Aza mikasika an'ireo zava-malotony!"

²¹⁷ Manana akany iray manontolo feno azy ireny izy. Hoy izy, "Izy no akanin'ny vorona mpankahala rehetra." Hia, manana

akany iray feno azy ireny izy ankehitriny, ilay Fiombonamben'ny Fiangonana Maneran-tany, na ireo trano fialofana. Ataony ao anaty akany ilay andiany manontolo ankehitriny, eo am-pahatongavana miaraka izy rehetra. Lasa akany iray izy, eny àry, feno vorona mpankahala. Marina izany. Manandrama miresaka amin'iray amin'izy ireo indray mandeha, andramo fotsiny izany, ry tovolahy, manan-tsaina amin'ny fahendren'izao tontolo izao, saingy tsy mahafantatra betsaka an'Andriamanitra mihoatra noho ny ahafantaran'ny bitro iray mikasika ny kiraro fitondra amin'ny oram-panala. Marina izany. Izao fotsiny, izay fotsiny ihany, hitanareo, ny fantatr'izy ireo fotsiny ihany dia fahendrena iray izay ahafahany mametraka an'ity sy manao an'itsy ao anatin'y ao. Fa rehefa tonga eo amin'ny hoe mahafantatra Azy? Hah! Hia, tratra tao anatin'ny akaniny niaraka tamin'ireo dogmany. Manomboka an'ilay zavatra iray ihany ireo fiangonana protestanta, lasa zananivavy, nahatonga an'io tamin'ny fandàvana ny Tenin'Andriamanitra. Izany no ataony. Mandà ny Teny izy. Ary rehefa manaiky zavatra hafa iray ianareo raha tokony ny Teny, dia ianareo mihitsy no manda an'Izany. Ary rehefa mikambana ao amin'ny iray amin'izy ireo ianareo, dia nandà ny Teny koa ianareo. Tsy tian'Andriamanitra ho tahaka an'izany ianareo, tsy misy toerana ho an'izany ho an'ny Soratra.

²¹⁸ Mariho, ity no ilay anjelin'ny Hazavana, tsarovy, ilay anjely farany, ilay anjely ao amin'ny taom-piangonana ho an'i Laodikia izany. Izany no iraka ho an'i Laodikia, io, izany ilay farany, satria ilay toko manaraka mihitsy dia ny toko faha-19, dia ny Ampakarina tonga. Ary ity dia, ao amin'ny Soratra, ilay anjely farany izay tonga mba hitondra Hazavana alohan'ny fahatongavan'ny Ampakarina handeha hitsena an'i Kristy. Izany no Taonan'ny Fiangonana Laodikiana, arak'izany. Inona ilay iraky ny Taonan'ny Fiangonana Laodikiana? Miantso azy ireo hivoaka avy ao Babylona! Jereo! Tratra tao anatin'ny akaniny niaraka taminy ireo fiangonana, niaraka tamin'ireo dogmany, nandà ny Teny ary nanaiky an'ireo dogma. Ity no anjelin'ny Hazavana ho an'ny fiangonana Laodikiana izay nandà an'i Kristy sy Ny Teniny, ho an'ny dogma, ka nametraka Azy tany ivelany. Ary nitsangana teo am-baravarana Izy, nandondòna, niezaka hiditra. [Mandondòna ny polipitra Rahalahy Branham—Mpand.] Hitanareo? Nandà an'i Kristy ilay taom-piangonana, ary Kristy no Teny, nefà nandà an'Izany, ary tany ivelany Izy. Ilay taom-piangonana tokana izay nanao an'i Kristy tany ivelany, nandondòna, niezaka mba hiditra. [Mandondòna ny polipitra Rahalahy Branham.] Ary ny Hafatr'ity anjely ity, iraka avy tamin'Andriamanitra, dia ny nampanakoako ny Hafany teto an-tany, hoe "Mivoaha avy ao Babylona! Mivoaha avy ao amin'ireo rafi-pandaminana!" Ny Fanahy Masina amin'izao andro izao, ny fanehoan'ny Fanahy Masina dia io anjely izay miezaka mitondra ny olona hiverina

amin'ny Teny io, satria ny Fanahy Masina dia hanamarina fotsiny ihany ny Teny. Tsy afaka manamarina dogma Izy, tsy misy aina ao anatin'izy ireo. Izy no Fiainana. Mariho, ilay Taonan'ny Fiangonana Laodikiana dia nandà Azy, nandroaka Azy, ary nataon'izy ireo tany ivelany Izy.

²¹⁹ Mariho, ity anjely ity no iraka farany alohan'ny fihavian'i Kristy ao amin'ny toko faha-19-n'ny Apokalypsy. Ilay Feon'ny iraka! Raha mahamarika isika, rehefa namoaka ny Feony teto an-tany izy, dia nisy Feo iray nanakoako indray tany An-danitra, andininy faha-4, raha tianareo ny hamaky an'izany, eny àry, andininy faha-4, ny toko faha-19. Ity iraka eto an-tany ity dia tena niantehitra tamin'Andriamanitra hany ka, rehefa noteneniny ilay izy teto an-tany, dia nampanakoako an'ilay zavatra iray ihany Andriamanitra tany An-danitra. Inona no fandikana an'io andininy faha-4 io? Inona no dikany? Miteny amin'ny Olony voafidy mialoha ny Feon'Andriamanitra, manao hoe, "Mivoaha avy ao aminy!" Izany marina tokoa ilay Feo! Manana olona Izy ao anatiny rehetra ao, manerana an'i Babylona rehetra. "Mivoaha avy ao aminy, mba tsy ahatonga anareeo ho mpandray anjara amin'ny fahotany," eny, tompoko, avy ao amin'io dogma sy fanekem-pinoana io, mankany amin'ny Teny natao Fanahy sy Fiainana. Amena.

²²⁰ Mariho, ny toko faha-19 no manaraka, "Taorian'ireo zavatra ireo." Efa voamarikareo ve eto amin'ny andininy faha-19 hoe, "Taorian'ireo zavatra ireo"? Diniho hoe inona? Taorian'ny inona? Taorian'ilay Hafatra hoe "Mivoaha avy ao aminy!" "Taorian'ireo zavatra ireo," diniho, "dia ny horakorak'ireo Ampakarina masina, miaraka amin'ny Mpampakatra, mandeha mankany amin'ny Fampakaram-badin'ny Zanak'ondry." Akaiky toy ny ahoana àry isika, ry rahalahy? Inona ilay antso farany? "Mivoaha avy ao Babylona!"

²²¹ Ankehitriny, ry rahalahiko, izany no antony anoherako an'izany. Tsy ara-tsoratra izany. Tsy araka ny fanao izany. Efa voaporofa sandoka izany. Tsy ao anatin'izany Andriamanitra, tsy tao mihitsy Izy, tsy ho ao mihitsy Izy. Ankehitriny, tsy milaza aho hoe tsy misy olona ao anatin'ireny rafi-pandaminana ireny, teo no nanamboarana ny fiangonana. Saingy, raha mbola mijanona ao anatin'io rafitra io foana ianareo, dia ampahan'izany.

²²² Raha mijanona ao Etazonia aho, dia Amerikana iray aho. Raha mbola teratany iray foana aho na mambra iray an'ity Etazonia ity, dia ampahan'izany aho. Raha mandeha mankany Alemania aho ka mandà ny maha-mambra ahy eto, na ny maha-teratany ahy, mitondra ny maha-teratany ahy any Alemania, dia tsy Amerikana iray intsony aho, Alemania iray aho. Ary raha mandeha mankany Japon aho, na aiza na aiza, Rosia, dia lasa teratany iray any aho.

²²³ Ary rehefa mikambana amin'ny teratany iray ianareo... rafitra iray, dia lasa teratanin'io rafitra io ianareo, maneho ny maha-izy anareo ianareo. Ary ao amin'ity andro farany ity, dia miantso ny olona hivoaka avy ao amin'izany Andriamanitra. Ny Baiboly no niteny an'izany hoe, "Mivoaha avy ao aminy, mba tsy ahatonga anareo ho mpandray anjara miaraka aminy, dia handray anareo Aho. Aza mikasika an'ireo zavatra maloto, hitanareo, dia handray anareo Aho. Ary ianareo ho zanakalahy sy zanakavavy ho Ahy, ary Izaho ho Andriamanitra ho anareo." Hitanareo?

²²⁴ Izany no antony nitenenako nanohitra ny fiangonana, ilay—ilay trano fialofana. Tsy afaka miantso azy hoe fiangonana iray aho. Fiangonana iray ihany no misy, izany dia ny Fiangonan'ny Vatan'i Kristy. Fa ireto trano fialofana ireto izay antsoina hoe "fiangonana," ny Baiboliko no miteny amiko fa izy ireo dia anarana fitenenan-dratsy, izy rehetra, ireo rafi-pandaminana rehetra. Inona no itenenan'izy ireo ratsy? *Miteny ratsy* dia "mifanohitra amin'ny," na, "miteny manohitra." Rehefa hoy Andriamanitra hoe, "Avia hateraka," ary izy ireo manao hoe, "Avia hikambana." Hitanareo? Rehefa ireo batisan'ny Fanahy no navadika am-pahadisoana ho hostia iray ao amin'ny fiangonana Katolika, ary fandraisian-tànana iray ao amin'ny fiangonana Protestant, ary fientanam-po iray ao amin'ny fiangonana Pentekotista, raha tokony ho ilay Olon'i Kristy tonga miaraka amin'ilay tranobe pyramida izay nananantsika indray andro.

²²⁵ "Ampio amin'ny finoanareo, ny fahatanjahan-tsaina," sy ny sisa, io rehetra ao amin'ny Petera Voalohany io, ny faha-1...Petera Faharoa, mino aho, ny toko faha-1, izay misy ny rehetra anampiana amin'ny finoanareo, ireo zavatra rehetra ireo, toe-panahy araka an'Andriamanitra, sy fahadiovana, sy fahamasinana, sy ny zavatra rehetra, ary avy eo dia voaisin'ny Fanahy Masina tombokase ianareo.

²²⁶ Saingy ilay izy fotsiny dia toy ny olona iray izy ireo... mihambo ho manana an'io ny olona nefá tsy manana izy ireo, satria nampianarina diso. Ireo Metodista dia manana fihetseham-po hafahafa iray, fahiny, ary nangovitra kely fotsiny, na—na nandihy tao amin'ny Fanahy. Ireo Pentekotista dia miteny amin'ny fiteny tsy fantatra, na—na manao zavatra mampientam-po. Mino an'ireo zavatra ireo aho, izany tokoa, saingy ireo zavatra ireo tsy misy an'ireto hafa ireto dia tsy tsara.

²²⁷ Araka ny nolazaiko indray andro, izany dia tahaka ny vorombola iray...na vorona mainty iray miezaka mametaka volon'ny vorombola ao amin'ny tenany, na papangobe iray miezaka mampiasa volom-boromailala. Tsy haniry eo mihitsy izy ireo, izy no nanatsofoka azy ireo tao amin'ny tenany. Nambolena izy ireo, anaram-piangonana izy ireo. Fa rehefa Andriamanitra no mametraka zavatra ao anatiny ao, dia araboajanahary izany. Ianareo ihany no milaza hoe, "Nikambana

tamin'ny fiangonana aho omaly hariva. Tsy afaka mandeha intsony aho, tsy afaka misotro intsony aho, tsy afaka manao an'ity aho. Nikambana tamin'ny fiangonana aho." Hitanareo, miezaka mametraka volon'ny vorombola ao anatin'ny fatimpapangobenareo ianareo. Marina izany. Hitanareo? Hitanareo? Tsy maintsy ateraka indray ianareo! Tsy maintsy mandray an'i Kristy ianareo. Ary rehefa mandray an'i Kristy ianareo, dia tsy afaka mandray an'i Kristy raha tsy mandray Ny Teniny, satria Izzy no Teny. Ary rehefa manana ny endriky ny toe-panahy araka an'Andriamanitra ianareo, nefà mandà an'Izany, amin'izay fotoana izay dia manontany aho. Hitanareo? Ary mbola afaka mikambana amin'ny rafi-pandaminana rehetra izay tianareo hikambanana foana ianareo ary manana ny endriky ny toe-panahy araka an'Andriamanitra, nefà tsy mbola manana an'Izany foana.

²²⁸ Ankehitriny, eo ianareo izao, ry sakaiza. Io ilay zavatra manontolo. Andriamanitra hitahy anareo. Andriamanitra hanampy anareo. Tsy milaza an'izao mba ho hafa aho. Manazava amin'ny tenako aho. Andron'ny fitsaharan'ny ady izao, tsy manao sonia fifanaraham-pilaminana iray miaraka aminareo mpitoriteny aho, tsia mihitsy, heveriko fa ianareo no tokony ho tonga hanao sonia miaraka amiko; tsy miaraka amiko, fa miaraka amin'Andriamanitra, ny Teny. Marina izany. Marina izany. Lazao izay lazain'ny Baiboly, lazao amin'ny fomba izay Ilazany Azy Izany. Satria hoy ny Baiboly hoe, "Izay hanaisotra na hanampy amin'ilay zavatra iray ihany." Ary hitanareo, tsy ara-tsoratra ny rafi-pandaminana, ary rehefa mandray ny dogmanareo voalohany ianareo dia tsara aminareo mihitsy ny miverina any aorianea, satria dia niampita an'ilay tsipika eo no ho eo ianareo. Rehefa miverina amin'ilay fahateraham-baovao ianareo, amin'izay fotoana izay dia hiditra ao amin'ny Soratra.

²²⁹ Ary raha miditra ao amin'ny anaram-piangonana iray ianareo, dia hoy izy ireo hoe, "Fantatro, izahay tsy mino an'Ity. Ireo evekanay ao amin'ny fiangonanay dia mampianatra fa izahay no iray amin'ireo fiangonana tranainy indrindra. Izahay tsy mampianatra . . ." Tsy ahoako izay tsy ampianarin'izy ireo. Raha ny Baiboly no mampianatra an'ilay izy, ka ny Fanahy Masina no ao anatinareo dia hivelona amin'ny Teny Izany. Tsy mamparinona na manan-tsaina toy ny ahoana aza ny olona iray ary ahoana no ahafahany miezaka manazava an'Izany, afaka manazava izy ireo. Ny tsy mahatoky iray dia afaka maka ny Baiboly ka manazava hampanalavitra anareo amin'Andriamanitra.

²³⁰ Noho izany, tsy misy olona manana zò hitory ny Filazantsara raha tsy efa, tahaka an'i Mosesy, izay tany ambadika tany teo ambonin'ilay fasika masina izay nitsanganany sy Andriamanitra irery, raha tsy nateraka indray ny olona iray ka mijoro

mifanatrika amin'Andriamanitra, ary mahafantatra. Tsy misy tsy mahatoky, tsy misy fahalalana momba ny saina, tsy misy fanazavana, tsy misy mahay eto amin'izao tontolo izao izay afaka manaisotra an'Izany aminareo. Efa teo ianareo rehefa nitranga izany! Eny, tompoko. Fantatrareo izay niseho.

²³¹ Amin'izay fotoana izay dia hoy ianareo hoe, "Efa nanana an'io karazana fahatsapana io aho, ary manana fanahy iray aho eo amiko." Ary raha mandà ny Teny amin'ny fomba rehetra izany, dia manana fanahy ratsy ianareo. Hoy ianareo hoe, "Izaho—tsy afaka hanaiky an'io karazan-javatra tahaka an'Ity io aho. Fantatro, saingy ny fiangonanay . . ." Ah-ah, izany no fanahy ratsy iray. Izany no mariky ny fanondroana anareo. Kaina, voaisy marika ianao. Eny, tompoko.

²³² Nisalasala teo amin'ny Teny kely anankiray fotsiny i Eva; tsy izay rehetra nolazain'Andriamanitra, fa Teny kely anankiray fotsiny, ary izany no niteraka ny aretim-po rehetra sy ny fahavakism-po, sy ny fahafatesana, sy ny fahotana, sy ireo ady, sy ny zavatra hafa rehetra, ny fasana rehetra, ny fiara mpitondra marary rehetra izay hany mihiakiaka, ny hopitaly rehetra izay naorina ho an'ny marary. Ny fisalasalany kely anankiray teo amin'ny Tenin'Andriamanitra kely anankiray, no niteraka an'io rehetra io. Dia voaroaka izy, nefà tsy tokony ho nitranga mihitsy izany. Ahoana no hidiranareo, misalasala Teny anankiray an'Izany? Hoy ianareo, "Fantatro fa Izany dia milaza an'Izao, saingy Izany . . ." Izany dia midika mihitsy an'Izao!

²³³ Jereo ankehitriny. Tsy maintsy hitsara an'izao tontolo izao amin'ny alàlan'ny zavatra iray Andriamanitra. Tsy afaka hanana fitsarana ianareo raha tsy manana lalàna iray aloha. Tsy maintsy misy zavatra iray, tsy maintsy mandika zavatra iray ianareo mba ho tsaraina. Hitanareo? Ary noho izany dia tsy mety hisy fitsarana, marina, nefà tsy misy sazy. Ankehitriny, hitanareo, tsy afaka manana lalàna iray ianareo ao an-tanàna izay milaza hoe "lamandy dimy dolara nohon'ny fandikana jiro mena iray," ary ilay lalàna manaraka dia manao hoe "tsia, afaka mandeha malalaka izy." Hitanareo, tsy afaka manao an'izany ianareo. Noho izany dia tsy mety hisy lalàna roa misy amin'ny fotoana iray. Ary lalàna anankiray no misy, Andriamanitra iray, Boky iray, Kristy iray. Izay ihany. Finoana iray, fanantenana iray. Izay ihany. Izany no Baiboly, Kristy.

²³⁴ Mariho ankehitriny, ao amin'ity, raha tsy maintsy misy zavatra iray nanampiana amin'Ity, dia tsy maintsy nampian'olona izany. Izany dia tsy mety ankoatry ny . . .

²³⁵ Ary raha hitsara an'izao tontolo izao amin'ny alàlan'ny fiangonana iray Andriamanitra, araka ny lazain'ny Katolika, amin'izay fotoana izay dia amin'ny alàlan'ny fiangonana Katolika inona no Hitsarany azy? Misy maro amin'izy ireo; misy anankiray, Romana; anankiray, Grika; ary, oh, misy an'ireo karazany rehetra. Amin'ny alàlan'ny fiangonana Katolika iza

no Hitsarany azy? Na, angamba hitsara azy amin'ny alàlan'ny Loterana ve Izy? Eny, noho izany, ary angamba hitsara azy amin'ny alàlan'ny Presbyterana ve Izy? Hitanareo? Inona no Hataony? Tsy hitsara azy amin'ny alàlan'ny fiangonana iray Izy. Hitsara azy amin'ny alàlan'Ny Teniny Izy. Eny, noho izany, Izy tsy mihitsy... .

²³⁶ Hitanareo, tsy afaka mihazona vondron'olona iray Izy, araka ny fahitan'ilay anabavy indray hariva, nilatsaka ny Fanahy Masina tao, nandalo avy hatrany tamin'io boaty io Izy. Azo antoka, tsy misy na inona na inona mihazona an'Izany. Isam-batan'olona ilay izy. Nomena Izany mba hanadio an'ilay fiangonana, saingy tsy afaka mihazona an'Izany izy. Tsy misy rafi-pandaminana afaka mihazona an'Izany. Izay ihany. Tsy afaka manao an'izany fotsiny izy. Manana ny zavatra rehetra ianareo ao anatiny ao, fa tsy afaka manao an'izany ianareo. Tsy afaka manao an'izany ny rafi-pandaminana. Fa isambatan'olona no manana ny Fanahy Masina. Mariho ankehitriny.

²³⁷ Noho izany raha hitsara an'izao tontolo izao amin'ny alàlan'Ny Teniny Andriamanitra, amin'izay fotoana izay dia niambina tokoa an'Izany Izy ary nihazona an'Izany ao amin'ny toerana. Na, raha mikorontana tanteraka Izany, dia ahoana no Hitondrany fitsarana? Hitanareo? Tsy maintsy ho zavatra iray izany. Ary Izy tsy nanao mihitsy hoe, "Na iza na iza, amin'ny alàlan'ny fiangonana." Hoy Izy hoe, "Na iza na iza hanaisotra Teny anankiray avy amin'Ity, na hanampy teny anankiray amin'Izany, dia samy hesorina (ny anjarany) avy ao amin'ny Bokin'ny Fiainana." Noho izany, ho ahy, dia Andriamanitra izany, Ny Teniny sy ny fitsarana. Ankehitriny, raha mitsara aho ka manaiky ny Teny, ary mahita fa maty ho ahy Kristy, amin'izay fotoana izay dia hangataka Ny Fiainany aho hiditry ary hitari-dàlana ahy. Ary raha ny Teny No Fiainany, ary Izy no nanoratra ny Teny, dia ahoana no ahafahan'Ny Fiainany ho ao anatiko, ary izaho mihambo ho manana ny Fanahy Masina, nefä manampy dogma iray raha tokony ny Teny? Tsy hety mihitsy izany. Ahoana no ahafahako manampy anaram-pianganana iray nefä Izy manohitra an'izany, ary nanaporofo an'izany, sy naneho an'izany nanerana ny tantara, hoe isaky ny manao anaram-pianganana izy ireo dia maty, ara-panahy? Oh, mitombo amin'ny mambra izy ireo, azo antoka. Marina izany. Mitombo amin'ny mambra izy ireo. Saingy, ara-panahy, dia tsy lasa na aiza na aiza mihitsy izy ireo. Asehoy ahy, teneno amiko ao amin'ny tantara izay mba nisy fiangonana iray izay... Taorian'ny nandrafetany, dia maty teo no ho eo izy, niala taminy ny Fanahy Masina. Tsy nisy fahagagana sy famantarana intsony, ary niditra avy hatrany tao anatin'ny fahapotehana mihitsy izy.

²³⁸ Izany marina tokoa no nitranga tamin'ireo fiangonantsika Pentekotista. Nanao marina tokoa an'izay nataon'ny reniny izy ireo. Tany amin'ny voalohany, dia nivoaka izy ireo, vahoaka

iray izay nandà an'ireo anaram-piangonana. Ankehitriny, ny sasany aminareo rahalahy izay mihaino an'ity horonam-peo ity, ny sasany aminareo lehilahy antitra, dia mahafantatra fa taona maro lasa izay, efapolo, dimampolo taona lasa, raha niresaka taminareo mikasika ny rafi-pandaminana iray izy ireo, dia nilaza ianareo fa teny ratsy izany. Fa amin'izao andro izao dia mikambana amin'ilay zavatra izay noheverinareo fa teny ratsy ianareo. Ianareo vehivavy izay manapaka ny volonareo sy mandoko ny tarehinareo, nanohitra an'izany ny reninareo, ilay tsara—ilay olo-masina pentekotista tsara fahiny. Inona no nitranga taminareo? Hoy i Paoly hoe, "Nihazakazaka tsara ianareo, inona no nisakana anareo?" Hitanareo? Tany aoriana tany dia afaka tamin'io karazan-javatra io ianareo, saingy tehitovy amin'ny sisa amin'izy ireo ianareo.

²³⁹ Izay nolazain'i Samoela marina tokoa. Nanana Mpanjaka iray Israely, ary Andriamanitra izany. Ary hoy izy ireo hoe, "Ry Samoela, miha-antitra ianao. Omeo mpanjaka iray izahay, te-hitovy amin'ny sisa amin'izao tontolo izao izahay. Te-hitovy amin'ireo firenena hafa izahay. Mila mpanjaka iray izahay hitondra anay any amin'ny ady, mila mpanjaka iray izahay izay afaka miady ny adinay." Ary tsy nahafaly an'i Samoela izany.

²⁴⁰ Hoy izy hoe, "Efa mba naka zavatra taminareo ve aho? Efa mba naka ny volanareo taminareo ve aho? Efa mba nangataka omby iray na zavatra iray taminareo ve aho? Efa mba nangataka zavatra taminareo ve aho?"

Hoy izy ireo hoe, "Tsia. Tsy nangataka na inona na inona taminay mihitsy ianao."

²⁴¹ Na hoy izy hoe, "Efa mba niteny zavatra taminareo tamin'ny Anaran'ny Tompo ve aho ka tsy niseho?" Marina ve izany? Hoy izy hoe, "Noho izany dia aza mandray an'izany mpanjaka izany, satria hidika fahapotehina ho anareo izany."

²⁴² Ankehitriny dia te-hanontany zavatra aminareo aho, ry Branham Tabernacle. Eo an-dàlam-pitomboana ho tabernakla goavana iray ianareo ankehitriny. Mety ho lasa lavitra vetivety aho. Mety handeha any ho any aho. Sarotra ny hiteny hoe aiza no Hiantsoan'ny Tompo ahy; angamba hiala eo amin'ny sehatra, angamba hiverina any amin'ny saha, angamba mety hiantso ahy ho any an-efitra Izy. Tsy fantatro hoe aiza no Hiantsoany ahy mandra-pahatongan'i Jesosy. Tehanontany zavatra aminareo aho. Efa mba nangataka zavatra taminareo ve aho? [Hoy ny fiangonana hoe, "Tsia."—Mpand.] Efa mba niangavy vola taminareo ve aho? ["Tsia."] Efa mba niteny zavatra taminareo ve aho, tamin'ireo zavatra an'arivony izay noteneniko taminareo tamin'ny Anaran'ny Tompo, nefo, tsy niseho ve izany? ["Amena."] Noho izany dia aza mikambana amin'ny rafi-pandaminana iray mihitsy. Manohitra ny Tenin'Andriamanitra izany. Mivoaha avy ao amin'izany raha

ao anatin'izany ianareo, ary aoka hisaraka ianareo ka raiso ny Tenin'ny Tompo.

Ndao isika hanondrika ny lohantsika.

²⁴³ Andriamanitra Lehibe an'ireo mpaminany, ilay Andriamanitr'i Abrahama, Isaka, ary an'Isirael, ampio fahatanjahan-tsaina, Tompo, ity Hafatra kely tapatapaka izay efa tao am-poko nandrity ny elabe ity, mba handeha any amin'ireo rahalahiko. Maro amin'ireo any ivelany any, Tompo, no nanana fiheveran-diso ny amiko. Mihevitra izy ireo fa te-ho hafa aho. Mihevitra izy ireo fa miezaka ny ho mahafantatra ny rehetra aho. Niteny tamin'ny olona izy ireo fa mamitaka ny olona aho, indrindra eo amin'ireo lohahevitra toy ny *batisan'ny rano* amin'ny Anaran'ny Tompo Jesosy, ary eo amin'ny *taranaky ny menarana*, ilay *mpijangajanga lehibe*, ary maro amin'ireo horonam-peo izay nivoaka tsy nisy afa-tsy Fahamarinana tsy nifangaro. Ary nanontany azy ireo aho hoe, “Tongava ny sasany aminareo ka asehoy ahy hoe taiza aho no nanota, na tsy nino na nandika diso ny Teny.” Fa tsy nisy anankiray niseho. Mivavaka Aminao aho, Ray, aoka ireo olona ireo hahafantatra fa diso an'ilay ora izy ireo. Hiandry tara loatra izy ireo, raha tsy mitandrina. Enga anie izy ireo, ny tsirairay avy . . .

²⁴⁴ Tompo, azoko antoka izao, ho potika ny foko raha tsy tena misy amiko ity Soratra ity, rehefa hoy Ianao hoe, “Izay rehetra nomen’ny Ray Ahy, no hanatona. Ny Ondriko mandre Ny Feoko.” Noho izany, Tompo, ataoko fa ny Fanjakana dia marina tokoa araka ny Nolazainao, fantatro fa izany izy, izy dia tahaka ny lehilahy iray izay nitondra harato iray ka nandeha nankany amin’ny farihy, nanipy ny harato ary nisintona ny karazany rehetra. Nisy tao, tsy isalasalana, trondro mpitsindroka, nisy sokatra tao, halan-drano, menarana, ny zavatra rehetra izay azon’ny haraton’ny Filazantsara. Fa farany, afaka kelikely, dia niverina nankany anaty rano indray ilay oran-drano, niala ilay sokatra, ary nihisitrisitra ilay menarana ka lasa niverina nankao amin'ilay lava-potaka, tahaka ny alika nankany amin’ny lòany na ny kisoa vavy nankany amin’ny fotany. Saingy nisy tena trondro teo, Tompo. Ary manana an'izao fiononana izao aho, ny mahafantatra, fa talohan’ny nandehanan'ilay harato teo ambonin'izy ireo mihitsy aza, dia efa trondro izy ireo tamin'izany. Izy ireo dia teraka, voafidy mialoha ho trondro. Ary toy izany koa ny haraton’ny Filazantsara izay mahazo ao anatin'ireo fifohazana. Ianao no mahafantatra ny Anao Manokana. Ny zavatra tokana maha-tompon'andraikitra ahy, Ray, araka ny fantattro, dia ny mijanona mahatoky amin’ity Teny ity. Ianao no Anankiray Izay tena manapa-kevitra hoe iza no iza. Ary fantattro fa tahaka ny tsy ahafahan’ny sokatra ho lasa truite, dia toy izany koa no tsy ahafahan’ny lehilahy iray na olona iray, izay manana sofina marenina amin’ny Filazantsara, mba hahazo ny Fahamarinana. Satria ny Ray no efa nahita an'izany mialoha,

ary Ianao no nampanantena fa izay rehetra Nomeny Anao no hanatona.

²⁴⁵ Ray any An-danitra, mivavaka Aminao aho mba ny olona rehetra izay mihaino an'ity Hafatra kely ity, mba ny Hazavana izay efa notoriana tao anatiny, sy ny hevitra izay ananako ao am-poko manoloana ny olona sakaizako, ireo olona izay Nahafatesanao... Ary ireo lehilahy, ny sasany amin'izy ireo any, Tompo, tahaka ny tao amin'ny andiany an'i Kora, lehilahy tena izy, diso fitarika, niaraka tamin'ny fandoroana zava-manitra masina teny an-tanany, saingy levona. Nahoana, tsy navelan'izy ireo niditra niaraka tamin'izy ireo akory aza ilay fandoroana zava-manitra nisy afo; ny zanak'i Arona, Eleazara, no tsy maintsy nanangona an'izany. Ary nanamboatra faneva iray ho an'ny alitara avy tamin'ireo tavy ireo izy ireo, ampinga iray, mba hanehoana, sy ho tsangambato iray an'io zavatra ratsy io, hoe nanandrana ny hanao vondrona iray voarafitra i Kora hanohitra ny irak'Andriamanitra. Ho lavitra anay anie izany, Tompo. Enga anie hiaro anay foana ny Fanahy Masina.

²⁴⁶ Misaotra Anao izahay, Tompo, ny amin'ity fiangonana kelinay ity, ity toerana masina kely ity. Taona maro lasa izay, telopolo taona mahery kely, no nandohalehako teto amin'ilay kamory feno zozoro sy hamandoana teto, ary notokananay ho Anao ity tany ity, ity rafi-trano kely ity. Ary ao anatin'ny zoron'ity tabernakla ity no mipetraka izany fahitana izany. Niseho marina tokoa izany. Mbola ao foana. Tsy hamotika an'izany izy ireo, Tompo, izy ireo fotsiny dia ho...hiha-antitra izany, ary hitahiry an'izany fotsiny izy ireo amin'ny fametrahana anankiray eo an-tampony. Andriamanitra, ekeo ity Filazantsara volamena izay voarakitra ato anatin'ireo pejy eto ity, enga anie Izy tsy hiala mihitsy amin'ity fiangonana kely ity mandrapihavin'i Kristy. Enga anie ny mambra tsirairay, ny mambra tsirairay an'ny Vatan'i Kristy, tonga eto izy ireo avy any amin'ny manerana ny firenena sy manodidina an'izao tontolo izao, enga anie ny tsirairay avy amin'izy ireo handray ny Hazavana, ny Filazantsara, ka handeha ao amin'Izany avy eo ary handray an'i Kristy.

²⁴⁷ Ary enga anie ho tena misy izany mba hisehoan'Ny Teniny hoe, "Ireo asa izay Ataoko, no hataon'izy ireo koa. Izay mandre Ny Teniko, ka mino Izay naniraka Ahy, no manana Fiainana Mandrakizay." Ka rehefa miditra ny Fiainana Mandrakizay, dia nateraka avy any Ambony izy ireo, ary ireo asa avy amin'Andriamanitra no haneho ny tenany, satria izany ilay Fiainana iray ihany izay tao Aminy. Tsy afaka hanao zavatra hafa Izany.

²⁴⁸ Noho izany, Ray, aoka ity fiangonana ity tsy hametraka mihitsy ny fitodiany Mandrakizay eo ambonin'ny fahatsapana iray, eo ambonin'ny rafi-pandaminana iray, eo ambonin'ny zavatra iray ankoatran'i Kristy Izy tenany velona ao anatin'izy

ireo, manamarina Ny Teniny amin'ny alàlan'izy ireo sy ny Fampanantenany. Enga anie, manomboka amin'ny ankizy kely indrindra eto izao hariva izao, ka hatramin'ny olona antitra indrindra, handray an'izao fahatsapana izao. Ary enga anie ny lehilahy na vehivavy tsirairay, zazalahy na zazavavy, izay mihaino an'ity horonam-peo ity, enga ho toy izany koa amin'izy ireo, Tompo, ary omeo azy ireo ny fahazoana fa miezaka mampitandrina fotsiny aho ary miantso hivoaka, satria efa tara noho izay heverinay ity ora ity.

²⁴⁹ Ary mahita an'i Babylona izahay, ilay reny mpijangajanga, ary ireo zananivavy rehetra mpijangajanga manakambana ny tenany miaraka. Andriamanitra, fantatray fa ny Soratra dia milaza fa ireo tsimparifary avy eo amin'ilay tanimbary no ho fatorana aloha, amin'ny amboara. Ary mamatotra ao amin'ny amboara izy ireo, miantso ny tenany ho anarana fitenenandratsy izay tsy misy idirany amin'izy ireo marina tokoa, tsy misy idiran'izany amin'ilay Fiangonana, ihany koa; trano fialofana izany, fa tsy fiangonana. Iray amin'izy ireo ihany no misy, Ray, ary izany dia ilay Anankiray izay Nahafatesanao.

²⁵⁰ Ary mivavaka aho, Ray, raha mahita azy rehetra ireo voafatotra ho an'ny afo atomika iray tsy ho ela izahay ankehitriny, mivavaka aho, Tompo, mba Hamelànao an'ilay vary ho feno sy havesatra. Ekeo izany, Tompo. Enga anie izahay hitombo sy hampahazava ny Hazavana, ka hitovy amin'i Jesosy, "Raha tsy manao an'ireo zavatra izay notakian'Andriamanitra Tamiko mba hataeo Aho, amin'izay fotoana izay dia tsy manana Fiainana Aho ato Amiko. Fa raha miteny Andriamanitra ka maneho Ny Fiainany, amin'izay fotoana izay dia Izany no miteny ho an'ny Tenany." Ekeo izany, Tompo. Apetrako Aminao ity Hafatra ity, ary mba Hiambenanao Azy, ka hitondra an'aliny, Tompo, na, ireo Zanakao rehetra voafidy mialoha ho an'ny Filazantsara. Ao amin'i Jesosy Kristy, Izay ny Teny, amin'Ny Anarany no ivawahako. Amena.

Tiako...izaho...
 Satria...nitia ahy mialoha
 Ka nividy ny famonjeko
 Teo amin'ny hazon'i Kalvary.

²⁵¹ Hametraka ny fanontaniana aho. Firy izao hariva izao ato amin'ity mpanatrika hita maso eto ity, an'ity fiangonan'ny olona goavana tsara tarehy ity, na tranon'ny olona, raha ny marina, ato amin'ity toerana fanompoana ity, izay mino amin'ny fonareo rehetra, ny fiainanareo dia mahatanteraka ny fitakiana (ianareo) an'Andriamanitra sy ny Baiboly, ka mino ianareo fa, amin'ny alàlan'ny fijerena ny fiainanareo manokana, sy mahita ny fomba izay ihetsehan'ny Fanahy ao anatinareo, hoe mino ny Teny tsirairay amin'ny fomba nanoratana Azy izy, ary mitandrina Azy? Mino an'Izany ve ianareo? Andriamanitra hitahy anareo. Enga anie Izy hihazona hatrany Ny Fanahiny eo aminareo.

²⁵² Ary ho an'ny sakaizako eo amin'ny horonam-peo, maniry aho ny ahafahanareo hijery eto ao amin'ity mpanatrika ity izao hariva izao, ataoko fa fara-fahakeliny dia ny sivifolo isan-jaton'ny olona no nanangana ny t  nany, hoe mino sy mandinika ny Baiboly izy ireo, (tsy izay lazain'ny fiangonana) izay lazain'ny Baiboly, (tsy izay lazain'ny trano fialofana) izay lazain'ny Baiboly, ary mahita ny Fiainan'i Kristy mitaratra ao anatin'Izany izy ireo.

²⁵³ Fantatrareo, tamin'ny andro fahiny talohan'ny nananan'izy ireo an'ireo fandrendrehana, ilay-ilay mpanao volamena fahiny dia nikapoka ny volamena tamin'ny maritoa iray. Ataoko fa efa nandre ny amin'izany ianareo. Talohan'ny nandehanany nankany amin'ilay fandrendrehana, dia nokapohin'izy ireo izany. Ary ny volamena no akora mavesatra indrindra, mavesatra kokoa noho ny firaka izy. Ary noho izany dia efa nanao fikarohana kely aho, ary afaka maka ao anatin'ny fasika ao amin'ilay fanasana ianareo any an-tany efitra, ary mikosoka ny t  nanareo eo ambonin'ny fasika, ary avy eo, "fioo," mitsoka tahaka an'izao, dia hanidina ny vovoka sy ny zavatra rehetra, ireo vato, fa tena mavesatra ny volamena ka hijanona eo izy. Ary avy eo rehefa alainareo io volamena io, nikodiadia nanerana ny vovoka betsaka izy hany ka nanangona marobe. Ary nanerana an'ireo taonan'ny volokano no nanangonany, misy vaingana metaly sy ny sisa izy, taim-by sy ireo akora hafa mifangaro aminy. Nalain'ilay mpikapoka fahiny io vongam-bolamena io ary kapohiny izany dia avadiny, ary kapohiny izany dia avadiny, mandra-pikapony an'ireo poti-javatra rehetra hiala aminy. Ary fantatrareo ve hoe ahoana no nahafantarany fa afany ireo poti-javatra rehetra? Afaka mahita ny sariny manokana mitaratra ao anatin'izany izy.

²⁵⁴ Ary tahaka an'izany no anaovan'Andriamanitra ny Fiangonana. Kapohany ny fanekem-pinoana tsirairay, ny anaram-piangonana tsirairay, ny dogma nataon'olona tsirairay, mandra-Pahitany Ny Fiainany Manokana mitaratra ao anatinareo. "Raha tsy manao an'ireo asan'Ny Raiko Aho, dia aza mino Ahy." Hitanareo? Raha izay nokasaina ho an'ny Fiangonana, ilay Fiainana izay tao amin'i Kristy no tsy mitaratra ao aminareo, dia aza mipetraka tsara raha tsy manana faharetana ianareo, fahatanjahan-tsaina, ireo zavatra rehetra ireo, sy fahononam-po, sy-sy ny sisa, sy toe-panahy araka an'Andriamanitra, sy fifankatiavan'ny mpirahalahy, ary ireo zavatra rehetra izay notakiana taminareo ireo. Tsy mampaninona izay efa nataonareo, tsy mampaninona na impiry ianareo no nihiaikiaka, firy ny fiangonana efa nikambananareo, firy ny volom-borona efa napetakareo tao amin'ny tenanareo, aza manao an'izany. Miandrasy mandra-pahatonganareo marina tokoa, avy ao amin'ny fonareo, afaka hamela, mandra-panananareo fifankatiavan'ny mpirahalahy ao am-ponareo.

Tsy mampaninona na hisintona volombava eran'ny t nana aza izy ireo avy eo amin'ny ilany iray, afaka manatodika an'ilay takolaka hafa ianareo miaraka amin'ny fahamoram-panahy, hitanareeo, mandra-pahatongan'ireo fahatanjahan-tsaina ireo, tsy mampaninona izay lazain'izy ireo aminareo.

²⁵⁵ Rehefa nametraka vorodamba iray nanodidina ny Tavany izy ireo ka nikapoka Azy teo amin'ny loha, nanao hoe, "Ankehitriny, miteny amiko izy ireo fa Mpaminany iray Ianao." Ankehitriny dia nisintona an'ilay vorodamba niala teo Aminy, ka ny iray tamin'izy ireo nihazona an'ilay tsora-kazo, nanao hoe, "Iza taminay no nikapoka Anao? Maminania ka teneno aminay, amin'ny teny hafa, amin'izay fotoana izay dia hino izahay fa Mpaminany iray Ianao." Tsy nanokatra ny Vavany mihitsy Izy.

²⁵⁶ Rehefa mandre mpaminany iray mitsangana ianareo, izay manana ny valiny rehetra amin'ny fitapitaka tsirairay izay azonareo aseho, dia tsarovy, fa tsy mpaminany iray izy. Amin'izao andro izao dia tsy maintsy mahafantatra ny zavatra rehetra izy ireo, rehefa hanana areti-nify iray ianareo ary rehefa hanana aretin-kibo iray ianareo, sy ny zavatra hafa rehetra, ary miteny aminareo ny rehetra mikasika an'izany. Tsy izany no natioran'ny Andriamanitsika. Diniho ireo mpaminany, diniho Jesosy.

²⁵⁷ Jereo i Paoly, rehefa afaka namely fahajambana lehilahy iray izy, ka namela an'ilay mpanefy varahina handroaka azy hiala amin'ny firenena, "Ataoko fa veriny ny heriny hamely fahajambana."

²⁵⁸ Jesosy, Izay afaka nanangana ny maty, kanefa voalaza fa miaramila mamo iray no nandrora teo amin'ny Tavany, sy nivandravandra sy nandrora ary nanongotra volombava teo amin'ny Tavany, ka nikapoka Azy teo amin'ny loha, niaraka tamin'ny vorodamba iray nanodidina Azy, nanao hoe, "Maminania ka teneno aminay hoe iza no nikapoka Anao." Nefa tsy nanokatra ny Vavany.

²⁵⁹ Aza miraharaha an'ireny mpanao fitapitaka ireny. Fa tsarovy, miteny fotsiny ihany izy ireny, ny dolara sandoka iray dia miteny fotsiny ihany fa misy anankiray tena izy any ho any. Rehefa mahita an'io karazan-javatry ny rafi-pandaminana io mitombo sy ambinina ianareo, araka ny voalaza hoe "hambinina eny an-t nany ny hafetsena," dia tsarovy fotsiny, misy Fianganon'Andriamanitra kely iray any ho any, feno ny Fanahy Masina marina tokoa, tena izy, izay miakatra eo amin'ilay tohatra. Aza mijery an'ilay rafi-pandaminana goavana.

²⁶⁰ Iza no fiangonana izay voateny ao amin'ny Baiboly ho malaza kokoa noho ny taom-piangonana Efesiana? Fa rehefa nandaloo tany amin'ny morontsiraka ambonin'i Efesosy i Paoly, ka tonga tao amin'io fiangonana io, dia nisy olona roa ambin'ny

folo tao anatiny. Marina izany. Ary olona tsara izy rehetra, nihiaika sy nanana fotoana lehibe, saingy tsy mbola nandray ny Fanahy Masina. Hoy i Paoly hoe, “Tsy mbola noraisinareo ve ny Fanahy Masina fony ianareo vao nino?”

Hoy izy ireo hoe, “Nahoana, tsy fantatray fa nisy ny Fanahy Masina.”

²⁶¹ Hoy izy hoe, “Noho izany dia ahoana no nanaovana batisa anareo?” Raha tsy nanao fahasamihafana iray izany, dia inona no nolazainy tamin’io fiangonana tany io?

²⁶² Hoy izy ireo hoe, “Efa nataon’ny iray amin’ny lehilahy lehibe indrindra izay hany nitsangana teto an-tany batisa izahay, Jaona Mpanao-batisa, izay nanao batisa ny Tompontsika. Tsy efa ampy tsara ve izany fanaovana batisa izany?”

²⁶³ Hoy izy hoe, “Tsia, tompokeo. Tsy maintsy averina hatao batisa ianareo, satria ny Fanjakana dia voaisy tombokase amin’ny zavatra hafa rehetra.” Ary rehefa nandre an’izany izy ireo . . . Hoy izy, “Jaona dia nanao batisa fotsiny ihany ho amin’ny fibebahana, fa tsy ho an’ny famelàna ny fahotana, nilaza fa tsy maintsy mino an’Ilay ho avy ianareo, izany hoe, an’i Jesosy.” Ary rehefa nandre an’izany izy ireo, dia naverina natao batisa tamin’ny Anaran’i Jesosy Kristy. Marina izany. Marina tokoa. Nanaraka ny Soratra izy ireo.

²⁶⁴ Fantatrareo, tao amin’ilay fitokanana aninkeo maraina, nanaraka an’ilay modely izay hitany tany An-danitra i Mosesy, ary namelatra tranolay iray hanehoana an’izany. Rehefa nanorina ny tempoly i Solomona, izy (inona no nataony?) nanaraka an’ilay modely izay Mosesy, tamin’ny alàlan’ilay tranolay, no nihazona ny Soratra nahitsy.

²⁶⁵ Ary rehefa tonga tao amin’Ny Tempoliny Andriamanitra tamin’ny andro farany, ity Tempoly ity, ny Fanahy Masina, “vatana iray no Namboarinao ho Ahy,” nilatsaka ny Fanahy Masina tamin’ny Andron’ny Pentekosta, ny hafatra dia hoe, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho famelàna ny fahotana, ary ianareo handray ny fanomezan’ny Fanahy Masina. Fa ny teny fikasana dia ho anareo sy ho an’ny zanakareo, ary ho an’ireo izay lavitra, arak’izay hantsoin’ny Tompo Andriamanitsika.” Raha te-hiantso ny mpitoriteninareo hoe dokotera iray ianareo, dia Dokotera Simona Petera no nanoratra taratasim-panafody iray, taratasim-panafody iray Mandrakizay. Izany no mitsabo an’ilay marary.

²⁶⁶ Avelao ny iray amin’ireo mpivaro-panafody sandoka ireo hanandrana, amin’ny alàlan’ny anaram-piangonana, hameno an’izany amin’ny fomba hafa, izany no antony ananan’izy ireo . . . Fantatrareo, raha tsy manampy ianareo . . . raha manampy be loatra amin’ilay taratasim-panafody ianareo, ianareo mety . . . poizina be loatra, mety hamono an’ilay

marary ianareo. Raha tsy mametraka ao anatin'izany ianareo, ianareo...tsy ho an'ilay fanefitra, raha tsy mametraka ianareo, dia tsy hanao soa ho an'ny mararinareo izany. Ny mpitsabonareo no mahafantatra tsara hoe ahoana no hanoratana an'ilay taratasim-panafody.

²⁶⁷ Ary Kristy, ny Fanahy Masina, no Mpanoratra ny Taratasim-panafody, ary Izzy no nanoratra an'Izany. Aza manampy amin'Izany na manaisotra an'Izany avy amin'Izany, raiso fotsiny araka ny maha-izy azy ilay Fanafody. Izany no Fitsabona ho an'ny aretina rehetra. Andriamanitra hitahy anareo. Tianareo ve Izzy? Amena.

Tiako Izzy, izaho...[Elanelana tsy voaraki-peo—Mpand.]
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

²⁶⁸ Ankehitriny raha mbola misamonomonona an'izany isika, dia mitodiha ankehitriny ka raiso ny tànan'ny eo akaikinareo eo. Oh, mpivahiny iray ihany koa izy, mandalo.

Tiako Izzy, izaho...(. . . ? . . . mahafinaritra izany.)
 Satria nitia ahy mialoha Izzy
 Ka niv-. . . . -njeko.

(Avia eto amin'ity lâlantsara ity. Eny, misaotra anao, rahalahy.)

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

Tiako Izzy, (ndao isika hihira an'izany ankehitriny),
 tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

²⁶⁹ Ankehitriny dia ndao isika hanondrika ny lohantsika, hanakimpy ny masontsika, hanangana ny tànantsika sy ny feontsika amin'Andriamanitra ankehitriny, raha mametraka anareo amin'ny pasitera aho. Faly izahay manana anareo eto. Tsy anaram-piangonana izahay. Tsy manana lalàna afa-tsy ny fitiavana izahay, tsy manana fanekem-pinoana afa-tsy Kristy, tsy manana boky afa-tsy ny Baiboly. Tsy manana mpikambana; miombona fotsiny amin'ny alàlan'ny Ràn'i Jesosy Kristy izay manadio anay amin'ny tsi-finoana rehetra.

²⁷⁰ Eny àry, ny rehetra miaraka ankehitriny.

Izaho...Izaho...

Andriamanitra hitahy anareo. Miverena ka vangio indray izahay.

Satria nitia mialoha Izy . . .

Eny àry, pasitera. Vonona ve ianao? Andriamanitra hitahy anao.

Ka . . .



*NAHOANA AHO NO MANOHITRA
NY FIVAVAHANA VOARAFITRA MAG62-1111E*
(Why I'm Against Organized Religion)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 11 Novambra, 1962, tao amin'ny Branham Tabernacle ao Jeffersonville, Indiana, U.S.A., dia nalaина avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org